

گلزار عاشورا

اثر طبع

محمد حسین خلیل نژاد قاضی محمدانی

متخلص به خلیل نژاد

گلزار عاشورا
جلد پنجم

اثر طبع

محمد حسین خلیل نژاد

قاضیجہانی

تخلص : خلیل نژاد

مناقب و مصائب

حضرات معصومین علیہ السلام

خلیل نژاد، قاضیجهانی، محمدحسین، ۱۳۲۲ -
گلزار عاشورا مناقب و مصائب حضرات معصومین
علیهم السلام / اثر طبع محمدحسین خلیل نژاد
قاضیجهانی. - تهران: پیری، ۱۳۸۱.
۴۰۰ ص؛ ۱۲ x ۱۶/۵ اسم.

ISBN 964-6622-95-x

فهرست نویسی بر اساس اطلاعات فیپا .
ترکی.

۱. شعر مذهبی ترکی -- قرن ۱۴ . ۲. شعر ترکی --
ایران -- قرن ۱۴ . ۳. چهارده معصوم -- شعر .
۴. واقعه کربلا، ۶۱ ق. -- شعر . ۵. شعر مذهبی -- قرن
۱۴ . الف. عنوان. ب. عنوان: مناقب و مصائب حضرات
معصومین علیهم السلام.

۸۹۴/۳۶۱۱
ک ۷۱۸۵خ

PL۳۱۴/خ ۷۵۸۸

۸۱-۳۹۲۸۷م

کتابخانه ملی ایران

شناسنامه‌ی کتاب:

نام کتاب	:	گلزار عاشورا
مؤلف	:	محمد حسین خلیل نژاد
ناشر	:	انتشارات پیری
نوبت چاپ	:	اول
چاپخانه	:	قلم
تیراژ	:	۳۱۰۰ نسخه
تاریخ چاپ	:	زمستان ۸۱

شابک X-۹۵-۶۶۲۲-۹۶۴

ISBN 964-6622-95-X

پنجمین آثار من گلزار عاشورا بود
 پُر ثمر اشعار من گلزار عاشورا بود
 پیش ارباب خرد با ارزش و با محتوا
 دوستان معیار من گلزار عاشورا بود



ای کرم دریاسی لطف ایله مریض و مضطربه
 قیل طبابت غصّه و غمدن یارالی دلّره
 بیر برات کربلا امضاء ایله قربان سنه
 افتخار اولسون اقلأ بو قوجالمش نوکره

حمد و سپاس بی کران خداوند قادر و متعال و سلام و تحیت بر اشرف مخلوقات محمد بن عبدالله (صلی الله علیه و آله) و جانشینان بر حق آن بزرگوار، اما بعد این حقیر سراپا تقصیر که یکی از غلامان خاندان عصمت و طهارت (علیه السلام) می باشم. توفیق عنایت شده که چند صباحی از زندگی کوتاه خود را صرف شعرهایی در مناقب و مصائب ائمه هدی (علیهم السلام) بنمایم و کتاب حاضر را گلزار عاشورای کربلا جلد پنجم در دسترس عموم مؤمنین و مؤمنات قرار دهم تا شاید از این طریق توشه‌ای برای آخرت ذخیره کرده و مورد شفاعت آن آستان ربوبی قرار گیرم.

لازم به ذکر است که آثارهایی بنامهای دریای غم، معراج عاشورا، معراج دین و معراج شیعه قبلاً توسط این بنده حقیر بچاپ رسیده است. از تمام علاقه‌مندان و مداحان محترم تقاضا دارم که اگر اشتباه و اشکالی مشاهده نمودند با دیده اغماض نظر فرمایند.

محمد حسین خلیل نژاد

بسم الله الرحمن الرحيم

خدای عالَمیان عاجزم پناه بده
 برای دیدن فضلت به من نگاه بده
 همیشه قلب مرا نور احمدی پُر کن
 بخاطر علوی سینه پُر آه بده
 من عاشقم به حسین از ازل خداوندا
 به احترام حسین اشک را گواه بده
 عنایتی بنما موقع حساب عمل
 کمی به تخفیف پرونده گناه بده
 من از حساب قیامت هرآن می ترسم
 به روز حشر مرا لطف کن پناه بده
 من عاجزانه ز تو میکنم خدا خواهش
 همیشه همت عالی به این سپاه بده
 وطن به خشکی شده تبدیل ای کریم و غفور
 برای راه نجات آب هم گیاه بده
 خلیل نژادم الهی ترحمی بنما
 امان بروز جزا روی این سیاه بده

راز و نیاز با خداوند کریم

یر یوزی یارب عنایت ایله گُلزار اولسون
 قلیلر پاسی گئدوب مطلع انوار اولسون
 سایه لطفوی کسمه با شیمیزدان یارب
 رحمتون لطف ایله دائم بیزه ایثار اولسون
 خشکدازه یوخوموز طاقت الهی نظرایت
 بنده لر اولما رضا قهره گرفتار اولسون
 رحموویله بیز یله ایله مدارا یارب
 ایله احسان هامیا تا هامی بیدار اولسون
 نیه بیز غرق بلا یوخ بونی بیر عده بولور
 دینینه عاق اولان اشخاصه گرک عار اولسون
 دینه لطمه وروری دهر یده بیر عده جهول
 او دور علت قالور آز گونلریمیز تار اولسون
 گر چه بیر عده سوور هر بلا گلسه با شینا
 خوشلویور ساعتی یا هر گونی دشوار اولسون

توکونی قیز لارا باخ که چیخادوب روسریدن
 اولارا فرق ائلمور محرم و اغیار اولسون
 آتالار هم آنالار دهریده درک ایلموری
 قیزلاریم قوی دییوری چهره سی گلنار اولسون
 بله گئتسه قاباقا مملکت شیعه یقین
 قور خورام قهره خداونده گرفتار اولسون
 امر به معروف ایدون بلکه سعادت تاپالار
 عمل ایتما قلقا توفیق اولار یار اولسون
 ویر اوزون قلبیلره رحم و مروت انصاف
 دین و انصافیه یکسر هامی دیندار اولسون
 مسلمین هوشه گلوب بی کسه بهتان دئمسون
 شیعه لر بیریرینه یاور غمخوار اولسون
 ستم و ظلم آزالسون داخی بو جامعه دن
 خواب و غفلتده یاتان مردمه هشدار اولسون
 حسد و بخل و ریا هامسی گئتسون آرادان
 معرفت عشقیله قوی دللری سرشار اولسون
 یوز لره بلکه آچلسین او سعادت قاپوسی
 الگو هر ایشده بیزه حیدر کرّار اولسون

قلبمیز کاسه سی مملودی غصّه ئیله خدا
 سیزده ماه رجب لطف ایله تکرار اولسون
 مجلس جشن قورولسون هامی یرده علیه
 علی اوصافیلری جشنیده گفتار اولسون
 مرتض عشقینه بو شیعه لری دوتسون اوروج
 ذکر مولا ئله آخشام چاغی افطار اولسون
 بیز ده توفیق تاپاق حق یولونی طی ایلیک
 بلکه آینده لره حق یولی هموار اولسون
 رحم ایله بنده لره سن بو حسین خاطرینه
 قویما چوخ گوزلری ایامیده خونبار اولسون
 شیعه لر ایستوری گورسون او حسینون حرمین
 عاشقین واردی نه جرمی بله آزار اولسون
 لطف ایله یولار آچلسین هامی جان و دلیله
 الده بیر پرچم حسین قبرینه زوّار اولسون
 بو گوزل نوحه لرین بیز بیرینی ورد ایلیک
 دسته لر نظمیه تا وارد دربار اولسون

گوزی یاشلی دایانوب باهم اوْپک مرقدینی
 وردیمیزاوندا منیم یازدقیقیم اشعار اولسون
 آغلیاق عشق حسینله توکک گوز یاشینی
 آناسی فاطمه ده گلسون عزادار اولسون
 سینه زنجیر ویرانی جمع ایلک دورمیزه
 آقانون پاک حرمی گلشن و گلزار اولسون
 نوحه خوانلار اوخوسون بیزده ویراق سینه میزه
 زینب زمزمه سی ظاهر و تکرار اولسون
 بیزیلن فاطمه ده اشگینی جاری ایله سین
 صاحب و مجلس اودم احمد مختار اولسون
 درد اولانلار هامسی سس سه سه ویرسون اوجادان
 سس ویرن دادیمیزه قولسوز علمدار اولسون
 میزبان اولسون اوزی باب الحوائج عباس
 قلبیمیز اوندایمیز عشقیله سرشار اولسون
 ای خلیلا گوزی یاشلی سوزوی باشه یتور
 بلکه بو شعریلرون لایق سالار اولسون

تقاضای عاجزانه از خدای کریم

بارالها لطف قیل عالمده خونخوار اولماسین
 معاویه اوغلی یزیدین کاری تکرار اولماسین
 محو ایله اسرائیلی ای قادر حیی ودود
 قوی فلسطین بوندان آرتیخ بسدی رگبار اولماسین
 قیل عطا یتسون حکومت لر اصریل انسانلارا
 شیعه نون بالا سرینده قوم اغیار اولماسین
 لطف ایله گتسون کناره بُت پرستلیق دهریده
 ظلمیدن بخل و حسدن ذرّه آثار اولماسین
 ذوالجلالیم قیل کرم بیدار ایله خلق اللهی
 بلکه چوخ کم فکریلر ظالمیره یار اولماسین
 محو ایله ظالمیری اولسون عدالت برقرار
 دوز مسیرین هامی تاپسون قوم کفار اولماسین
 خواب غفلته یاتان مردم آیلین خوابدن
 چوخ داخی کذب و دروغ خلق ایچره گفتار اولماسین

رحم ایله مضطرلره ای مالکی یوم جزا
 آلیان اشخاصه قوی گوندوز شب تار اولماسین
 عصمت اللهه گوره باغلا یالانچی دللری
 بیر پارا سوزلرداخی قوی خلقه اخبار اولماسین
 ایستیروخ اوز محضرونده عاجزانه ای خدا
 ایت هدایت هامنی عالمده بدکار اولماسین
 ایله بود دنیانی گلزار قوی نفس چکسون بشر
 قطع ایله کفرین بناسین بیرده اشرار اولماسین
 نور و ایمانیه دولدور دللری ای ذوالجلال
 پاک اورکلرده غلط فکریله افکار اولماسین
 ویر صفا و معرفت عشق عالمینده دلره
 بش گون عمروندن بشر قوی بلکه زنهار اولماسین
 منتظردی شیعه لر گلسون عزیز ی فاطمه
 عدلی برپا ایله سون قوم تبهکار اولماسین
 ویر اجازه حجتون آلسین اله شمشیرینی
 پرده غیبتده چوخ غمگین او سردار اولماسین

امرا یله صاحب زمان ورسون کناره پردنی
 بیر بله پنهان داخی بسدوراو سالار اولماسین
 یوسف زهرانی گندر عالم اولسون گلستان
 بوندان آرتوخ دیده لره جرینده خونبار اولماسین
 بو بیوک نسگل دگل اون بیرامامین مادری
 مخفی دفن اولسون اونون قبریندن آثار اولماسین
 ویر اونا دستور الهی قبرین ایتسون آشکار
 شهر یثریده داخی آواره زوآر اولماسین
 روشن اولسون بارگاه فاطمه ای ذوالکرم
 عاشق زهرایه بی حد بسدور آزار اولماسین
 قیل منه لطف و کرم اشعاریمه ایله نظر
 قابل اولسون سوزلریم آزار حصار اولماسین
 من خلیل نژادم الله رو سیاهم یوخ سوزوم
 رحم ایله روز جزا بو روسیه خوار اولماسین

راز و نیاز با قادر متعال

قادر الله قیل نظر دللر پریشان اولماسین
 یر یوزی خلق الله زندان و زندان اولماسین
 رحم ایله بو اُمته ای عالمی خلق ایلین
 دینیدن بلکه گلوب ملت گریزان اولماسین
 کسمه لطفون قوی اوخونسون گونده قرآن مجید
 دهریده مظلوم داخی آیات قرآن اولماسین
 ظالمی بالا سر شیعه قرار ورمه خدا
 جیره خوار اجنوی لطف ایت مسلمان اولماسین
 چیخدی یادان واجبات اوضاع قاریشدی سربه سر
 بوندان آرتوخ قیل نظر عالمده کفران اولماسین
 یولارین کج ایلدی بیر عده ثروتدن اوتور
 لطف ایله گفتاریم الله خلقه بهتان اولماسین
 ساختمانلار قوزانوب عرش معلایه طرف
 یوخسولون قانلاریدی حفظ ایله ویران اولماسین

یرمی واحده گزن بولمز ضعیفین حالینی
 نیلوری بیربیلہ شخص ایمانی ایمان اولماسین
 مستأجر لر قالسون آواره پریشان حالیلہ
 پولی دوتسون ثروتین ایمان و وجدان اولماسین
 گونده مین نوعی باهالیق چو لقویور بوکشوری
 صبرایدون فعلاً گورک بو ظلم اعلان اولماسین
 بایرامون آخشامیدور چو خلار پریشان دور بوگون
 ال دوتان یوخ یوخسولا ایولرده افغان اولماسین
 مهدی زهرا الیلہ ویر صفا بو دللره
 امرایله مولا داخی بیربیلہ پنہان اولماسین
 آند ویرؤخ بیز سنی صاحب زمانون جانینه
 مرحمت ایلہ خدا مهدی پریشان اولماسین
 قورخورام مهدی گلندنده صور ایشلر دونه
 اول زماندا قلبیلرده درده درمان اولماسین
 فکریمه بیلہ گلور مهدی چیخاندا ظاهره
 ایللیک باهم دعا تا اوندا عصیان اولماسین

دین و اسلامه اوزون نصرت عطا ایله داخی
 بلکه دیندن دم ورانلار یار شیطان اولماسین
 مملکت مملکتی شیعه دی ای قادر حق
 ساخلا آفات بلادن بوردا کفران اولماسین
 ایلورم سندن تقاضا عاجزانه من خدا
 ظالم هیچ وقت مظلوما عالمده سلطان اولماسین
 قیل عنایت کربلانی یولاری باغلانماسین
 دیده لر بو بارده گریان و گریان اولماسین
 حی داور کیم دیور بو عالم امکایدیه
 شیعه عثنی عشر سلطانه مهمان اولماسین
 عاشق کربوبلایوخ ای جهانی خلق ایدن
 دعوت ایله بلکه دللر غصّه دن قان اولماسین
 کربلانی گورمه سوخ عالم بیزه زندان اولار
 قیل کرم کون و مکان عشاقه زندان اولماسین
 ای خلیلا بس ایله چوخ طول ویرمه مطلبه
 سعی ایله بو عالی سوزلراوزگه عنوان اولماسین

نوحه ی سینه زنی راز و نیاز

اَللّٰهُ اَللّٰهُ نَصْرٌ مِّنْ اَللّٰهِ
 قَرَّبَانُونَ اَوْلَامِ اِیْ قَادِرِ اَللّٰهِ
 زَهْرَايَه خَاطِرِ اَیْلَه عَنایت
 قَوِیْمَا جَمَاعَتِ اَوَّلَسُونَلَا گَمْرَاه
 اَللّٰهُ اَكْبَرُ اَللّٰهُ اَكْبَرُ

دُونَدِی اَلْهٰی دُورِ زَمَانَه
 تَنَگِ اَوَّلَدِی دُنْیَا بُو شِیْعِیَانَه
 زَنَدَانَدِی عَالَمِ مَسْتَضَعْفَانَه
 اَعْمَالِی لَرْدَنِ وَاَقْفَسَنِ اَللّٰهُ
 اَللّٰهُ اَكْبَرُ اَللّٰهُ اَكْبَرُ

مَوْلَا یَه خَاطِرِ کُوسْمَه اَلْهٰی
 سَنَسَنِ ضَعِیْفَلِرِ پِشْتِ وِ پَنَاهِی
 عَفِ اَیْلَه بَارِی سَن بُو گَنَاهِی
 یِزِ اَیْتَمِیْشُوخِ چُوخِ عَالَمَدَه گَنَاهِ

اَللّهُ اَكْبَرُ اَللّهُ اَكْبَرُ
 رَحْمَتُهُ يَارَبِّ اَيْلِهِ مَدَارِا
 سَالِمًا نَظَرْدَن سَن جَان مَوْلَا
 دَلَلَر دَارِيخْدِي آوَارَه قَوِيْمَا
 اَوْضَاعْدَن اَيْنْدِي آگَاهَسَان آگَاه
 اَللّهُ اَكْبَرُ اَللّهُ اَكْبَرُ
 اَي حَيِّ دَاوَر دَلَلَر اَوْلُوْب قَان
 جَان پِيْمَبَر بِيَر اَيْلِهِ اَحْسَان
 قَوَر تَار بُو قَوْمِي سَن بَارِي اَوْدَدَان
 وَاَر دَوَر قَابَاقْدَا ظَلْمَانِي بِيَر رَاه
 اَللّهُ اَكْبَرُ اَللّهُ اَكْبَرُ
 گُوَزَلَرْدَه گُونَلَر ظَلْمَانِي اَوْلْدِي
 عَصْرُون فِشَارِي طَوْلَانِي اَوْلْدِي
 رُوْحَلَار قَفْسَدَه زَنْدَانِي اَوْلْدِي
 دَوْتْدِي جِهَانِي چُون اَبَر سِيَاه
 اَللّهُ اَكْبَرُ اَللّهُ اَكْبَرُ

صاحب زمانی گُندر اماندی
 دنیا سراسر باد و دُماندی
 ظلمه تحمل ایتمک گرانندی
 قوی اصلاح ایتسون دنیانی اول شاه
 اَللّهُ اکبر اَللّهُ اکبر
 دلر اُمیدی صاحب زماندی
 حامی اصل مستضعفانندی
 خلقه همیشه دلن یانانندی
 غم لر الیندن دائم چکور آه
 اَللّهُ اکبر اَللّهُ اکبر
 رحم ایله یارب مولایه خاطر
 گُندر او شاهی زهرایه خاطر
 خلقی باغشلا طاهایه خاطر
 قیل لطف و احسان سن جانی اول شاه
 اَللّهُ اکبر اَللّهُ اکبر
 خلیل نژادین وار دور ملالی

پیچیده دور چوخ فکر و خیالی
 غمدن اولور زرد گل تک جمالی
 بو علتہ چوخ دائم چکور آہ

آہنگ جدید رازونیا

قادر اللہ بیزہ قیل عنایت
 بلکہ بیزده تاپاق بیر سعادت
 توفیق اولسون اقلأ خدایا
 امروہ ایلک تا اطاعت
 عاجزوخ مستمندوخ خدایا
 یوز قرا درد مندوخ خدایا
 واقفوخ جرمیمیز چوخدی یارب
 خیر عمل بیزده هیچ یوخدی یارب
 آج یاتور چوخلاری ایولرینده
 لیک بیر عدہ لر توخدی یارب
 عاجزوخ مستمندوخ خدایا
 یوز قرا درد مندوخ خدایا

بیر آچیق آل بیزه قیل کرامت
ویر هامی دلره سن سخاوت
قلیلرده اولا مهر و رعفت
ایلیه دیگه رانه عنایت

عاجزوخ مستمندوخ خدایا
یوز قرا دردمندوخ خدایا
الر اولسا آچیق فقیر اولونماز
رنگ لر غصه دن هی سولونماز
اغنیالر یتیشه فقیره
بو ضعیفلر بولود تک دولونماز

عاجزوخ مستمندوخ خدایا
یوز قرا دردمندوخ خدایا
مرتضانین یولون گیتسه شیعه
عشق معیارینه یتسه شیعه
فقیریدن ذره جه قالماز آثار
واجباته عمل ایتسه شیعه

عاجز و خستمندوخ خدايا
 يـوز قـرا دردمندوخ خدايا
 اي خـداي بـزرگ کـان رـحمت
 ايلـه بـو اُمـتي سـن هـدايت
 لطف قـيل دـلـلـري اولـسون آگاه
 بـير بـيره ايلـه سـون چـوخ مـحبت
 عاجز و خستمندوخ خدايا
 يـوز قـرا دردمندوخ خدايا
 خـواهـشي ايت قـبول بـنده لـردن
 گـوز گـوتـورمه خـدا زـنده لـردن
 سـن بـوراقـما بـيزي اوز بـاشينا
 تـرک رـحم ايتـمه آيـنده لـردن
 عاجز و خستمندوخ خدايا
 يـوز قـرا دردمندوخ خدايا
 لطفـوي ايتـمه کـم بـاراللـه
 رـحمـيلن ايت بـيزيله مـدارا

عاجزانه قاپوندا دخیلوک
 نا اُمید ایلمه جان مولا
 عاجزوخ مستمندوخ خدایا
 یوز قرا دردمندوخ خدایا
 دوتدی بو دللری بخل و کینه
 یوخدی رحم ایلین بیر بیرینه
 دوز یولا هامنی ایت هدایت
 سن باغشلا بیزی شاه دینه
 عاجزوخ مستمندوخ خدایا
 یوز قرا دردمندوخ خدایا
 قیل خلیل نژادا سن عنایت
 طبع عالی اوزون ایت کرامت
 ایلوری چوخلار چون حسادت
 قویما اولسون خدا سن خجالت
 عاجزوخ مستمندوخ خدایا
 یوز قرا دردمندوخ خدایا

اشعار نصیحت

هیئته جمع اولسوز معنی قرآنی دییون
 خالقه شکر ایلون رحمت رحمانی دییون
 قدرت الله باخون چشم بصیرتله هاموز
 یر یوزونده آچلان سفره احسان دییون
 ایکی گون گلموری باران قطع اولور آب زلال
 یاخشی بیر فکرایلیون لطف فراوانی دییون
 کسه لطفون باشیمیزدان بولون اوضاع قاریشار
 بولمیین شخصلره نعمت عظمائی دییون
 اولاریکه ایلوب هیچ زاد اوچون ترک صلاة
 اولارا فلسفه آتش سوزانی دییون
 امر به معروف ایدون دهریده جاهل لروزه
 شب و روز سیز اولارا راه مسلمانی دییون
 خواب غفلته یاتان مردمی بیدار ایلون
 عُمده منظور حق خالق سبحانی دییون
 گندروبدی نچه مین قاصیدینی یر یوزونه
 اولارین تعریف و توصیفینی هر آنی دییون

اولاً عرض ایللیون خلقه نجه تپراقدان
 یارادوب قدرتیله آدم وحوّانی دییون
 صورا خلق الله ابراهیمی تعریف ایللیون
 خالق حقدن اوتور کسدیقى قربانی دییون
 نجه الله گوره آتش نمروده گیدوب
 آتشی تبدیل ایدن باغ وگلستانی دییون
 یاکه نوحین گمیسین تعریف ایدون بولموینه
 اونون عصرینده اولان ملت نادانی دییون
 معصیت سایه سینه دوتدی بلا یر یوزونی
 غضب حقدن اولان مردمه طوفانی دییون
 نوحه توهین ایلینلر هامسی اولدی هلاک
 نجه اولدی اولارا یر یوزی ظلمانی دییون
 یاگلون یوسفین احوالینی بیر صحبت ایدون
 نه گلوبدی باشینا یوسف کنعانی دییون
 آغلیوبدی نجه ایل یوسفه خاطر آتاسی
 بالا هجرینده دولان دیده گریانی دییون

یوسفی سالدیلا چاهه ولی شرم ایتمه دیلر
 چاهی نورانی ایدن چهره زیبانی دییون
 قادر الله چیخادوب زنده و سالم اشیگه
 معجزه دقت ایدون قدرت یزدانی دییون
 گتوروبلر اونی ساتسونلا ولی قُل آدینا
 مشتریلر دوزولوب قیمت کالانی دییون
 نخ آچان عورته باخ که اودا بیر مشتری
 کرم بازاره باخون قیمت ارزانی دییون
 الغرض ساتدیلا بیر قیمت سنگینه اونی
 ایندی بوندان بویانا فکر زلیخانی دییون
 بیر آغیر قیمته آلدی آپاروپ منزلینه
 اوردا قلبین بوروین وسوس شیطانی دییون
 گور جگین یوسف کنعانی اونا عاشق اولوب
 یوسفه نقشه چکور واضح و پنهانی دییون
 یوسفی قویدی قاچوب کونیگینی پاره لدی
 ولی یوسفده اولان خالیقه ایمانی دییون

چوخ تلاش ایتدی ولی گلمدی مقصودی اله
 یوسفی ایتدی اودی مصریده زندانی دیون
 چکدی زندانینی دنیا ده تحمل ایلدی
 اگمدی شیطانا باش صاحب تقوانی دیون
 عاقبت مصریده اولدی هامیا شاه و بزرگ
 حیرته سالدی هامی مردم دنیانی دیون
 یاگلون حضرت موسائیه فرعونه باخون
 قدرته نائل اولان موسی عمرانی دیون
 نجه فرعون یی خوب قدرتینی الدن آلوب
 خلقی آزاد ایلین حضرت موسانی دیون
 وردی دریایه اعصانی اون ایکی یول آچولوب
 یولارا وارد اولان فرقه عدوانی دیون
 دولدولار هامسی بیردن وسط دریایه
 سوگلوب موجه قاریشدی سوی دریانی دیون
 ایستدی فرعون ایده توبه او ساعتده ولی
 جبرئیل وردی دهانیدن او عنوانی دیون

توبه وقتی سوو شوب سویلدی ای شوم دنی
 ئول داخی ئولملیسن ترک ایله دنیانی دییون
 عاقبت ظالم و مظلوم گیدک قبرا یوینه
 سعی ایدون دهریده کامل اولان انسانی دییون
 فکر ایدون یو خدی محمد کیمی بیر کامل اولان
 گئجه گوندوز هامیا توصف طاهانی دییون
 نجه قورتاردی جهالتدن عرب طاعفه سین
 خلقه خدمت ایلین سیدی بطحانی دییون
 وردیلار سندی دیشی دوزدی تحمل ایلدی
 دین یولوندا ایلین صبر و شکیبانی دییون
 اوکسیکه ایلیردی قیزی زنده به گور
 اولاری انسان ایدن اول شه والانی دییون
 یرمی اوچ ایل ایلدی خدمت آیتدی هامنی
 اُمته دینه ایدن خدمت شایانی دییون
 قویدولار مزدونا خاطر اودی که قوم شرور
 در و دیوار آراسندا قیزی زهرانی دییون

نجه زهرا در و دیوار آراسیندا یارالی
 چاغوروب دادینه اول فضه نالانی دیون
 دیدی گل فضه قاپوم یاندی بالام اولدی شهید
 آخوری سینه مجروحیمون آلقانی دیون
 بولمورم سسلمه دی بس نیه مولا علینی
 شرم ایدوب سسلیه اول دم شه مردانی دیون
 ختم ایله سنده خلیلا بو سوزی یاندی اورک
 مشتری اولسا سوزه قصه طولانی دیون

توسل به امام زمان (ص)

مردم دنیا بوتون غوغاده دی یابن الحسن
 چوخلاری صبح و مساء دعواده دی یابن الحسن
 اضطرابیه گئچور گونلر ولیکن چاره یوخ
 فکر مردم روز و شب دنیاده دی یابن الحسن
 چوخلاری دینین ساتوب دنیا سینا بو عصریده
 دین فروش اُمت هله رؤیاده دی یابن الحسن

بوگرانلق بو توروم ییخدیی یو خسولار ایوین
 یو خسولا ظلم ایلمک چوخ ساده دی یابن الحسن
 چوخ سوور بیر عده لراولسون گرانی دهریده
 درک ایدن یوخ بو صفت اعداده دی یابن الحسن
 خیری یو خدور بی کسه درک ایلین ایستور ولی
 بو یولی طی ایلین افتاده دی یابن الحسن
 بو طمع هه هر کسده اولسا لاجرم عرض ایلیم
 گردیندن آسلانان قلاده دی یابن الحسن
 بیر بیله اوضاعیله ایستور هله بیر عده لرا
 پاک اول بو دهریده آماده دی یابن الحسن
 بیر نفر رحم ایتموری اصلا یتیمه قیزلارا
 فکرایدن یو خدور بولار افتاده دی یابن الحسن
 تنگ اولوب دنیا و ما فیها هامی انسانلارا
 چرخ دون فکری ولی سوداده دی یابن الحسن
 گه خلیلی ایستوری نمرود اودوندا یانندیرا
 فکر و ذکری روز و شب غوغادی یابن الحسن

ایتموری اصلاً تصور اود گلیستانه دونه
 الاهین لطفی گل زیباده دی یابن الحسن
 گاه فرعونون الیله ساخلیور پیغمبرین
 قابلیت چون گورور موساده دی یابن الحسن
 حضرت موساده باخ صدق و صفا و قدرته
 قدرت الله اول ید بیضاده دی یابن الحسن
 گه مقابل ایلوری موسانی اول فرعونیه
 ایستوری بولسنله حق موساده دی یابن الحسن
 یوسفی گاه سالور چاه بلایه مصریده
 فکر یوسف بولموری تقواده دی یابن الحسن
 گه زلیخانی مسلط ایلوری اول سروره
 عقل یوسف فکرایدور سیماده دی یابن الحسن
 آغلادور یعقوبی گاهی گوزلرین کورایلوری
 میلی لطفی چون بولور ابناده دی یابن الحسن
 قرخ ایله بالغ توکور گوزیاشینی یعقوب یوزه
 یوسفه خاطر اودور افتاده دی یابن الحسن

گاه یحیائین باشین طشت طلاده کسدیروور
 بولموری صلح و صفا یحیادهدی یابن الحسن
 گه چکور عیسائی داره حق پدیداراولماسین
 بولموری علم الیقین عیسادهدی یابن الحسن
 چون یازوب تاریخه بو زیبا کلامی ذوالجلال
 راه چاره سیّدی بطحادهدی یابن الحسن
 ثبت اولوب تورات وانجیل و زبور و مصغه
 دین حق تکمیلّقی طاهادهدی یابن الحسن
 ایل دولاندی گون سوو شدی اولدی چون ماه ربیع
 گوردیلر قدرت بوتون یکتادهدی یابن الحسن
 آخرین پیغمبرین گتدی وجوده ذوالجلال
 آدمیّت اول دل برنادهدی یابن الحسن
 سفره احسانی آچدی حضرت ختمی مآب
 لذّت دنیا دیدی اعطادهدی یابن الحسن
 رحمتاً للعالمین آرتوری عزّت اُمّته
 رتبه انسان او دور اعلا دهدی یابن الحسن

رهنما لى ايلدى خوابه گيدن خلق الله
 ايلين باور سوزون آزاده دى يابن الحسن
 امرينه تابع اولانلار بولدولر ياللعجب
 قابليت رهبر عظماده دى يابن الحسن
 ايلينلر قيزلارين زنده به گور بولدى تمام
 روز محشر ايشلرى بلواده دى يابن الحسن
 اولدولار ناديم تمامى اول كثيف اعماليدن
 بولدولر مشگلرى عقباه دى يابن الحسن
 ايتديلر توبه تمامى چاتديلار حريته
 قانديلار عز و شرف داناده دى يابن الحسن
 كاش بو ملتده تاپسون دهريده راه نجات
 چون غلط ايشلر هله پرواده دى يابن الحسن
 لطف قيل ايله كمكلق سوز يتيشسون بيريره
 طبع اشعاريم ره اسناده دى يابن الحسن
 ايستورم حالات زهرانى يازام لطف ايله سون
 عمده منظوريم خانم زهراده دى يابن الحسن

بیربله دریای عفت گلمیوب مثلی هله
 بوسعدات تک گل طاهاده دی یابن الحسن
 امر ایدوب خالق اوزی محبوبه دور زهرا منه
 حق رضاسی طاهره عذراده دی یابن الحسن
 حضرت ختمی مآب ایگلدی دائم گل کیمین
 بوی خوش گویا گل میناده دی یابن الحسن
 تاپشراردی اُمته زهرانی دائم اول جناب
 امر ایدردی هر نه وار زهراده دی یابن الحسن
 بومنین نور دو عینیمدی جماعت درک ایدون
 روح جان صدیقه کبراده دی یابن الحسن
 فاطمه ناراحت اولسا من اوزوم ناراحتم
 چشم امیدیم قیزیم زهراده دی یابن الحسن
 گوزلویون اود ورمیون درگاهینه هرگز بونون
 افتخاریمدی منیم شهزاده دی یابن الحسن
 سیز دوگوب انجیدمیون حقین النیدن آلمیون
 عزّت و شأنی بولون عقباهه دی یابن الحسن

باخمادی امّا جماعت درگهین یاندر دیلار
 بی خیالِق دائماً اعداده دی یابن الحسن
 محسنین سقط ایتدیلر پهلوسینی سیندر دیلار
 سود دشمن آه و واویلا ده دی یابن الحسن
 گوردیلر سسلور اماندی فضّه گل امدادیمه
 تأخیر ایتمه فاطمه افتاده دی یابن الحسن
 ختم قیل عنوانوی سنده خلیلا عرض ایله
 هر ایکی دنیا گوزوم اعطاده دی یابن الحسن

نصیحت

دوز حسینچی اولسا کیم یولداشیننی خوار ایلمز
 دین و ایمان صاحبی انسانه آزار ایلمز
 یولداشین سن دیرماز هرگز بش تومن پولدان ساری
 غیرتی اولسا کیمون بونوعی رفتار ایلمز
 آغلیان دوز آغلاسا مجلس تاپار بی حد صفا
 دغدغه اوندا گلوب واضحدی اغیار ایلمز

قابلیّت اولماسا هر كسده ای خدمت ایدن
 پادشه بیر لشگره دنیاده سردار ایلمز
 هانسی بیر شخص ویرا لطمه حسینون یاسینه
 فاطمه اول شخصیه محشرده دیدار ایلمز
 عشق مولا ئیله گلسه بی ریا کم مجلسه
 تابع شیطان اولوب مجلسده بدکار ایلمز
 اولماسا انساندا اخلاص عمل ویرمز ثمر
 یعنی بیرکس وارد اول شخصی دربار ایلمز
 مجلس عرفانه گلسه بی ریا هرکیم یقین
 شرم ایدر آللهیدن بیهوده گفتار ایلمز
 مستحبدی آغلاماق ماتمسرالرده ولی
 قلبی سندیرماق حرام کیم بولسه تکرار ایلمز
 باخمیون چوخلار گیدور مولا حسینون قبرینه
 پول اگریپای اولماسا معناده زوآرا ایلمز
 کیم حسینون پرچمین ئوپسه گلنده مجلسه
 روحینی هرگز داخی دنیاده بیمار ایلمز

علم تقوایی اولان هریرده پرهیز ایلیر
 چوخ سوزی پشت سر مردمده اخبار ایلمز
 پاک قلبیله بیرگیسه عزا خانه لره
 محفل شاهانه نی عشاقه زنهار ایلمز
 قلبیلر دولسا اگر مهر و محبتله یقین
 اوندالله ظالمی انسانه سالار ایلمز
 تابع قرآن اولان معنای قرآنه باخار
 امر و نهی آیه قرآنی انکار ایلمز
 سوز دیین وقته گوزتلیر چوخ دیمز پرتوپلا
 اوزگه نین هی غیبتین اشخاص دیندار ایلمز
 بونچه سوز دور وصیت ایلورم یولداشلارا
 شخص عاقل هرگلن اشخاصی غمخوار ایلمز
 بیر کسیکه یولداشین حتی اوزوندن چوخ سؤه
 جنس نامرغوبی هیچ وقت تحفه یار ایلمز
 شاه دینون عشقینه یازسا بیرگی اشعارینی
 دقت ایلر هر سوزی مولایه اشعار ایلمز

سوزده گر مغز اولماسا واضحدی گون تک مسئله
 خواب غفلته یاتان انسانی بیدار ایلمز
 اولمادی کربوبلاده بیر نفر قیلسون بیان
 بیر بله ظلم و ستم هیچ مرد خونخوار ایلمز
 نطفه گراولسا حرام واضحدی ظالم ظلم ایدر
 رحمنی هرگز گلوب مظلومه بسیار ایلمز
 ایتمه سه هرکس رعایت مردُمون حیثیتین
 حاجتین بولسون روا قولسوز علمدار ایلمز
 باخمیون عباسه سیز ویردی ایکی قولارینی
 آیری بیرکس جاننی سلطانه ایثار ایلمز
 باش ویروب قولدان گچوب ذرّه گلایه ایتمیوب
 هیچ برادر قارداشا بیله فداکار ایلمز
 سسلدی قارداش حسین تئز گل منیم امدادیمه
 باشیمی هرگز رها قوم تبهکار ایلمز
 ایتمه تأخیر باشیمی ایندی کسر اشراردین
 واقفم منله مدارا قوم کفار ایلمز

قان آخوب رخساریمه گورمور حسینیم گوزلریم
 گلماقاییر بیله سقایو خسا اصرار ایلمز
 قولسوزام چو خدور یارام قالمور توانیم سیدی
 بیله پوزقون حالیمه رعفت بو اشرار ایلمز
 من سنی هی سسلورم وار دور بیراوزگه مسئله
 لیکن عباسون بو قدر اوز دردین اظهار ایلمز
 گوردی زهراسسلوری گل سینم اوسته یات اوغول
 ناامید قوخماسنی دلبدن مختار ایلمز
 ناگران اولما گلرایندی حسینیم یانوه
 چون فراموش واقفم اول روی گلنار ایلمز
 عن قریباً گوردولر مولا یتیشدی یانینه
 بولدولر هرگز فراموش یارینی یار ایلمز
 ایتدی فرمایش ابوالفضل گلمشم آچ گوزلرون
 سن کیمین بیرکس بودینه جانن ایثار ایلمز
 امدیگون سود ای علمداریم حلال اولسون سنه
 سود اگر پاک اولماسا بیربیله معیار ایلمز

آغلاما دشمن باخور یان دیر ما بی حد قلبیمی
 گوز یاشینی قارداش بله موقعده خونبار ایلمز
 سن خلیلا شعروه دقت ایله یاز بی ریا
 قوخما آله روز محشرده سنی خوار ایلمز

بانی هیئت هاردادی

اهل هیئت جمع اولوب بانی هیئت هاردادی
 یوسف زهرای اطهر کان غیرت هاردادی
 ای خداوند کریم ایله بو حصّاره کمک
 تاگورک اول صاحب فضل و کرامت هاردادی
 ایلیروخ چوخ آرزو بلکه گورک رخسارینی
 بولمیروخ اول وارث شاه ولایت هاردادی
 گوز یاشین گوزدن توکنلر هی دییوله بیریره
 ختم اولور بزم عزابس ماه طلعت هاردادی
 گلمشوخ بیز تسلّیت عرض ایتماقا اول سروره
 گل جمالین ایلک باهم زیارت هاردادی

دلترین درد و ملالین بیراونا قیلوق بیان
 بو یارالی دلره ایتسون طبابت هاردادی
 واردی چوخ دردی اولان درمان دالینجاهی گزور
 ایستوری مولا اوزی ایتسون عنایت هاردادی
 ای امام منتظر گورسد اوزون بو ملته
 تابولار عرض ایتمه سون نور هدایت هاردادی
 ور کناره پردنی گون تک عیان اول سیّدی
 آل اله شمشیریوی گوراهل ظلمت هاردادی
 ایت حکومت عالمه اولسون عدالت بر قرار
 اولماسین بلکه دین عدل و عدالت هاردادی
 یغ گیلان اوچ یوزاون اوچ سربازوی دوری بره
 گز دولان گور سن دین پاکیزه ملت هاردادی
 اوّل ایله اوز آنان زهرا مزارین آشکار
 قوی بوله حجاجیلر اول پاک تربیت هاردادی
 عشقین بیت خداونده گیدن زواریلر
 اول مزار پاکی ایتسونله زیارت هاردادی

چوخلار ایلور آرزو گورسن آنان قبرین آقا
 دائماً وار دور اورکلرده بو حسرت هاردادی
 بیر به بیر آختار یغشدر دهریده ظالمیری
 مظلومون حقینده ایله دوز قضاوت هاردادی
 قلبی غصّه‌له دولانلار دائماً گوزلور سنی
 سنده گل آختار اقلأ گور جماعت هاردادی
 خسته اولدی شیعه‌لر یولاره باخماقدان آقا
 هی دییولر بیریره مولای اُمت هاردادی
 تاریک شبلر دولان گور هاردا وار مستضعفان
 آه آه اوستن چکن یوخسول رعیت هاردادی
 اللریندن دوت آقا حفظ ایله حیثیتلری
 اولماسین بو فکر ایدن رحم و سخاوت هاردادی
 گیتدی انصاف و مروت حق دین یوخدور داخی
 سن اوزون فکرایله گورآخر بو علت هاردادی
 آبرونی گون به گون گورگ خطر تهدید ایدور
 یوخ دین هیچ باعث بیر بیله ذلت هاردادی

دوتدی ظلمت عالمی اوضاع قاریشدی سیدی
 روشن ایت سر چشمه ی بو جور ظلمت هاردادی
 آتش غمده یانور صبح و مساده شیعه لر
 یوخ ترخم ایلین بس مهر و رعفت هاردادی
 غم دوتوب بو عالمی زنداندی عالم انسانا
 بس هانی لطف و کرم جود و سخاوت هاردادی
 گلشنه باد ستم اسدی داغیدی گُللری
 گلستان غمدی بو عطر و لطافت هاردادی
 اعتنا ایتمور بیری یکسر هامی اولسا هلاکت
 همّت و شرم و حیا حتی شرافت هاردادی
 اغنیالر بیر زمان یاخشی دوتاردی اللری
 گیتدی باده هامسی رحم و مروت هاردادی
 عرش اعلایه اوجالدی ساختمانلار عیبی یوخ
 فکر ایله گور پایئه ی وجدان و غیرت هاردادی
 گونه مینلر آج قالب ثولسه ثولوبدی صبر ایله
 هیچ تصور ایلین یوخدور صداقت هاردادی

بو قرا نقطه سیلینسون کاش بیرگون قلبیدن
 اوند ا بیزده بیر گورک فکر سلامت هاردادی
 بو خلیل نژاد ایلور هر گئجه گوندوز تلاش
 ایستیور بولسون گُل باغ رسالت هاردادی
 صورت زیباسینی گورسه غمی زائل اولار
 ال ایاقیندان اُپر بولسه او حضرت هاردادی

اشعار مبعث

بیز عاشقوخ جمال دل آرا محمده
 اُمت اُمیدی سیّدی بطحی محمده
 فخر ایلروخ گلنده آدی هر اذانیده
 خُلق عظیم صبریده دریا محمده
 بیگانیه اورک سوزونی ایتمروخ بیان
 قیلوخ بیان دل سوزون آقا محمده

رسم وفا و عشقی بیزه اورگدن بودی
 علت اودور طفیلدی دنیا محمده
 انسانلاری هدایت ایدوب مستقیم یولا
 مدیوندی انس و جان هامی طه محمده
 عالم همه علینی بولر شاه لافتی
 اما علی دییر اوزی مولا محمده
 بی حد ایدوبدی لطف و کرم حی کردگار
 عشق عالمینده ربّ الاعلا محمده
 گیتمیوبدی مکتبه اما چوخ علمی وار
 محتاجیدی بولون هامی دانا محمده
 علمیه قلبینی ایله مملو ایدوب خدا
 احسان ایدوبدی خالق یکتا محمده
 پیغمبران ایچینده باخون عزّتین گورون
 ارزش ویروب خدای توانا محمده
 بی حد گوروب لیاقتینی حی کبریا
 قرآن منزلی ایدوب اعطا محمده

اَلله گوروبدی طعنه ورور قوم اشقیا
 اعطا ایدوبدی بیر گُل زیبا محمده
 زهرا اودم که قویدی قدم عالمه گوروب
 گُلدن گُلدی حضرت زهرا محمده
 اوپدی او گُل جمالینی قلبی اولوبدی شاد
 دنیا اولوبدی جنت الاعلا محمده
 عرض ایلدی خدای توانا سنه فدا
 ایتدون کرم عجیب سراپا محمده
 قیلدون گوزل زمانیده احسان حبیبوه
 قویدون بو یرده منت کبری محمده
 ویرمازلا قلبیمه داخی دل یاره سی منیم
 بیرده شماتت ایله مز اعدا محمده
 روحیه آرتورا بولورم حیّ ذرالمنن
 هر وقت ایدنده رؤیت زهرا محمده
 صبح و مساء دائمی ایگلردی گُل کیمین
 ذوق آرتاردی اول دل برّنا محمده

قوی بو سوزی بیان ایلوم بولسون اُمتی
 ایلردی افتخار قیزی زهرا محمده
 وحی گلوبدی جانب پروردگاریدن
 علم لدون اولوب بوگون القا محمده
 جبریل نازل اولدی بویوردی اوّل سلام
 حق لطفی شامل اولدی هویدا محمده
 قوی باشوه بو تاج نبوت سنونکیدور
 لطف ایلدی خدای توانا محمده
 دور چیخ بو غاریدن ایله تبلیغ دینوی
 قوی پیرو اولسون اُمت والا محمده
 دعوت ایله جهاندا نجات آختارانلاری
 اولسونلا تابع رهبر عظمی محمده
 اقرا باسم ربّی تکرار ایدوب رسول
 دنیا اولوب گوزونده تجلّا محمده
 خاریج اولوبدی غاریدن اول سرور جهان
 گوردی هامی بیان ایلور آقا محمده

اولسون سنه مبارک آقا مبعث بزرگ
 تبریک سویلوری هامی یکجا محمده
 گلدی او دم رسول خدا منزله طرف
 گویا دگوب او حالیده سرما محمده
 وارد اولوبدی منزله با طرز لرزیلن
 باخدی خدیجه صورت زیبا محمده
 گوردی ایشقلانور ایوی نور جمالیدن
 فوراً دییوبدی تبریک او دانا محمده
 فرمایش ایلدی او زمان رهبر جهان
 سال بیر گیلیم بو قامت طوبی محمده
 معلوم اولورکه بيله تب و لرز دوتموشام
 یا اینکه امتحاندی بو حالا محمده
 چولقاندی شهریار عرب بیر گیلیمچه
 فوراً یتیشدی وحی خدا تا محمده
 یاتما ایاقه دور داخی یاتماق گونون دگل
 ویردوخ بوگونه مهر و امضاء محمده

دعوت ایله خلائقی گلسونله بیعته
 ایتسونله احترام هامی مولا محمده
 بوندان صورا حکومت دنیا سنونکیدور
 محتاجدور خلائق دنیا محمده
 ساخلا الون بسوندی خلیلا دعا ایله
 ایت خواهشیه سنده تمنا محمده
 چون عیدیدور بیر عدّه گلوب مطلب آماقا
 سنده دی مطلبون شه والا محمده

سرود مبعث آهنگ جدید

من سیزه قاصید کردگارم
 رهبر و سرور و شهریارم
 درک ایدون سیز منی ای عزیزان
 قوخمیون عاقبت افتخارم
 رهبرم رهبر مهربانم
 مونس قلب هر انس و جانم

مَن بولون خاتم الانبیایم
 کُلّ خلق اللّٰه رهنمایم
 گلمیشم ایتماقا مَن هدایت
 آدییم احمد اوزوم مصطفایم
 رهبرم رهبر مهربانم
 مونس قلب هر انس و جانم
 کارت دعوت سیزه مَن گتوردوم
 بُت پرستلق صفاتین گوتوردوم
 درک ایدون مطلبی ای عزیزان
 حق پیامین بو گون مَن یتوردوم
 رهبرم رهبر مهربانم
 مونس قلب هر انس و جانم
 واردی سیزدن منیم انتظاریم
 سیزده منله اولون هم قطاریم
 ایستورم عالم اولسون گُلستان
 تنگ و تار اولماسین روزگاریم

رهبرم رهبر مهربانم
 مونس قلب هر انس و جانم
 من پیمبر سیزه رهنمایم
 بی نهایت بولون با وفایم
 گلمیشم ایتماقا خلقی بیدار
 حق یولون گیتماقا آشنایم

رهبرم رهبر مهربانم
 مونس قلب هر انس و جانم
 واردی حقدن منیم اختیاریم
 عالم اولسون گرک لاله زاریم
 قلبیلر پاسی از دم سیلینسون
 سولماسین غصّه دن گُل عذاریم

رهبرم رهبر مهربانم
 مونس قلب هر انس و جانم
 ای جماعت گلون دین حقّه

حق سوزه ویرمیون فوری تقه
 کوسمیون خالق نه سمادن
 نا اُمید اولمیون دقه دقه
 رهبرم رهبر مهربانم
 مونس قلب هر انس و جانم
 ایندی باهم گلون اتحاده
 دسته جمعی گدک بیر جهاده
 نفس عمارنی خوار ایدک بیز
 باشلیاخ جنگی تا فوق العاده
 رهبرم رهبر مهربانم
 مونس قلب هر انس و جانم
 سنده اشعاروی یاز خلیلا
 همّتون ایلمه آز خلیلا
 حق یولوندا تلاش ایله قوخما
 قوی اوله سوزلرون ناز خلیلا

رهبرم رهبر مهربانم
 مونس قلب هر انس و جانم
 گرچه حق سوز دیمک چوخ گراندی
 قوخوا الله سینه پشتیباندی
 سعی ایله خدمتون قربت اولسون
 چیخما بیراهیه سن اماندی

رهبرم رهبر مهربانم
 مونس قلب هر انس و جانم

زحمات شایان حضرت محمد(ص)

اُمت مرحومیه دلدن یانان طه اولوب
 قورتاران خلقی جهالتدن شه بطحی اولوب
 مستقیم راهه هدایت ایلین مولا اولوب
 ایستیوب اولسون بشر عالمده ایمان صاحبی
 اولماسین بیر عده لر تک بلکه عصیان صاحبی

ایلیوب همّت جهاندا رهبر کلّ بشر
 آرتروب اسلامه رونق عمریده شام و سحر
 پرچم اسلام او دور هر شهریده دائم آسر
 حیف اولاول زحمته بیر عده لر یولدان چیخوب
 دین آدیلا ایویلیری جرأت تاپوب فوراً یخوب
 حضرت مدیوندی کیم دینه خیانت ایله سه
 عمریده جرأت تاپوب خلقه جسارت ایله سه
 ناسزایه دل آچوب گونده شماتت ایله سه
 بیر بله شخصی چکلر ناره عقباده یقین
 اعتنا ایتمز داخی اول رحمتاً للعالمین
 چوخ تلاش ایتدی محمد بلکه عصیان اولماسین
 اهل علم اولسون هامی عالمده نادان اولماسین
 علمده تقواده حتی ناقص انسان اولماسین
 قانمادی بیر عده لر افسوس خیانت ایتدیلر
 مستقیم راهی قویوب بیراهه یولدان گیتدیلر
 آلدی اما در سینی اوغلی حسین اُستادیدن

قاچمادی شیر کیمین حمله ایدن صیا دیدن
 قوخمادی اهل جفادن طعنه بیدا دیدن
 مکتب اسلامی آچدی کربلا صحرا سینه
 پشت پا وردی یزیدون هر ایکی دنیا سینه
 استقامت ایلدی آخر بویاندی قانه
 سربلند اولدی جهاندا آندا اول اوز جاننه
 اکبريله اصغری قربان ویروب قرآننه
 عالم معناده دنیانی گُلستان ایلدی
 کاخ استبداد و ظلم و کفری ویران ایلدی
 علت اصلی اودور ایندی آچوب باب نجات
 تازه دن انسانلارا مولا وروب آب حیات
 آلدیقی درسی ایدوب تاریخ حقیقنده ثبات
 ایستیوب شیعه بوگون کفره گرفتار اولماسین
 بش تومن پولدان اُتور گُل مثلی دائم سولماسین
 رحمتاً للعالمین اوغلی آچوب دارالشفای
 یوخسولا بیچاریه مولا ایدور بی حد اعطا

وار مریضون ایندی گل آل سنده مَجّانی دوا
 قویموری هیچ نوبته آنی طبابت ایلوری
 هرکسین یوخدور پولی حالین رعایت ایلوری
 هیچ دیمور میلیون توکون سیزه بو حسابه تئز گلون
 آچموری ریشوه یولی اهل عذابه تئز گلون
 تکیه ایلوبدی فقط مولا صوابه تئز گلون
 حق رضا سندان اُتور قویمور مریضی نوبته
 چاره سیز دردی اولان دوشمور جهاندا زحمته
 ایندی وار دور حاجتوز قولسوز علمداره دیون
 مشگلوز حدن آشوب عالمده سرداره دیون
 قلبوزون گزیلین سوزون هیئته سالاره دیون
 قوخمویون مولا سیزی سالماز قاپوندان بوش یولا
 آندا اولا حقدن اُتور بیرجوت قلم اولموش قولاً
 دردوزون درمانینی ایندی گلون آنی آلون
 ریشوه خواره یوخ نیاز دارونی مَجّانی آلون
 سورمو یولار قانونی قوخمون حسین جانی آلون

بیر فقط زهراخانم گوزشینا مشتری
 حامی مستضعفان هم اوزی هم همسری
 هانسی ایوده هیئت اولسا فاطمه بیر باش گلر
 کیم حسینه آغلاسا فوراً اونون اشگین سیلر
 اشگ چشمین قیمتین عالمدہ بیر زهرا بولر
 جمع ایدر گوزیاشلارین ساخلار عزیزان محشره
 عالی بیر تُحفه ایدوب تقدیم ایدر پیغمبره
 عرض ایدر بو تُحفه اسباب شفاعتدور منہ
 شیعہ لردن یار رسول اللہ امانتدور منہ
 شیعہ نی قورتاماسام اوددان قیامتدور منہ
 گل حمایت ایله بلکه شیعہ اوددا یانماسین
 مزد آلان گوندور بوگون اُمت گرفتار اولماسین
 الغرض زهرائله مولا ایدله اتحاد
 شیعہ عثنی عشر یکسر اولالا اوندا یاد
 حسرتیله چوخ چکر حسرت اوگون اهل عناد
 شیعہ لر باهم گیدر مولایه خاطر جنته

اهل کفر اما دوشربی حد او گونده وحشته
ای خلیلا سوز یتیشدی آخرین عنوانینه
اول دخیل سنده اقلأ عالمین سلطانینه
ویر قسم قلبون یاناندا مرتضانین جانینه
عرض ایله ای عالمین عالمده دلسوز رهبری
قویمویون مایوس اولا محشر گونی بو نوکری

رحلت حضرت رسول اکرم (ص)

عالمی ترک ایدوری سیدی بطحی بوگئجه
توکوری اشک ترین عارضه زهرا بوگئجه
غم دوتوب ارض و سمواتی هامی قاره گیوب
تتروری یا للعجب عرش معلأ بوگئجه
ماه تابان نبوت باتوری اهل جهان
تار و ظلمتده قالور مردم دنیا بوگئجه
قاره پرده چکوری عرشه خداوند کریم
چون غروب ایلوری اول شمس هویدا بوگئجه

آغلا شور کون و مکان اهل هامی خورد و کبار
 دیسیسن ایستور اولا محشر کبری بوگئجه
 انبیالر جمع اولوب احمد مختار ایوینه
 بونا خاطر که گیدور قبرینه طه بوگئجه
 آغلوری نوح و خلیل خضر و سلیمان نبی
 یوسف و یونس و موسائیله یحیی بوگئجه
 زکریّا و شعب داود و الیاس غیور
 آدم و جرجس اسحاقیله عیسی بوگئجه
 ملک الموت گلوب باب نبوته دوروب
 وارد اولماقلقا اذن ایستوری گویا بوگئجه
 قاپونی وردی یواش بلکه جوابین ایشیده
 اوزی گلدی قاپو یا حضرت زهرا بوگئجه
 آغلادی حضرت زهرا توکوب اشکین یوزونه
 سسلدی کیمدی وران بو دری آیا بوگئجه
 عرض ایدوب بیر عربم گلدیم آتان گورماقینا
 منتظریدی منه اول رهبر عظمی بوگئجه

ویر اجازه باباویلن نچه لحظه دانشیم
ویرمرم ذره جه قوخما اونا اندا بوگئجه
ایتدی فرمایش عرب حال بابام یاخشی دگل
سنیله صحبت ایدنمیزاو دل آرا بوگئجه
شرم ایدوب تئز قیدوب اوردان اومأمور خدا
بلکه آسوده یاتا حضرت طه بوگئجه
الغرض گلدی دوباره دیدی اول پیکی أجل
منی مأمور ایلوب خالق یکتا بوگئجه
باخبر اولدی پیمبر سوروشوب کیمدی گلن
آغلیوب ویردی جواب تئز اونا زهرا بوگئجه
بیر عربدور بابا اوچ دفعه گلوبدور قاپویا
ایستوری صحبت ایده سنله اومولا بوگئجه
بویوروب آچ قاپونی ای گوزومون نوری بالا
قبض روح ایتماقا مأموردی حتی بوگئجه
بیر نفر دور او قیزیم ائلرئلدن آیرار
امر یکتادی ایدور منله مدارا بوگئجه

قاپوون حرمتینی ساخلور او مأمور آجل
 نأأمید قویما قیدسون اودل آرا بوگئجه
 آلمیوب آلماز اجازه بونی بول هیچ قاپودان
 سنه خاطر قیدوب اول مه زیبا بوگئجه
 ملک الموتون ایشدی عملین خورد و کبار
 قالدی واله بوایشه مردم دنیا بوگئجه
 بس نیه ثانی حیا ایتمدی چوخ ایتدی جفا
 توکدی تعبیر یانا درگهه مولا بوگئجه
 یغدی دور و بیرینه بیر نجّه کم فکرلری
 برقرار ایله ماقا مجلس شورا بوگئجه
 ای خلیلا اورگون یاندی سنونده گورورم
 سنده بو شیعه لریله ایله غوغا بوگئجه

روز رحلت حضرت رسول اکرم (ص)

ایلوب رحلت بو گون سلطان دین یابن الحسن
 آغلور بو محنته دین مبین یابن الحسن

حامی اسلام ئولوب اسلامیان آغلور بوگون
 صاحب قرآن گیدوب قرآنیان آغلور بوگون
 قوی دییوم واضح بولون افلاکیان آغلور بوگون
 غم‌لیدور بو محنته عرش برین یابن‌الحسن
 رهبر اُمت ئولوب اُمت گیوب قاره لباس
 آغلوروخ هم رهبره هم دوتموشوخ اسلامه یاس
 ال تاپوپ دین مبینه قوم دون وار دور هراس
 قاره پوش اولموش تماماً مسلمین یابن‌الحسن

رباعی

یا محمد درگهه احسانه گلدوخ بوگئجه
 قلبیلر غمدن دونوب آلقانه گلدوخ بوگئجه
 جان زهرا دردی اولانلار دردینه ایله علاج
 بیز مریضلر دردینه درمانه گلدوخ بوگئجه

تولّد حضرت علی (ع) ترکی

وار سنده مولا	اللّه صفاتی
سنلن اولار بو	اُمت نجاتی

سنسيز جهانين
 سنسن جهانه
 جانم علی جان
 لطف ايله سالما
 ساخلا نظرده
 قويما اولو تنگ
 سن جان زهرا
 جانم علی جان
 گلدوخ بو نوعی
 لطف ايله باری
 ای ماه طلعت
 تاپسون صفاقوی
 جانم علی جان
 یوخدور جهانون
 اسلام و دینون
 ايله عنایت
 بلکه آچلسین

یوخدور حیاتی
 ارزنده رهبر
 جانم علی جان
 گوزدن جهانی
 روحانیانی
 دور زمانی
 جان پیغمبر
 جانم علی جان
 بیزده بیانه
 بو شیعیانه
 ویر عیدیانه
 یکسر بو دللر
 جانم علی جان
 ذره وفاسی
 سنسن صفاسی
 الله رضاسی
 گلشنده گلر

جانم علی جان	جانم علی جان
روز عنایت	روز پدر دور
ایله کرامت	سندہ بو جمعه
اولسون خجالت	قویمما جماعت
غملی اورکلر	ایلور تقاضا
جانم علی جان	جانم علی جان
سندہ خلیلا	ایله تقاضا
ایتسون او مولا	بلکه سخاوت
ایله سون امضاء	برات بقیع
عیدی ویرلر	بایرامدا شاهلار
جانم علی جان	جانم علی جان

تولّد حضرت علی (ع)

مولای قنبر	ای شیر داور
ساقی کوثر	لطفی بما کن
جان پیمبر	عیدی بما ده

جانم علی جان
 ای نور پاک
 وی شهریار
 بر مسلمین را
 اُمید شیعه
 جانم علی جان
 باب یتیمان
 فخر زمان
 یار صدیق
 بر دخت احمد
 جانم علی جان
 ای افتخار
 نور هدایت
 دریای رحمت
 هم زوجه آن
 جانم علی جان

جانم علی جان
 اَللّهُ اکبر
 فتاح و خبیر
 سالار و سرور
 یار پیغمبر
 جانم علی جان
 در کُلّ عالم
 حوّا و آدم
 آن شخص خاتم
 هم کفو و همسر
 جانم علی جان
 اهل کرامت
 روح عبادت
 شاه ولایت
 زهرای اطهر
 جانم علی جان

احیاء نمودی	اسلام و دین را
برپا نمودی	عدل و عدالت
رسوا نمودی	آن منکرانرا
سلطان محشر	أحسن بتو ای
جانم علی جان	جانم علی جان
جمله ضعیفان	عاشق بتو شد
میکردی درمان	بر درد اُمت
عالم سراسر	مدیون بتو شد
جانم علی جان	جانم علی جان

توسّل به مولا علی (ع) با آهنگ جدید

یا علی سن بیزده ایت عنایت
 قلیل کرم اللریله کرامت
 ایستیوروخ بیر گورچک کربلانی
 سنده ایله عطا بیر زیارت
 دست خالی یولا سالما مولا
 عاشقون خوار اولا قویما مولا

ای اولان شهریار ولایت
 سینه لر اولدی ازدم جراحت
 غصّه دن قلبلر قانه دوندی
 عالمن دکتری قیل طبابت
 دست خالی یولا سالما مولا
 عاشقون خوار اولا قویما مولا
 سن بو عالمده مشکل گشاسن
 هامی درده آقا سن دواسن
 یا علی کیم دیسه صدق اوزیله
 تئز آلار چاره سین سن آقاسن
 دست خالی یولا سالما مولا
 عاشقون خوار اولا قویما مولا
 ای اولان عالمن رهنماسی
 عترت هاشمین مه لقا سی
 دردی حدن آشان شخصین ایندی
 واردی سندن آقا التماسی

دست خالی یولا سالما مولا
 عاشقون خوار اولا قویما مولا
 چون اورکلر آقا لخته قاندی
 یا علی قیل نظر سن اماندی
 یاندی پروانه لر شمع اودوندا
 کاسه صبریمیز تئز جالاندی
 دست خالی یولا سالما مولا
 عاشقون خوار اولا قویما مولا
 ایتمیسن عمروده دوز قضاوت
 مست ایدوب عالمی اول عدالت
 بیر نفر گورمیوب بو جهاندا
 سن کیمین رهبر بانیقت
 دست خالی یولا سالما مولا
 عاشقون خوار اولا قویما مولا
 سوز اگر حق یازلسا شکردی
 بی ریا اولسا سوز پُر ثمردی

باخما بیر عدّه فیلم اوینویولار
 اولارین بو ایشی چوخ خطردی
 دست خالی یولا سالما مولا
 عاشقون خوار اولا قویما مولا
 ساخلا یارب بیزی بو خطردن
 حفظ ایله هامنی فتنه شردن
 دینه قویما بولار لطمه ورسون
 گوزله دین اهلینی بد نظردن
 دست خالی یولا سالما مولا
 عاشقون خوار اولا قویما مولا
 بولدورن حق طلاسین محکدی
 حق یازان شاعره حق کمکدی
 شکر ایله خالق ذوالجلاله
 ای خلیلا سوزون بانمکدی
 دست خالی یولا سالما مولا
 عاشقون خوار اولا قویما مولا

توسل به مولا علی (ع)

ایت توسل علی مولایه دینن یامولا
 یالوار اول حجت یکتایه دینن یامولا
 اورگون دردینی بیگانه لره فاش ایلمه
 نامه یاز سیدی بطحایه دینن یامولا
 اولسون عالمده گرفتار بلا بیرگون اگر
 آغلا سن عترت طاهایه دینن یامولا
 ایله سون حق و حقایقدن اوتور جنگ و جدل
 سالمامش باشوی غوغایه دینن یامولا
 وطنونده سنی مظلوم ایلسه قوم جهول
 باش گتور گیت گئجه صحرایه دینن یامولا
 حق یولوندا سنی سندیرسا اگر قوم عدو
 اگمه باش فرقه اعدایه دینن یامولا
 عصمت اللهه گوره ورسالا گر محرموی
 یان غم فاطمه عذرایه دینن یامولا

قولوی باغلا سالار حیدر کرّار کیمین
 آغلا دی غملروی آیه دینن یامولا
 غملرون حدن آشان وقته ایتمر مه اوزوی
 اعتنا ایلمه دنیا به دینن یامولا
 ایشوون مشکلی اولسا ایله تجدید وضو
 ویر قسم حضرت زهرا به دینن یامولا
 چون ائمه هامسی فاطمه نی چوخ ایستر
 اول دخیل سنده بومعنا به دینن یامولا
 مخفیانه غموی فاطمه ایله بیان
 دیمه دردون سن اطبا به دینن یامولا
 مریضون اولسا اگر قلبوی دولدورسا ملال
 آغلا بیر فاطمه صغرا به دینن یامولا
 گورسون هر یرده یتیم گوزیا شوی جاری ایله
 تابع اول سن علی مولایه دینن یامولا
 آل قوجاقه او یتیمی باشینا چک الوی
 سعی ایله ساا باشینا سایه دینن یامولا

یتیمین آغلاما قی گوگلری لرزان ایلیر
 وارد قرآندا بله آیه دینن یامولا
 سعی ایله یغ باشوا یاور و یولداشلار ووی
 دعوت ایت مجلس اعطایه دینن یامولا
 سوزووه باخما سالار توک یوزه اشک تروی
 دی سوزون زینب کبرایه دینن یامولا
 صدق اوزیله یاپوش اما خانمون دامنینی
 قلبیدن آغلا او علیایه دینن یامولا
 الی بوش ناأمید ایتمز قاپوسیندان او خانم
 هر زادی اوخشوری زهرایه دینن یامولا
 کرمی عفتی هم عصمتی گفتاری تمام
 اودا محبوبة دی یکتا دینن یامولا
 سوزی برّندی مثل علی شمشیری کیمین
 قدرتی بخشیدی دنیا یه دینن یامولا
 ئولدی قارداشلاری صبر ایلدی ایوب کیمین
 اگمدی باشینی اعدایه دینن یامولا

فاطمه سود ویرن عالمده بله شخص اولار
 رتبه سی اوج ایدر اعلایه دینن یامولا
 کربلاده او قدر دوزدی قضا و قدره
 دوشدی بی حد باشی غوغایه دینن یامولا
 ذره سیندیرمادی امّا اوزونی شیر کیمین
 باغلادی بل حق یکتایه دینن یامولا
 کاروان کوچ ایلین وقته بیر آز قلبی یانوب
 آغلیوب محنت عظمایه دینن یامولا
 ساتاشان وقته گوزی قارداشینون گلشنینه
 آغلادی اول شه والایه دینن یامولا
 دیدی قارداش گورورم گلشنون سولماقینی
 لعنت حق گله اعدایه دینن یامولا
 جسموی گل کیمی خندان ایلوب کوفه لیلر
 داغیدوبلا بله صحرایه دینن یامولا
 سنده جمع ایله خلیلا سوزوون فلسفه سین
 بسدی دانالره بیر آیه دینن یامولا

سرود غدير خم

مولای عالم	شاه ولایت
قربانون اولّام	ایله کرامت
امیدوارم	روز ازلدن
من سنه مولا	ای ماه طلعت
مولا علی جان	مولا علی جان
ای افتخار	آل رسالت
هیچ کسده اولماز	سن تک دیانت
ایتسون جهاندا	خلقه سخاوت
گل بیرده ایله	آقا کرامت
مولا علی جان	مولا علی جان
ای رهنمای	جمله خلاق
سنن جهاندا	انسان لایق
بیرکس سنون تک	اولوبدی صادق
سندن آلوب مشق	اهل صداقت
مولا علی جان	مولا علی جان

ای شهریار	روز قیامت
وار کیمده اولسون	بيله لیاقت
آلله ایونده	تاپسون ولایت
مسجده ایچسون	جام شهادت
مولا علی جان	مولا علی جان
هیچ رهبرایتمز	سن تک عدالت
قاضی ایدنمز	هیچ دوزقضاوت
وار کیمده بيله	عز و شرافت
بیر سنده وار دور	مولا لیاقت
مولا علی جان	مولا علی جان
دین اوسته ایتدون	چوخ استقامت
بلکه جماعت	اولسون هدایت
تاپسونلا آخر	راه سعادت
بی حد ایدوبسن	خلقه حمایت
مولا علی جان	مولا علی جان
ای باغبان	اسلام و قرآن

عشقونده هرير	والهدی حيران
ای باب رحمت	لطف ایت فراوان
قویما بو دللر	اولسون جراحت
مولا علی جان	مولا علی جان
سنسن جهاندا	نور هدایت
حضاره ایله	شاهها عنایت
ایستور جماعت	سندن زیارت
باجادی ایتسون	ایندی کرامت
مولا علی جان	مولا علی جان
ای افتخار	هر فرد آزاد
شیعه لر ایلر	دائم سنی یاد
گُللر آچاندا	بلبل اولار شاد
گُلده گر اولسا	عطر طراوت
مولا علی جان	مولا علی جان
بیر گون گلوردی	کعبه دن احمد
وحی اولدی نازل	گیتمه محمد

ویر خلقه سرحد	حجاج جمع ایت
بیر عالی صحبت	ایله اولارا
مولا علی جان	مولا علی جان
حجاجی دعوت	حضرت ایدوبدی
جمع اولدی ملت	غدير خُمدَا
بیر نچه ساعت	صحبت ایدوبدی
یتوردی حضرت	اصل پیامی
مولا علی جان	مولا علی جان
یاپوشدی طه	علی الیندن
بو نوعی گویا	فرمایش ایتدی
علیدی مولا	مندن صورا بو
ایدون اطاعت	امر خدا دور
مولا علی جان	مولا علی جان
دوروب او ساعت	بیری یریندن
بو امره طاقت	ایدنرم من
بیر اود جماعت	گلیدی گوگدن

منی ایدیدی	بودم هلاکت
مولا علی جان	مولا علی جان
دیوله گوردوخ	او دم عزیزان
گلور هوادن	بیر اود شتابان
او شخصین اولدی	وجودی سوزان
گوروب جماعت	ایدوبله وحشت
مولا علی جان	مولا علی جان
خلیل نژاده	عنایت ایله
یاپوش الیندن	کرامت ایله
جزا گونونده	شفاعت ایله
آدون فداسی	حمایت ایله
مولا علی جان	مولا علی جان

سرود در اوصاف حضرت علی (ع)

ای مه تابان	شه خوبان علی مولا
ناطق قرآن	گل خندان علی مولا
یا علی مولا	علی مولا علی مولا

شیر یزدان	شاه مردان علی مولا
جان جانان	دینه قربان علی مولا
یا علی مولا	علی مولا علی مولا
مظهر تقوا	گل زیبا علی مولا
عالمه مولا	صبریده دریا علی مولا
یا علی مولا	علی مولا علی مولا
یار یتیمان	والی سبحان علی مولا
بارز میدان	باب امامان علی مولا
یا علی مولا	علی مولا علی مولا
حجت یزدان	گوهر تابان علی مولا
شافع عصیان	بر همه سلطان علی مولا
یا علی مولا	علی مولا علی مولا
جان محمد	یاور احمد علی مولا
شاه ولایت	جهانه سرمد علی مولا
یا علی مولا	علی مولا علی مولا

جود و سخاوت	فضل و دیانت علی مولا
سایه رحمت	گل جنت علی مولا
یا علی مولا	علی مولا علی مولا

رباعی فارسی

مژده ای اهل ولا عید غدیر آمده باز
روز فرخنده سلطان و وزیر آمده باز
اهل تقوا شده مسرور که چنین روز بزرگ
روز تاریخی اسلام و امیر آمده باز

رباعی ترکی

ضربت دگنده باشینا شیر خدا علی
فزت و ربّ کعبه دیدی مرتضی علی
اگر چه ظاهر و باطنده گل کیمین سولدی
ولیک غصّه و غمدن علی خلاص اولدی

شب نوزدهم ماه رمضان

مسجد کوفه بوگون غوغادی یابن العسکری
 قاننه غلطان اولان مولادی یابن العسکری
 آغلوری پیرو جوان خورد و کبار باهم بوگون
 مسجد ایچره آه واویلادی یابن العسکری
 سجده گاه عشقیده مولا بویاندی قاننه
 آتش غمده یانان دنیادی یابن العسکری
 جبرئیل سسلور هواده یاتمیون ئولدی علی
 بومصیبت بیر غم عظمادی یابن العسکری
 کثرت غمدن خلایق لر توکور گوز یاشینی
 باش آچوب ایوای دین زهرادی یابن العسکری
 کوفه شهرینده جماعت ایله دردی بیریره
 روز محشر گوئیا برپادی یابن العسکری
 ابن ملجم وردی بیر شمشیر علینون فرقینه
 جدوون باشی بوگون یارادی یابن العسکری

رحم ایدبدی قاتله اول معدن مهر و وفا
 و رماقا اول ظالمی قویمادی یابن العسکری
 بیر نفر که رحم ایده اوز قاتل خونخوارینه
 بیله بیر شخص یقین آقادی یابن العسکری
 ام کلثومیه زینب من بله فکر ایلورم
 جدوون باش یاره سین باغلادی یابن العسکری
 حالینی پوزقون گورن وقته یقینمدی منیم
 زینب علیا گلوب آغلادی یابن العسکری
 بو زبان حالیه عرض ایلدی مظلوم بابا
 زینب دایم ایشی غوغادی یابن العسکری
 بش یاشندان غرق اولوب غملر الینده دایماً
 بخت قاره زینب کبرادی یابن العسکری
 گاه قارداشی حسن اولدی شهید قان آغلادی
 روز اولدن گونی قارادی یابن العسکری
 گاه گلدی کربلایه دوشدی غوغایه باشی
 گوردی قان موج ایلوب دریادی یابن العسکری

سسلدی قارداش حسین زینب سنه قربان اولا
 بیر بیله ظلم و ستم رؤیادی یابن العسکری
 گوردی اطرافین آلوبلار شاه دینون سربسر
 هر قدر گوز ایشلوری اعدادی یابن العسکری
 سویله دی قربان ابا الفضل من اوزون قولاروه
 قویما قارداشیم حسین تنهادی یابن العسکری
 آلدی شمشیرین اله اول وارث شیر خدا
 عترت اللهه او دور سقادی یابن العسکری
 سالدی قارداش بوینونا قولارینی اُپدی یوزون
 شدّیله سس چکوب آغلادی یابن العسکری
 عرض ایدوب قارداش مگر من ئولسم سن تک قالان
 من سنه قربان اولام باجادی یابن العسکری
 ویر اجازه قویمیوم اطرافیده لشکر قالا
 باخما لشکر موج ایدور دریادی یابن العسکری

نوحه حضرت علی (ع) آهنگ جدید

شهر کوفه بو گون اولدی غوغا
 آغلیون شیعه لر ئولدی مولا
 دعوت ایتدی علنی بهشته
 حضرت فاطمه دخت طه
 یا علی یا علی یا علی جان
 مرتضانین باشی اولدی یاره
 ایلین دردینه یوخدی چاره
 زینبی سسلوری وای بابام وای
 هی توکور گوزیاشین گل عذاره
 یا علی یا علی یا علی جان
 کوفه نین گیتدی یاران صفاسی
 اوج ایدور عرشه خلقین نواسی
 گلموری زمزمه خرمالقدان
 چون کسیلدی علینون صداسی

یا علی یا علی یا علی جان
 مهدی فاطمه سنده آغلا
 ئولدی مولا علی سینه داغلا
 پرده غیبتی ور کناره
 دشمنین قولارین بسدی باغلا
 یا علی یا علی یا علی جان
 ئولدی مولا علی همّت ئولدی
 ایلیون بو سوزه دقت ئولدی
 هرج مرجین یولی اولدی هموار
 ریشوه خواره دییون غیرت ئولدی
 یا علی یا علی یا علی جان
 کون و مکان بو گون اولدی ظلمت
 گورمز عالم داخی دوز قضاوت
 سوندی عدلین چراغی عزیزان
 گیتدی باده بوتون مهر و رعفت
 یا علی یا علی یا علی جان

شام غریبان حضرت علی (ع)

ای شیر داور	منزل مبارک
یار پیمبر	منزل مبارک
باشوندا یاره	گیتدون مزاره
مولای قنبره	منزل مبارک
قبره گیدوبسن	مخفی علی جان
دلر اولوبدی	بو غمه آلقان
آغلولا با هم	معناده هر آن
گوگده ملکلر	منزل مبارک
سن تک جهاندا	مظلوم اولان یوخ
آندوه و غمدن	گل تک سولان یوخ
یالقوز علی جان	بی کس اولان یوخ
شاهیدی یرلر	منزل مبارک

مولانا سن ئولدون	ئولدى عدالت
گيتدى جهانندان	مهر و ديانت
دوتدى جهانى	يكسر جهالت
قان اولدى دللر	منزل مباركى
ئولدون على جان	شخصيت ئولدى
گيتدى فنايه	امنيت ئولدى
واضح ديووم قوى	حریت ئولدى
ای ماه انور	منزل مباركى
قالدى جهاندا	یتیم آغلار
یتیم عذاره	گوزياشى باغلار
سینه غمونده	بیر عده داغلار
با هم دیلر	منزل مباركى
مولای عالم	تار اولدى عالم
محزوندى شیعه	بو غمه اازدم

قاره گییوبلر	آغلولا با هم
سسلوله یکسر	منزل مبارک
صود جامی الده	یتیم اوشاقلار
دوردی قاپوندا	خردا قوناقلار
سنوب کانه	شاخه بود اقلار
سولوبدی گُلر	منزل مبارک
سنسیز جهاندا	اولماز عدالت
ئولدی شریعت	گیتدی سخاوت
مشکلدی اولسون	وجدان و غیرت
ایش اولدی بدتر	منزل مبارک
سس دوشدی ئولدی	شاه ولایت
دوتدی جهانی	ظلمت او ساعت
بر پادی گویا	روز قیامت
باشلاندى محشر	منزل مبارک
اوضاع قاریشدی	آغلور خلاق

سن تک اولانماز	بیر شخص لایق
دائم دانشسون	أمتله صادق
ای عالی رهبر	منزل مبارکی
سن تک یانار کیم	حال یتیمه
ارزش و یره تا	مال یتیمه
فکر ایده ماه و	سال یتیمه
ای خلقه سرور	منزل مبارکی
خلیل نژاده	ایله عنایت
سالما نظردن	شه ولایت
خوار اولا قویما	روز قیامت
فرض ایله نوکر	منزل مبارکی

قدردانی از مهمانان حضرت علی (ع)

ای علینون باصفا نوکرلری خوش گلمسوز
شاد ایدوبسوز بو پریشان دللری خوش گلمسوز

سعی ایدون اشعار زیبا ایللیک بوردا بیان
 قلبیدن مسرور ایدک پیغمبری خوش گلمسوز
 عترت اطهاری دعوت ایللیک بو مجلسه
 حیدره لایق دییک تا سوزلری خوش گلمسوز
 بعضی سوزلرده یالان وار دور بیرآز دقت ایدک
 یاخشی تعریف ایللیک اول سروری خوش گلمسوز
 گر چه الله ایللیوب تعریف علینی شک یوخ
 عالمه مولا ایدوبدی حیدری خوش گلمسوز
 یاخشی سوزلر گر اوخونسا فاطمه دل شاد اولار
 سالماز عالمده نظردن نوکری خوش گلمسوز
 شعر اگر زیبا اولا لذت ایدر گوش ایلین
 منطقی شعره اولار تئز مشتری خوش گلمسوز
 من بـله امیدوارم فاطمه عیدی ویرر
 عشقیله ایلون قرائت سوزلری خوش گلمسوز
 موسوینی سعی ایدون باهم چیخارداق منبره
 چوخ سوور مولا علی دوز منبری خوش گلمسوز

مؤمنی گلدورماقین چوخ آجر وار بوگون بولون
 گونده اولماز که توکک اشگ تری خوش گلمسوز
 عید عظمادی بوگون شیعه گرک شادلق ایده
 ایلیه راضی اوزوندن رهبری خوش گلمسوز
 بو عزیز گونده خلیلا سنده ایله بیر دعا
 ناأمید قیترمز اللّٰه الّری خوش گلمسوز

تولّد حضرت زهرا(س)

کوثری ویردوخ سنه سنده شکر ایله منه
 زهرانی ئوپوپ ایگله سسله اونا سن ننه
 ای احمد ای احمد یا رسول الله
 محمد محمد یا رسول الله
 زهرا گل زیبادی محبویه یکتادی
 یاخشی نوازش ایله الگوی بو دنیادی
 ای احمد ای احمد یا رسول الله
 محمد محمد یا رسول الله

بو دور امریم خاتمه آدینی قوی فاطمه
 یوزمین اولاده دگر ایتمه اصلا واهمه
 ای احمد ای احمد یا رسول الله
 محمد محمد یا رسول الله
 گُللندی باغ و بستان صفا تاپدی گُلستان
 بلبل اوخور ترانه ای عالمینه سلطان
 ای احمد ای احمد یا رسول الله
 محمد محمد یا رسول الله
 بیر قیزدی بو حیالی آل اللهین مارالی
 گلمز داخی جهانہ بو دخترین مثالی
 ای احمد ای احمد یا رسول الله
 محمد محمد یا رسول الله
 ایتدوخ سنه عنایت ویردوخ بونی امانت
 تاپشور بونا جهاندا ظلم ایتمسون جماعت
 ای احمد ای احمد یا رسول الله
 محمد محمد یا رسول الله

ای افتخار عالم پیغمبرانه خاتم
 زهرانی پای ویروبدی سنه خلاق اعلم
 ای احمد ای احمد یا رسول الله
 محمد محمد یا رسول الله

توسّل به حضرت زهرا (س)

مبتلا اولسون اگر درده دینن یازهرا
 هم قالان وقته چتین یرده دینن یازهرا
 گر مریضون اولادکترلر علاج ایلمسه
 ایت توسل خانما بیرده دینن یازهرا
 الی بوش ناأمید ایتمز قاپوسیندان بولورم
 وار کرم فاطمه اطهرده دینن یازهرا
 ایستسن آل رسول دروده درمان ایله سون
 اشگوی توک اورخ زرده دینن یازهرا
 مشگله دوشسه ایشون عالم فانیده سنون
 اگمه باش دهریده نامرده دینن یازهرا

گلہ محنت باشوا روحوہ چوخ ویرمه عذاب
 حالوی ایلمہ افسردہ دینن یازہرا
 گلشن و باغی گزن وقتیدہ گورسون سن اگر
 وارد سولماق گل احمرده دینن یازہرا
 گورسون هر وقتیدہ مظلوملارا ظلم ایلور عدو
 رحم یوخ دشمن کافرده دینن یازہرا
 یثربہ دوشسہ یولون آغلا سنہ قربان اولوم
 حرم پاک پیمبرده دینن یازہرا
 گوزی یاشلی دولانان وقته بقیع تپراقینی
 اورگون یاخشی یانان یرده دینن یازہرا
 کعبہ اعمالینی بیر بیر گتورنده یرینه
 خانہ خالق داورده دینن یازہرا
 بیت الہی ایدن وقتیدہ شوقیلہ طواف
 دایانا دعه برابرده دینن یازہرا
 نجفہ گیتسون اگر حضرت علینین دلیجہ
 عشقین مرقد حیدرہ دینن یازہرا

گوگلون ایستور آقامیز شخصاً اوزی یارون اولاً
 او چتین گون دم محشرده دینن یازهرا
 ایله بیر گوندی هامی اهل و عیالین آتاجاق
 قوی دییوم بوسوزی بی پرده دینن یازهرا
 یوسفین یعقوب آتوب اوز غمینه فکر ایدجک
 غمیلیدی اوندا پیمبرده دینن یازهرا
 گورجک ختم رُسل اُمتی الدن گیدوری
 هی توکور گوزیاشی گوزلرده دینن یازهرا
 بو یورار تئز چاغورون حضرت زهرانی گله
 قالوب آواره پیمبرده دینن یازهرا
 او زمان آختاراجاق هامی خانم فاطمه‌نی
 یاناجاق غم اودی دلرده دینن یازهرا
 گیتمه اوزگه قاپویا گل بو حسین درگهینه
 یوخ صفا چون در دیگرده دینن یازهرا
 مجلس عشق و صفاده اورگون یانسا اگر
 آغلاسان روضه اکبرده دینن یازهرا

کربلا اولسا نصیبون بونی من عرض ایدورم
 اوگوزل مرقد دلبرده دینن یازهره
 آغلیان وقته علی اصغرینه سال یادوا
 دینه قربان اولوب اصغرده دینن یازهره
 حرمله بیر اوخ آتوب اصغری قانه بلیوب
 قالوب آدی اودی دللرده دینن یازهره
 گون قباقینده قالوب شاه شهیدان بدنی
 یوخوموش صاف یری پیکرده دینن یازهره
 انسیالر دوزولوب عرشه تماشا ایلدی
 یاس دوتوبلار اونا گوگلرده دینن یازهره
 بيله بولم بو غمه آغلادی دنیاده هامی
 قاره پوش اولدی ملکلرده دینن یازهره
 ساربان کسدی حسین اللرینی آغلامادی
 قالمادی جسمیده اللرده دینن یازهره
 دوشدی عباس آقائین قولاری حق اوسته یره
 حالینه آغلادی رهبرده دینن یازهره

قولارین گُندی باسوب باغرینا سلطان حجاز
 گورجگین آغلادی لشکرده دینن یازهرا
 دیدی قارداش دور ایاقه بلیمی خم ایلدون
 قالدی جسمون قوری یرلرده دینن یازهرا
 گلدی بالینه زهرا اوزوده آغلاماقا
 دیدی قربان سنه مادرده دینن یازهرا
 آلدی باشین دیزی اوسته اوزی اول دختنبی
 دیدی قالدی باشون اللرده دینن یازهرا
 بدنون بنزیر اوغول گلشن زیبایه سنون
 یوخ طراوت بله گللرده دینن یازهرا
 شعروی سنده خلیلا یترو بسن یرینه
 سوزی یاز دائمی چوللرده دینن یازهرا

احوالات انار خواستن حضرت زهرا(س)

گر منه لطف ایله سه پروردگار
 ایستورم دینه یازام عالی شعار

مکتب قرآنه خدمت ایلیم
 ثبت اولا آدیم منیم خدمت گذار
 امر به معروف ایدم خلق الله
 یازدوقوم شعره باخام لیل و نهار
 اشتباهیم اولسا گر جبران ایدم
 حیل و مکر قویام فوراً کنار
 ایلیم یولداشالاریلا مصلحت
 تا گورک بو امتحاندان کیم چیخار
 خدمتیم اولسا برازنده یقین
 اوند اَللهیم منی شاعر یازار
 شاعر اولماق چوخ چتیندی دهریده
 قوی دیوم بولسون هامی خورد و کبار
 هر گلن شاعر اولانماز سوز یازا
 اهل تقوا ایستر اولسون رستگار
 شاعر اولماق بسته دور عشقه ولی
 عشق دور انسانی هر درده سالار

عشق بازارینده گل معیاره باخ
 عشق اودوندا کیم یانا تئز آدلانار
 ایتمرم من ادعا که شاعرم
 بلکه مولادن گلوب بو افتخار
 نیلورم بو یرده گر عشق اولماسا
 عشق اولان دائم بله یر آختارار
 عشق وادار ایلیوب سوز یازماقا
 گوزیاشیم بو علتیه دائم آخار
 بیر گون اگلشمشدی زهرا و علی
 درد دل ایلوردیلر با اشگبار
 ایتدی فرمایش اودم مولا علی
 حسرتیم قالدی منیم ای گل عذار
 بس نیه بیر شئی تقاضا ایتموسن
 تا آلوب من ایلیم بیر افتخار
 هر نه گوگلون ایستوری ایله بیان
 ایلیوم حاضر من ای والا تبار

عرض ایدوب بیر بيله إصرار ایلوسن
 ایستیور گوگلوم عم اوغلی بیر انار
 چون وجودیم برگ پائیز تک آسور
 لطف ایدوب تاپسان اگر یاخشی اولار
 من مریضم قلبیمین یوخ طاقتی
 رنگ رخساریم اودور گل تک سولار
 گون باتان وقته همیشه یا علی
 أبر تک بو گوزلریم غمدن دولار
 دردیمی بولدورمدیم هرگز سنه
 ایتمدیم غمگین سنی ای با وقار
 غم الیندن خسته دور روحیم منیم
 عرش اعلایه اودور دادیم چیخار
 گوزیاشیم روخساریمه دائم آخار
 منجنق تک روحیمی وجدان سیخار
 ملکومی غصب ایلین ایتمور حیا
 ثانی ملعون اودور سیلی ویرار

یان دیروب درگاهیمی اوچ یوز نفر
 حقیقه واقف اولان اما باخار
 روزگارین رسمیدور قارداش سیزا
 حمله ور اولسا عدو سیلی چاتار
 قارداشیم اولسیدی هرگز یا علی
 ظلم ایدنمزدی منه اول نابکار
 آه آدامسیزلق الیندن هر زمان
 دائماً مظلوم اودور قانه باتار
 اولماسا هر کیم سه نون داد رسی
 ظلم ایدن وقته عدو اودا یانار
 الغرض گلدی علی تاپسون آنار
 یر نشان ویردی اونا بیر رهگذار
 عرض ایدوب مولا او شمعونی چاغور
 چون مریضون ایستیندن اوندا وار
 گلدی مولا شمعونون درگاهینه
 ایتدی فرمایش منه ویر بیر آنار

عرض ایدوب شمعون آقا قورتارمشوخ
 صبر قیل ای افتخار هفت و چهار
 بیر باخوم انباره شاید بیر دانا
 قالدی بیر درمان ئوچون ای نامدار
 گلدی انباری دولاندی اول جناب
 بیر دانا تاپدی ایدوب چوخ افتخار
 ایلدی تقدیم امامه اول آناری شوقیله
 آلدی مولا اولدی چوخ امیدوار
 تئز یولا دوشدی امام دل رئوف
 گوردی بیر ویرانه ده وار آه زار
 وارد اولدی گوردی آغلور بیر مریض
 باشینی دیز اوسته آلدی شهریار
 ایتدی فرمایش ندن افسرده سن
 ایلو سن بيله نوا ای گُل عذار
 عرض ایدوب من بیر مریضم ای آقا
 چوخ زماندان ایستوری گوگلوب انار

نصف ایدوب مولا آناری شوقیله
 اول مریضه ایتدی نصفین واگذار
 میل ایدوب فوراً آناری اول مریض
 گوردی مولا حسرتیله هی باخار
 ایتدی فرمایش حالون اولدی نجه
 عرض ایدوب نصفینده ویرسون نیک اولار
 ویردی نصفینده اونا دوشدی یولا
 گلدی ناینا بیانه سویله دی پروردگار
 سن بونون هر دردی وار ایله دوا
 قویما اولسون بو جهاندا شرمسار
 گلدی اما منزله بولم نه حاليله امام
 قلبینن قانی یقین گوزدن آخار
 منزله گلجک خانم زهرا دیدی
 شرمسار ایتدون منی ای با وقار
 چوخ رضایم من ایون آباد اولار
 هیچ یوخوم بیر بیله سندن انتظار

بیر دوشندی سجديه شاه جهان
اولدی آلهه اودم شکری گذار
بو خلیل نژاد ایستور بیر صله
سندن ای مولا امیر تاجدار

حمایت حضرت زهرا (س) از اُمت پیغمبر (ص)

یازولا بیر گونی گونلرده حضرت زهرا
گلوب حضور پیمبرده عرض ایدوب آبتا
ایشیدمیشم من اوزوندن بو غصّه لی خبری
بویور موسان چکچکلر جهنمه بشری
قیامتین گونی بیر گوندی گوزلر آغلیاجاق
هوانین ایسیسی معناده سینه داغلیاجاق
عمللر اولماسا یاخشی او گونده واویلا
هامی بشر دیجک اوز اوزونه وانفسا
عجیبه گوندی او گون ای امید خلق الله
او گون حکومت ایدر بیر فقط اوزی آله

دیوله یوسفی یعقوب اوگونه بوشلویاجاق
 هامی ملاله باتوب اوزگه یانه قاجمیا جاق
 اوگون هامی آنالار اوزبالا سینی آتاجاق
 گوزون یاشین جگرین قانیله توکوب قاتاجاق
 یانلقی بیر دلیله هی دییلر واویلا
 اوزون بیزه نظر ایت ای خدای بی همتا
 اوگونه شیعه لرون چارسی ندور آیا
 منه بویور گوروم ای سرور ایکی دنیا
 اودمده احمد مختار توکوب گوزوندن یاش
 گوروبدی فوری گلوب جبرئیل دییور قارداش
 بله یوزه گوزوون یاشینی روان ایلمه
 دایان تحمل ایله بیر بله فغان ایلمه
 یتور سلاممی زهرایه ایتمه سون شیون
 اونون بو فکرینه صد آفرین و صد احسن
 بویور اونا سن اوزون ای پیمبر رحمت
 خدای عالیشان لطف ایدر سنه عزت

ملول اولما گیلان ای حبیبه یزدان
 اوگون خدای توانا ویرر سنه امکان
 نقدری لطفون اولا اُمتی باغشلا خانم
 جزا گونونده هامی ملتی باغشلا خانم
 او گونده امر شفاعت سنونکیدور زهرا
 حساب روز قیامت سنونکیدور زهرا
 اوقدری عفا ایدرم تارضایتون اولسون
 که یعنی اصل رضایت سنونکیدور زهرا
 بو اُمتین حالنا بیر بله که سن یانوسان
 کائنّه که بو اُمت سنونکیدور زهرا
 بهشتیمین کلیدین من سنه عطا ایدرم
 قسیم دوزخ و جنت سنونکیدور زهرا
 سنه گوره بوجهانی یاراتمیشام من بول
 بو دبد به بو جلالت سنونکیدور زهرا
 گل افتخار ایله بو روز گاریده بش گون
 بابان پیمبر رحمت سنونکیدور زهرا

علی ولیّ خدا همسروندی فخر ایلہ
 او پادشاه ولایت سنونکیدور زهرا
 ایکی بالان حسنیله حسینی ثوپ ایگله
 او ایکی نوگل جنت سنونکیدور زهرا
 حیا و عصمتینی حفظ ایدن خانم بوله جاق
 جهاندا واقعاً عصمت سنونکیدور زهرا
 اوکسکه همّت ایدوب باادب اوشاق بوؤدوب
 اودا دیر که بو همّت سنونکیدور زهرا
 هایاندا هیئت آچلسا ویریلسا پرچملر
 او یرده کی اولان هیئت سنونکیدور زهرا
 او هیئتون اولی بانی سی اوز بالان مهدی
 اوخونسا ذکر و مصیبت سنونکیدور زهرا
 ایکی جهاندا حبیب سن افتخار ایلہ
 جلال و عصمت و شوکت سنونکیدور زهرا
 سنون مقاموی من خلقه ایلرم روشن
 هامی گورر که جلالت سنونکیدور زهرا

جزا گونونده سنی نا قیه سوار ائلرم
 او گون تمام ارادت سنونکیدور زهرا
 دیسون جهنمینمه خاموش اول اولار قوخما
 او گونده امر و اطاعت سنونکیدور زهرا
 خلائقین هامسین عفا ایله سون سوز یوخ
 او گونده باب دیانت سنونکیدور زهرا
 ایدله غبطه چوخی رتبه و جلالته
 نه چون که اهل ولایت سنونکیدور زهرا
 پیمبران اولول عزم لر گورله تمام
 هامی قالب ولی رحمت سنونکیدور زهرا
 بیزیده دعوت ایله جنته سنه قربان
 او استقامت و دعوت سنونکیدور زهرا
 خلیل نژادیدا قویما گیده کناره خانم
 اونا باغشلاسون عزت سنونکیدور زهرا
 که یعنی نوکروون نوکریدی دنیاده
 نه اولسا گراونا قسمت سنونکیدور زهرا
 اوزون بولورسن ازلدن حقیقت آختاروری
 تاپویدی اصل حقیقت سنونکیدور زهرا

اوصاف حضرت زهرا(س)

سربسر سرشار عشق است کلام فاطمه
 خلق را بیدار میکرد پیام فاطمه
 روز و شب یاهو و یا حق گفت گفت
 کرد حیران کون و امکان را قیام فاطمه
 رونق بی حد نمود بر تابع اسلامیان
 شد مرتب آن زمانیکه نظام فاطمه
 موقع رفتن عروس در منزل مولا علی
 سائلی را بهرمند ساخت از کرام فاطمه
 خلق کرد خلاق عالم کل موجودات را
 خود بفرمود است حتی احترام فاطمه
 داد خلاق جهان از بس جلال و معرفت
 از همه مافوق شد شأن و مقام فاطمه
 آنقدر گشت منور نور رخسار بتول
 بر همه روشن شده حسن و ختام فاطمه

افتخاری شد برای بانوان دین پرست
 هر دو عالم زهد و تقوا و مرام فاطمه
 هر زمان میدید زهرا را علی شاه جهان
 مفتخر میگشت یاران آن امام فاطمه
 استقامت مینمود در راه قرآن مجید
 علت آن است شده کوثر بنام فاطمه
 آنقدر ایستاده گی کرد برای حق خود
 خلق را حیران نمود آخر دوام فاطمه
 شاه مردان هر زمان دلتنگ میشد ظاهراً
 شاد و خرم مینمود آن را سلام فاطمه
 مریم و سارا کنیزاً گفته اهل خبر
 آن چنین باشد بود عیسی غلام فاطمه
 آنقدر مهر و وفا میکرد بر مستضعفان
 سائلان میبرد لذت از طعام فاطمه
 عاقبت آتش زدند بر درگهه والای او
 تلخ شد شیرینی عالم به کام فاطمه

هم چو گل پرپر نمودن آن مه تابان را
 روز روشن شد برایش تار شام فاطمه
 کی شود یارب بیاد آن مهدی صاحب زمان
 تا بگیرد از عدویان انتقام فاطمه
 ای خلیلا شعر زیبا گو برای اهل بیت
 دفتر خود را بکن حتی بنام فاطمه

اذان دیمرم

بلالی بیر گون عمر ایسته دی برابرینه
 دیدی گل ایله اطاعت بو خلق رهبرینه
 که یعنی چیخگیلا بامه اذانوی باشلا
 سسون نه نوعیده گلسه بیانوی باشلا
 داریخدی اهل مدینه اذان سسی گلمور
 نماز وقتی هاچاندور بیر عده لر بولمور
 بلال سویلدی من سیزلره اذان دیمرم
 جهانی تنگ ایلدوز حیدره اذان دیمرم

غدير حُمى عجب تئز فراموش ايتدوز سيز
 هزار حيف گچن گونلره اذان ديمرم
 نه تئز علينين الين ئوپماقوز چيخوب يادان
 قسم سيز ئوپدوقوزاول اللره اذان ديمرم
 يوخوزدى ذره حيا غيرتوز قسم اولسون
 او شرعى صاحبي پيغمبره اذان ديمرم
 عجب چيخوبدى يادوزدان او ذوالفقار على
 توجّهوز آز اولوب خييره اذان ديمرم
 بو رهبريتى سيز غصب ايدوبسوز حيدردين
 جهاندا غصب ايلين رهبره اذان ديمرم
 بو قدر تهديديله ايتميون منه اصرار
 اورك سوزون ديمشم قنبره اذان ديمرم
 او قدرى قليبى سندر مسوز بو دنياده
 قسم خدا يارادان گوگلره اذان ديمرم
 رسول حقّ ئولوب باغلانوب على قاپوسى
 بلال ايندى ديسون كيملره اذان ديمرم

علی قولون نه روا دور ستمله باغلیاسوز
 خیانت ایله سوز منبره اذان دیمرم
 تلاش ایله میون بیر بله اذان اوسته
 اینانمارام بویالان سوزلره اذان دیمرم
 همیشه حيله و مکريله میدانا چیخدوز
 قسم او دوز دانشان سروره اذان دیمرم
 علی ولی خدانون قاپوسین اودلامسوز
 گئجه گونوز قاچارام چوللره اذان دیمرم
 علینین حقین اگر ویرمه سوز بولون اوزونه
 محال امریدی من کافره اذان دیمرم
 خلاق ایندی طفیلیدی مرتضی علیه
 ایدوله فخر هائی صفدره اذان دیمرم
 اگر اویانماسوز هرگز بو خواب غفلتدن
 باشیمدا گیتسه منیم خنجره اذان دیمرم
 منیمده قولاریمی گر ستمله باغلیا سوز
 قلنجوزی قویاسوز خنجره اذان دیمرم

پیمبرین قیزینا سیلی ورمسوز آخر
 دچار ایله مسوز غملره اذان دیمرم
 همیشه گوزیاشینی عارضه توکور زهرا
 نواسی ایلور اثر دللره اذان دیمرم
 جفائله گُل طاهانی ایلدوز پرپر
 من آغلورام او گُل پرپره اذان دیمرم
 اوتانما دوز صدف مرتضانی سندیر دوز
 ترخم ایتمدوز اول گوهره اذان دیمرم
 ستمله فاطمه‌نی قانه ایلدوز غلطان
 قیصاصی قالمالیدی محشره اذان دیمرم
 بتولین آغلاماقی داغ داشا اثر ایلور
 نیه اثر ایلور کافره اذان دیمرم
 گورنده فاطمه‌نی قلبیمی دوتور آتش
 بو غملری دییرم یللره اذان دیمرم
 نقدر فاطمه و مرتضایه ظلم ایله سوز
 قسم اولو او حق داوره اذان دیمرم

نقدری راضی دگل سیزدن حضرت زهرا
 قسم عبادت ایدن دللره اذان دیمرم
 او قدر ظلم ایلیوبسوز سولوبدی باغ و چمن
 اورک یانور او سولان گللره اذان دیمرم
 خلیل نژاد یازان سوزلرین نتیجه سی وار
 او دور چوخ ایلور اثر ائلره اذان دیمرم

زبانحال مولا علی (ع) نوحه حضرت زهرا (ص)

ای دختر ختمی مآب
 آغلاما زهرا آغلاما زهرا
 چوخ روحوه ویرمه عذاب
 آغلاما زهرا آغلاما زهرا
 ای گل مصطفی یا زهرا یا زهرا
 سن آغلیاندا فاطمه
 آغلورام منده آغلورام منده
 گوزیاشینی رخساریمه
 باغلورام منده باغلورام منده

آتش دوتوب بو سینہ می
 داغلورام منده داغلورام منده
 غمدن اولور قلبیم کباب
 آغلاما زہرا آغلاما زہرا
 ای گل مصطفیٰ یا زہرا یا زہرا
 آہ شرر بارون سنون
 عالمی داغلور عالمی داغلور
 زینب قیزیم احوالوہ
 دم بہ دم آغلور دم بہ دم آغلور
 باران کیمین گوزیاشینی
 عارضہ باغلور عارضہ باغلور
 گویا دولور مثل سحاب
 آغلاما زہرا آغلاما زہرا
 ای گل مصطفیٰ یا زہرا یا زہرا
 سن آغلاندا آغلوری
 دلسیز اوشاقلار دلسیز اوشاقلار

برگ خزان تک تتروری
 چولده بوداقلار چولده بوداقلار
 چوخ ایوده ناله ایلیور
 اوندا قوناقلار اوندا قوناقلار
 گلمیر گوزه بیر ذره خواب
 آغلاما زهرا آغلاما زهرا
 ای گل مصطفی یا زهرا یا زهرا
 پیغمبرین ریحانه سی
 ایلمه شیون ایلمه شیون
 سن آغلوسان حتماً گُلور
 حالوه دشمن حالوه دشمن
 صبر ایله قوی دائم دیسون
 اوز بابان احسن اوز بابان احسن
 توکمه یوزه گوزدن گلاب
 آغلاما زهرا آغلاما زهرا
 ای گل مصطفی یا زهرا یا زهرا

اولما رضا زهرا گُل
 گِلستان سولسون گِلستان سولسون
 آندوه و محنتدن علی
 گوزلری دولسون گوزلری دولسون
 دنیا گوزونده تار اولوب
 غصّه مرگ اولسون غصّه مرگ اولسون
 یان حالیمه ایله صواب
 آغلاما زهرا آغلاما زهرا
 ای گُل مصطفی یا زهرا یا زهرا
 زهرا ی اطهر شیونه
 گلّه دنیا ده گلّه دنیا ده
 قوی قیزلاریم اوغلاناریم
 گلّه سون داده گلّه سون داده
 صبر و شکیا یاخشی دور
 اهل تقواده اهل تقواده
 الله بله ایلیوب خطاب
 آغلاما زهرا آغلاما زهرا

ای گل مصطفیٰ یا زهرا یا زهرا
 خلیل نژادین در دینه
 سن ایله درمان سن ایله درمان
 ایسته گله حضارین
 قبروه مهمان قبروه مهمان
 خاک بقیعه ایلیه
 ناله و افغان ناله و افغان
 عرض ایلیه ای دُر ناب
 آغلاما زهرا آغلاما زهرا
 ای گل مصطفیٰ یا زهرا یا زهرا

نوحه حضرت زهرا (س) آهنگ جدید

ای منیم شهریاریم عم اوغلی
 غم گونی غمگساریم عم اوغلی
 غصّه دن تنگه گلدیم یوبانما
 گل کسیلدی قراریم عم اوغلی

گوزیاشیم قانه دوندی یوبانما
 عمرومون شمعی سوندی یوبانما
 سینمین آخدی قانی عم اوغلی
 محسنین چیخدی جانی عم اوغلی
 هارداسان ای ولی خداوند
 گل منی وردی ثانی عم اوغلی
 گوزیاشیم قانه دوندی یوبانما
 عمرومون شمعی سوندی یوبانما
 درگهیم آتش ظلمه یاندی
 قاننه فاطمه گل بویاندی
 اولمادی ظلم ایدنلرده غیرت
 ظلم دشمن سمایه دیاندی
 گوزیاشیم قانه دوندی یوبانما
 عمرومون شمعی سوندی یوبانما
 ای منیم ساقی کوثریم گل
 دوشموشم مشکله سروریم گل

غملم من عم اوغلی یوبانما
 ایتمہ تأخیر سنوب شہپریم گل
 گوزیاشیم قانہ دوندی یوبانما
 عمرومون شمعی سوندی یوبانما
 من رسول اللہ نور عینم
 مادر زینب و ہم حسینم
 واردی چوخ افتخاریم عم اوغلی
 ہمسر قہرمان حنینم
 گوزیاشیم قانہ دوندی یوبانما
 عمرومون شمعی سوندی یوبانما
 سن منیم مہربان ہمسریمسن
 ہمسریم سہلدور رہبریمسن
 تئز منی درک ایلہ جان زینب
 گورسون اغیاریلر یاوریمسن
 گوزیاشیم قانہ دوندی یوبانما
 عمرومون شمعی سوندی یوبانما

گل منه وردی سیلی عم اوغلی
 صورتیم اولدی نیلی عم اوغلی
 سسلدیم فضّهنی من قاباقجان
 سنده اولما گلیلی عم اوغلی
 گوزیاشیم قانه دوندی یوبانما
 عمرومون شمعی سوندی یوبانما

تولد امام حسن (ع)

یازهرا یازهرا ای محبوبه الله
 قیل نظر بیر خانم سن جان رسول الله
 باخگیلا کریمانه
 ویر بیزه عیدیانه
 زهرا زهرا یازهرا
 رمضان آییندا الله سنه پای ویروب
 پای ندی عالمی روشن ایدن آی ویروب
 ایستیوب شاد اولاسان
 دائماً یاد اولاسان

زهره زهرا یازهره

لطف ایدوب بی کران بو آی حق تبارک
اوغلوون قدمی اولسون خانم مبارک
اسلام اولدی منجلی
گلدی دلبندی علی

زهره زهرا یازهره

حسن المجتبیٰ دنیایه گلدی خانم
کانه گُلشنده بیر عالی گلدی خانم
گوزلرون روشن اولا
ای دختر مصطفی

زهره زهرا یازهره

کریم اهل بیت روشن ایتدی دنیانی
شاد ایتدی معناده پیغمبر خدانی
اون بشی رمضاندا
آچدی گُل گُلستاندا

زہرا زہرا یازہرا

بوگوزل مولودہ خاطر بیر نظر ایله
تاریک شبلری تئز بیزه سحر ایله
دلریمیز قان اولدی
گلشنده گُللر سولدی

زہرا زہرا یازہرا

حسنین ادبی حیران قویار دنیانی
مُتزلزیل ایدر آخر خانم اعدانی
رونق دینه آرتیرار
دشمن صفین سیندیرار
زہرا زہرا یازہرا

آهنگ جدید تولد امام حسن (ع)

گلدی مولا حسن بو جہانہ
دوندی عالم بو گون گُلستانہ
وار منیم باوریم ای عزیزان
فاطمہ لطف ایدر عیدیانہ

بایراموز بو گون اولسون مبارک
 لطف ایدوب بی کران حق تبارک
 آچدی زهرا گُلی گُلستاندا
 منجلی تر اولوب بو جهاندا
 هامی گُلدن صفاسی عزیزان
 چوخ اولوب دقتیله باخاندا

بایراموز بو گون اولسون مبارک
 لطف ایدوب بی کران حق تبارک
 ای صبا مژده ویر انبیایه
 لطف ایدوب ذوالجلال مرتضایه
 بیر گوزل اوغلان ایلوب کرامت
 هم علی همدۀ خیرالنسایه

بایراموز بو گون اولسون مبارک
 لطف ایدوب بی کران حق تبارک
 مرتضائین ایوی گُلستاندی
 فاطمه مرتضی شادماندی

نقل و شیرینی سپون سیزده یاران
 شادلق ایلون بو گون خوش زماندی
 بایراموز بو گون اولسون مبارک
 لطف ایدوب بی کران حق تبارک
 شهر یثرب بو گون پُر صدا دور
 گل آچوب گلستان باصفا دور
 سیزده باهم گلون گلستانه
 صاحب گلستان مرتضا دور
 بایراموز بو گون اولسون مبارک
 لطف ایدوب بی کران حق تبارک
 مرتضانین گلی آچسا سولماز
 او گلون مثلی عالمده اولماز
 عطریله دولدورار گلستانی
 هیچ گلستان بله عطره دولماز
 بایراموز بو گون اولسون مبارک
 لطف ایدوب بی کران حق تبارک

سبط اکبر امام حسندی
 ماه انور امام حسندی
 مثل مولا علی بو جهاندا
 خلقه رهبر امام حسندی
 بایراموز بو گون اولسون مبارکی
 لطف ایدوب بی کران حق تبارکی

آهنگ جدید تو سئل به امام حسن (ع)

ای امام حسن جان حیدر
 پاره قلب زهرا ی اطهر
 یاز برات بقیع عاشقانه
 خاطر جّدون احمد پیمبر
 یا حسن یا حسن یا حسن جان
 توزلی قبره بیزی ایله مهمان
 اول بقیع تپراقی غم فزادور
 اهل عشقه ولی کیمیادور

هرکیم امیدیلہ گلہ آخر
 حاجتی بولسون اوردا روادور
 یا حسن یا حسن یا حسن جان
 توزلی قبرہ بیزی ایله مهمان
 ظاہراً قبروون یوخ بناسی
 باطناً چوخدی مولا صفاسی
 صدق اوزیلہ مریض گلہ حتماً
 ایستہ سه سنده وار دور شفاسی
 یا حسن یا حسن یا حسن جان
 توزلی قبرہ بیزی ایله مهمان
 عمروده تنگ اولوب روزگارون
 غصه دن هی سولوب گل عذارون
 بیر بله ظلم اولونماز جهاندا
 اولمویوب بیر مجلل مزارون
 یا حسن یا حسن یا حسن جان
 توزلی قبرہ بیزی ایله مهمان

قبروون حسرتی دله قالدی
 قلبیلر طاقتین الدن آلدی
 گورمدوخ بیز او پوزقون مزاری
 ایریلیق دللری درده سالدی
 یا حسن یا حسن یا حسن جان
 توزلی قبره بیزی ایله مهمان
 ای اولان معدن مهر و رعفت
 قبرون اوسته بیزی ایله دعوت
 دسته جمعی گلوب آغلیاق تا
 بلکه اولسون بیزه بیر سعادت
 یا حسن یا حسن یا حسن جان
 توزلی قبره بیزی ایله مهمان
 داغلیور دللری گونه داغون
 بارگاهوندا یوخ بیر چراغون
 قسمت اولسا بیزه شهر یثرب
 بس هایاندان دوتاخ بیز سراغون

یا حسن یا حسن یا حسن جان

توزلی قبره بیزی ایله مهمان

ای اولان غصه دن روحی یُرقون

ای بقیعه قالان قبری پوزقون

قبروی کیم گوروب دائم آغلار

غم ایدر قلبینی گونده پُرخون

یا حسن یا حسن یا حسن جان

توزلی قبره بیزی ایله مهمان

ای خلیلا حسن جانی آغلا

اشگ چشمین یوزه سنده باغلا

قسمت اولسا بقیع تپراقیندا

اوردا حَضاریله سینه داغلا

یا حسن یا حسن یا حسن جان

توزلی قبره بیزی ایله مهمان

نوحه امام حسن (ع)

حسن جان	حسن جان
سولان رنگوه قربان	سولان رنگوه قربان
وفالی قارداش	وفالی قارداش
کیم سنی	کیم سنی
مسموم ایدوب دل شب	مسموم ایدوب دل شب
وفالی قارداش	وفالی قارداش
نطقه گل	نطقه گل
کیم ظلم ایدوب عیان ایت	کیم ظلم ایدوب عیان ایت
وفالی قارداش	وفالی قارداش
نصف شب	نصف شب
بونه آسغلی غمدی	بونه آسغلی غمدی
وفالی قارداش	وفالی قارداش
قارداش کیم	قارداش کیم
ظلمونده طغیان ایلوب	ظلمونده طغیان ایلوب
وفالی قارداش	وفالی قارداش
دنیا ده	دنیا ده

آفت یـتـیـنـجـه سـنـه	قـادـون گـلـیـدی مـنـه
وفاـلی قـارداش	وفاـلی قـارداش
جـُـعـده نـیـن	جـُـعـده نـیـن
عـذابـی اولـسون شـدیـد	سـنی ایلـدی شـهـیـد
وفاـلی قـارداش	وفاـلی قـارداش
مـجـتـبی	مـجـتـبی
جـُـعـده نـه بی وفـادور	بی شـرم و بی حـیـادور
وفاـلی قـارداش	وفاـلی قـارداش
کـیـم گـورـوب	کـیـم گـورـوب
زـن صـاحـبـیـن ثـولـدورسون	چـراغـیـنی سـونـدورسون
وفاـلی قـارداش	وفاـلی قـارداش
عـورـتـده	عـورـتـده
دیه لر اولماز وفا	عـاقـبت ایلر جـفا
وفاـلی قـارداش	وفاـلی قـارداش
هـانـسی زـن	هـانـسی زـن
صـاحـبـیـن ایتـسه شـهـیـد	اولـسون عـذابـی شـدیـد

وفالی قارداش	وفالی قارداش
گرک هر	گرک هر
وقار و عصمت اولسون	عورته غیرت اولسون
وفالی قارداش	وفالی قارداش
آبر و	آبر و
زنان باایماندا	گرک اولانساندا
وفالی قارداش	وفالی قارداش
بو نکته	بو نکته
بالخصوص بانواندا	مهمیدی جهاندا
وفالی قارداش	وفالی قارداش
آچ گوزون	آچ گوزون
وی عالمین پناهی	ای حجت الهی
وفالی قارداش	وفالی قارداش
دور یاتما	دور یاتما
وی فضلی صد هزاران	ای یاربینوایان
وفالی قارداش	وفالی قارداش

یـتـیـمـلـر	یـتـیـمـلـر
آتاسیدون جهاندا	آتاسیدون جهاندا
وفالی قارداش	وفالی قارداش
باشیمین	باشیمین
قراسینی چوخاتدون	قراسینی چوخاتدون
وفالی قارداش	وفالی قارداش
باجون	باجون
اورگی دوندی قانه	اورگی دوندی قانه
وفالی قارداش	وفالی قارداش
آغلا رام	آغلا رام
ئولنجه احوالوه	ئولنجه احوالوه
وفالی قارداش	وفالی قارداش
دائماً	دائماً
خلیل نژاد آغلوری	خلیل نژاد آغلوری
وفالی قارداش	وفالی قارداش

اوصاف جمیل حضرت امام حسین (ع)

حسین تک چوخلارین مولاسی یوخدور
 گلیستاندا گل رعناسی یوخدور
 اکیب بیر عده لر باغ و گلیستان
 ولیکن بلبل شیداسی یوخدور
 گوزل گلر بجر دودی سوزوم یوخ
 طراوتده گل میناسی یوخدور
 گلون عطر آماقا زهرا گلوندن
 او گل تک هیچ گلون گیراسی یوخدور
 حسینه گلرین عطری چاتانماز
 حسین بیر گلدی که همتاسی یوخدور
 دیون بولسون او جنت آختارانلار
 حسینسیز جنتون طوباسی یوخدور

حسینون مثلی گلمز بو جهانہ
 اونا منکیر اولان تقواسی یوخدور
 اولوب باغ جنان کربوبلاسی
 اگر چه ظاهراً حوراسی یوخدور
 هامی گلزایدن گلزاری زیبا
 او یر تک هیچ یرون زیباسی یوخدور
 حسین شاهنشہ کون و مکاندی
 اونون تک هیچ شہین شیواسی یوخدور
 حسینہ کیم عزادار اولسا دائم
 قیامتده اونون غوغاسی یوخدور
 قویوب عشقین بناسین کربلاده
 دیمہ اوز عہدینہ ایفاسی یوخدور
 ایکی دنیالره سروردی مولا
 مقام و رتبہ ده ہمتاسی یوخدور
 کیمون لطفی آز اولسا بو حسینہ
 حسینوندہ اونا اعطاسی یوخدور

عزیزیم دوز قدم قوی عرصه گاهه
 ریا اولسا ایشون معناسی یوخدور
 تلاش ایت بو سوزی هیچ وقت ایشیدمه
 نیه پرونده ون امضاسی یوخدور
 ریاست آختارانلار حقّی بولمز
 اولاردا غیرتون معناسی یوخدور
 بیر عده چوخ سوور جاه و جلالی
 او دور حقدن اُتور دعواسی یوخدور
 شهید اولدی حسین کربوبلاده
 اونون تک بیر کسون عقباسی یوخدور
 گلوبدی چوخلاری بازار عشقه
 ولیکن باشینون سوداسی یوخدور
 ئولوب چوخ پادشاهلار بو جهاندا
 حسین تک دائماً هیچ یاسی یوخدور
 بو دور علت که آدلاری دیولمور
 شریک نهضت عظماسی یوخدور

اولار مثل حسین ابن علی تک
 قوی دل زینب کبراسی یوخدور
 قیامت ایلیوب چوخلار جهاندا
 ولی بیر خطبه غراسی یوخدور
 گلوب دنیایه رهبرلر ولیکن
 حسین تک روز عاشوراسی یوخدور
 بو عاشوراده وار دور سَرّی پنهان
 خیال ایتمه اونون معناسی یوخدور
 حسین کربوبلاده جنگ ایدنده
 قوشون فکر ایلدی عباسی یوخدور
 ایدوب چوخ پادشهرلر جنگ امّا
 اباالفضل کیمین سقّاسی یوخدور
 اولاندا حمله ور قارداشی عباس
 گوروبلر جنگیدن پرواسی یوخدور
 توکور تپراقه باشلاری پیایی
 کانه سیر اولوب دنیاسی یوخدور

دیور من مرتضایہ یادگارم
 دیمون شاہنشہین عنقاسی یوخدور
 علی المرتضیٰ تک منده شیرم
 بلہ جنگ ایتماقین پرواسی یوخدور
 اگر ویرسہ اجازہ حجّت اللہ
 فراتی الماقین غوغاسی یوخدور
 بیر آنی فانیدہ آلام فراتی
 بو نوعی حملہ نون قوخماسی یوخدور
 خلیلا بس ایلہ چوخ طول ویرمہ
 آخان گوزیاشلارین دریاسی یوخدور

توصیف حضرت امام حسین (ع)

دنیای عشقیدہ سنہ قربان دیدیم حسین
 عقلیم چاتان زمان شہ خوبان دیدیم حسین
 کربوبلا کتابنی من ایلدیم مورور
 اوندان صوراً حقیقتاً انسان دیدیم حسین

گوردوم یزیده اگمسن باشوی آقا
 اوپدوم همیشه پرچموی جان دیدیم حسین
 درک ایلدیم بو عالم فانیده سیدی
 سلطان عشقسن اودی سلطان دیدیم حسین
 عاشققرین کتابنی بیریر ورقله دیم
 عشاق ایچینده عشقوه قربان دیدیم حسین
 دانش سرای عشقیده گوردوم لیاقتون
 صد آفرین هزار و هزاران دیدیم حسین
 صراف روزگار یله صحبت ایدنده من
 فکرم بو اولدی گوهر تابان دیدیم حسین
 گوردوم سنی خدا یارادوب هامدان گوزل
 ایتدیم نگاه یوسف کنعان دیدیم حسین
 گلزار مصطفایه تماشا ایدن زمان
 فکر ایتممش سنه گل ریحان دیدیم حسین
 قرآندا ایتدیم آیه جنّاته بیر مُرور
 اوندان صوراسنه گل رضوان دیدیم حسین

قربان اولوم او روضه رضوانوه سنون
 دلدن بو کلمه نی سنه هر آن دیدیم حسین
 بزم عزاده اشکین عذاره توکنلره
 شعر قالینده آیه قرآن دیدیم حسین
 هر ساعتیکه دوشدی منیم مشکله ایشیم
 تئز نذر ایدوب سفره احسان دیدیم حسین
 ایتدیم مبارک آدوی من فال نیک آقا
 تئز ایستورم بو دردیمه درمان دیدیم حسین
 الحمد لله آلدیم اودم دردیمه دوا
 حمد و ثنا خدایه فراوان دیدیم حسین
 بیر سفره آچدیم آدوا ای سیدی جلیل
 سفره آچلدی عشقوه عنوان دیدیم حسین
 سفره مجلل اولدی یرون بوش سنون آقا
 اول سفره باشینه نچه مهمان دیدیم حسین
 بیر روضه خواندا دعوت ایدوب گتدیم اول یره
 اول روضه خوانه حال پریشان دیدیم حسین

باشلا آقام مصیبتینی بیر به بیر اوخی
 قوی سینه لر اولا داخی سوزان دیدیم حسین
 باشلانندی روضه آغلادی بیر عدّه دل غمین
 اوضاع نه اولدی من بونی پنهان دیدیم حسین
 حتماً گلوبدی فاطمه ده مجلس غمه
 زهرا ایدوبدی ناله و افغان دیدیم حسین
 زهرا گلن مجالسون آرتار شرافتی
 عزّت تاپار او مجلس شایان دیدیم حسین
 بیر شخص نامدار گلن وقته مجلسه
 قربان کسله گر اولا امکان دیدیم حسین
 امکانیم اولمادی ولی ای شاه تاجدار
 قربان یرینه جانیمی قربان دیدیم حسین
 ساخلا خلیل نژاد الوی بیله عرض ایله
 آدون گلنده سیدی جان جان دیدیم حسین

مقدمه در مجلس عزاداری

قلب پاکيله بوگون بزم عزايه گلمشوخ
 درديميز وار درگهه آل عبايه گلمشوخ
 دوتموشوخ الده بهانه بيز حسينون پرچمين
 ايتماقا عرض ارادت مصطفىايه گلمشوخ
 مشکلات روزگاري بير به بير اعلان ايدک
 بولسون اول مولا نيه باب السخايه گلمشوخ
 تنگ اولوب دنيا و ما فيها اصیل انسانلارا
 يوزده گوزياشي آچوب دل التجايه گلمشوخ
 مشکلی اولسا کيمين فوراً دير يا مرتضی
 اولماقا ايندی دخیل بو مرتضايه گلمشوخ
 بيز حسینه آغلیان وقته بو دور معنا بولون
 تسلّیت عرض ايتماقا خیرالنسايه گلمشوخ
 وارد بو بزم عزاده عالم معنا صفا
 اتفاقيه بوگون بزم صفايه گلمشوخ
 آل حیدر بير کسی دنياده مأيوس ايلمز
 ياعلی ذکر ايليوب دلدن عطايه گلمشوخ

قلبیده گزین اولان مشکلی اظهاری ایدی
 بو مقدس درگهه مشکل گشایه گلمشوخ
 بی نهایت دلیری بو عصریده غم دولدوروب
 بو دور علت بارگاه کبریایه گلمشوخ
 واریری اولجه دامن ابالفضلی دوتاق
 بولسون اول مولا در صاحب لویاه گلمشوخ
 آغلاساق قولسوز علمداره دعا مقبول اولار
 آغلیاق ایندی گلون کان وفایه گلمشوخ
 هر مکاندا قلبیدن یانساق حسین عشقینده بیز
 فرقی یوخ کربولائیله نوایه گلمشوخ
 ایندی باهم واریری گوزیاشینی گوزدن توکک
 عالم معناده یاران کربلایه گلمشوخ
 بو عزاخانه بولون دارالشفادی شیعیه
 ایندی بو امیدیلن دارالشفایه گلمشوخ
 ایستیروخ باهم آلاق یاران هامی درده دوا
 نسخه لر اله اودور بیزده دوایه گلمشوخ

دردیلر درمانن آلساق مسئله واضح اولار
 مطلبی روشن یتیرروخ آقربایه گلمشوخ
 شاه عطشان مجلسنده بی ریا ایتسوخ نوا
 عزّت آرتروخ یقین اهل ولایه گلمشوخ
 مستمنده ایله ساق خدمت جهانی فانیده
 منفعت اخذ ایتمشوخ روز جزایه گلمشوخ
 ای خلیلا یازدیقون سوزلر عجب شور آرتورور
 اهل تقوالر دییور بیزده صفایه گلمشوخ
 ایسته باهم بیر گیدوب اول نهر علقمده دوراخ
 فخرایدوب عرض ایلک کربوبلایه گلمشوخ

جلالت حضرت امام حسین (ع)

شیعه مولاسی حسین کرم دریاسی حسین

دینون فداسی حسین زهرا بالاسی حسین

حسین حسین یا حسین

حسین حسین یا حسین

گلشن صفاسی حسین دردین دواسی حسین

پیغبرین ای اولان جلوه نماسی حسین

حسین حسین یا حسین

حسین حسین یا حسین

ای مرد لایق حسین فخر خلائق حسین

سن تک اولانماز بیری قولوندا صادق حسین

نور جلاء یا حسین شمس الضحی یا حسین

حسین حسین یا حسین

حسین حسین یا حسین

ای افتخار بشر شیعه عثنی عشر

عشقونده دائم سنون آغلولا شام و سحر

ایستوله کربوبلا سنده آقا قیل عطا

حسین حسین یا حسین

حسین حسین یا حسین

ای گل رضوان حسین الگوی انسان حسین

شیعه لر اولسون سنون جانوه قربان حسین

عزیز زهرا حسین رهبر دنیا حسین

حسین حسین یا حسین

حسین حسین یا حسین

گوزلروه من فدا یا سید الشهدا

درگهوندن سیدی سالما الی بوش یولا

ایشیمیز افغان اولوب دللریمیز قان اولوب

حسین حسین یا حسین

حسین حسین یا حسین

مریضلر ایستور شفا ایلوله آه و نوا

یاز نسخه مجانی سن ای عزیز مرتضی

غم چیخوب اندازدن دللر یانوب تازدن

حسین حسین یا حسین

حسین حسین یا حسین

ای شهریار جهان سلطان کون و مکان

شیعه لره تنگ اولوب مولا بو دور زمان

ای یکی دنیا امیر گلر سولور بیر به بیر

حسین حسین یا حسین

حسین حسین یا حسین

رحم ایله بو گُلره غمِ دلان گوزلره

سن کرم دریا سیسان آدون دوشوب دلره

ایله کرم یا حسین ایت گیرهی وا حسین

حسین حسین یا حسین

حسین حسین یا حسین

آقا بو خلیل نژاد وار انتظار ی زیاد

جان رقیه قیزون ایله بونی گاهی یاد

لطف ایله ای شهریار ای شه والا تبار

حسین حسین یا حسین

حسین حسین یا حسین

زبانحال مؤلف به حضرت امام حسین ع

واردی دردی بی نهایت دوت الیمدن یا حسین

مضطرم ایله عنایت دوت الیمدن یا حسین

مستمندم دردمندم روح و جانیم خسته دی
 حالیمی ایله رعایت دوت الیمدن یا حسین
 روحیمی چوخ انجیدوبدی بو شماتلر آقا
 خسته روحه قیل طبابت دوت الیمدن یا حسین
 سرنویشتیم چونسه ده من اوزگه بابه گیتمرم
 سنده واردور باب حاجت دوت الیمدن یا حسین
 گرمی یورسا زمانه بیر کسه بولدورمرم
 ایلرم چوخ استقامت دوت الیمدن یا حسین
 گلشم بو درگهه آیا بولورسن من نیه
 گورموشم سنده صداقت دوت الیمدن یا حسین
 سائلم من آستانونده سنون قوما آقا
 قیل منه مهر و محبت دوت الیمدن یا حسین
 قبر ایوینده سال منی یاده اقلأ سیدی
 دوت ماسین بوقلبی وحشت دوت الیمدن یا حسین
 روز و شب هیئتارونده من سنون اگلشمشم
 انتظاریم وار بو ساعت دوت الیمدن یا حسین

کارگر ایشلر گلنده آی باشا مزدون آلا ر
 آز چو خا ایلر قناعت دوت الیمدن یا حسین
 سنده بو مزدا گوره بیر کربلا احسان ایله
 قسمتیم اولسون زیارت دوت الیمدن یا حسین
 گوگلوام ایستور بیر گورم کربوبلانی عمریده
 یاز منه بیر کارت دعوت دوت الیمدن یا حسین
 کربلانی حسرتی چو خدانندی قلبیلمده قالبوب
 لطف ایلله گیتسون او حسرت دوت الیمدن یا حسین
 رسمیدور شاهنشاه عالم گدایه بیر باخار
 گاه گاه ایلر کرامت دوت الیمدن یا حسین
 مشکلوام حدن آشوب ای مشکلاتی حل ایدن
 خاطری شاه ولایت دوت الیمدن یا حسین
 روزگاریم سختدور بیگانیه یالوار مارام
 ایلرم سندن اطاعت دوت الیمدن یا حسین
 سن اوزون یا خشی بولور سن مردمون احوالینی
 دو تمازالدن بو جماعت دوت الیمدن یا حسین

من سنی ویرم قسم او غلون علی اصغره
 قیل کرم روز قیامت دوت الیمدن یا حسین
 عشقویله یازدی بو خلیل نژاد اشعار وی
 سسلدی ساعت به ساعت دوت الیمدن یا حسین

توسل به حضرت امام حسین (ع)

ای شهریار دین سلطان عالمین
 جانها بتو فدا مولا حسین حسین
 جانم حسین حسین
 جانم حسین حسین
 ای شاه کربلا وی یار با وفا
 جان رقیه ات لطفی نما بما
 جانم حسین حسین
 جانم حسین حسین
 ای زاده بتول دُر دانه رسول
 جان برادرت کن خواهشم قبول

جانم حسین حسین

جانم حسین حسین

ای حجت خدا وی روحی با صفا

مارا دعا نما هستیم پی دعا

جانم حسین حسین

جانم حسین حسین

دلر دونوب قانا غم گلموری سانا

لطف ایله سیدی بو ملک ایرانا

جانم حسین حسین

جانم حسین حسین

ایش دوشدی مشکله سندن واریم گله

سن باری کوسمه گل رحم ایله بوائله

جانم حسین حسین

جانم حسین حسین

ای محرم حرم وی صاحب کرم

وار حسرتیم آقا بیر قبروی گورم

جانم حسین حسین

جانم حسین حسین

آغ توک آنوب قاشا عمروم یتوب باشا

آئینه دلیم ایستور دگه داشا

جانم حسین حسین

جانم حسین حسین

گلمور داخی نفس وار دور ولی هوس

گوگلم چوخ ایستوری بیر یول گله بو سس

جانم حسین حسین

جانم حسین حسین

سنسن شه جهان امیدی انس و جان

عشقونده دائماً گردش ایدور زمان

جانم حسین حسین

جانم حسین حسین

جنت صفا سیسان شیعه آقاسی سان

جدون پیمبر ون جلوه نماسیسان

جانم حسین حسین

جانم حسین حسین

رحمت هماسیسان زهرا بالاسیسان

هامی مریضلرون دارالشفا سیسان

جانم حسین حسین

جانم حسین حسین

قوخما خلیل نژاد اولما ملول زیاد

بیز ایلروخ سنی محشر گونونده یاد

جانم حسین حسین

جانم حسین حسین

آرزوی زیارت امام حسین (ع)

گئچدی عمروم بارالله کربلانی گورمدیم

گوزلریم نوری آزالدی نینوانی گورمدیم

قامتیم خم اولدی الله دیزلریم تترور داخی

حسرتیم قالدی اورکده گیلستانی گورمدیم

آغلادیم هیئتده دائم گوزیاشیم دوندی قانا
 حیف اولا رؤیاده من صاحب لوانی گورمدیم
 چوخ دیولر وار اونون عشقی حسین قارداشینه
 اولمادی منده لیاقت اول صفانی گورمدیم
 اولمادی قسمت اقلأ بیر اُوپم مرقدینی
 تربت پاکیزه اول مه لقانی گورمدیم
 آلتی گوشه قبرین امّا چوخ ایشدیم تعریفین
 مرقد پاک شه گلگون قبانی گورمدیم
 اکبرین پائین پاده وار دیولر مرقدی
 صد هزار افسوس اولا پائین پانی گورمدیم
 سینّه شهنده یاتوب اصغر ولی سود ایستور
 حیف اولا من مرقد غنچه دهانی گورمدیم

ایضاً آرزوی زیارت امام حسین (ع)

امیدوارم حسین فضلوه کرامتوه
 چوخ ایستوری اورگیم بیر گلم زیارتوه

آنان بتوله گوره قیل نظر ایله دعوت
که بلکه منده گلیم قبر با جلالته

دیویله تربت پاکون دوا دی هر درده
بله جلال و شرف یو خدی اوزگه بیر یرده
گورن او تربت پاکی دییور گئجه گوندوز
نصیب ایله گوروم الله دوباره من بیرده

او آلتی گوشه مزارین صفاسی چوخ چو خدی
اونون عیارینی بو دهریده بولن یو خدی
زیارت ایله سه کیم عالم حیاتینده
او مست جام الستی کانه تو خدی

سنون مزاروی گورسم سعاده چاتارام
باشیمدان اوزگه خیال و ملالیمی آتارام
بو خسته روحیم اولاراوندا چوخ منیم راحت
خیال خاطر یلن یا حسین دییوب یاتارام

آقالیق ایله حسین ایتگیلن منی دعوت
گلیم مزارون اوپوم قالماسین داخی حسرت

گئجه گونوز دیورم یا حسین آخور اشگیم
 منیده قوش آقا زواره قویگیلا منت
 من الی ایلدی قاپوندا سنون عزادارم
 همیشه عشقویلن هم نیشینی حضارم
 گئجه گونوز بودی فکریم که بیرگون عمر و مده
 گورم بقیه کیمین من حسینه زوارم
 بو آرزونی اور کده منیم خدا قویما
 حسینون عشقین آلوب دهریده منی یورما
 اقام حسینه گوره گیمشم مدام قاره
 محبت ایله بورخت قرانی هیچ سویمما
 بورخت قاره منیم دائماً مدالیمدی
 قراگیوب اقاما آغلاماق خیالیمدی
 عزالره گیدرم گوز یاشین یوزه آلم
 بو گوز یاشیکه آخور زینت جمالیمدی
 خلیل نژادم اوزوم گوهر ولا گزورم
 گئجه گونوز دولانوب مجلس عزا گزورم

بو قدر هیئته گیتماقدان عُمده منظوریم
 بوله قوی اهل صفا بزم بی ریاگزورم

نوحه سینه زنی آرزوی زیارت

گلمشم سنون درگهونده من دردیمه آلام بیر دواحسین
 سنده گل آقالق ایله بوگون دست خالی سالما یولاحسین

هرگئجه عزاخانه لرده من یاحسین دییوب ایتمشم نوا
 توکموشم یوزه اشگ چشممی ای شهشه دشت کربلا
 دوتموشام بو حضاريله سنه قلبیدن حسین مجلس عزا
 مزدومابوگون ایستورم اوزوم بیربراتی کربوبلا حسین

ای عزیز زهرا نظر ایله قلیمه منیم ویر صفا بوگون
 مدتی زماندور مریضووم ایستورم آلام من دوا بوگون
 گلمشم بیر عالی امیدیلن ایتمه ناامید سن آقابوگون
 سنسن ای کرم کانی سیدی دهریده ولی خدا حسین

عاشقم سنون آرمانوه ای گوزل آدی دردیمه دوا
 آغلارام گئجه گوندوز حالوه ایلرم بو حَضَّارِیله نوا
 وردو ذکریم هرگون منیم اولار جان سنه فدا شاه کربلا
 عالمین جانی جانوه فدا ای عزیز خیرالنساء حسین
 رسمیدور همیشه جهانیده پولی شخص دنیا سوور حسین
 عاشق اولساکیم آدوا ولی گُلِستان زیبا سوور حسین
 عشقوه خریدار اولان بشر عشقویله تقوا سوور حسین
 پرآچوب اوچارقوش کیمین مدام آختارار گزنده صفا حسین
 بلبلون اگر اولسا فرصتی گُلشن و چمن زاره چوخ گیدر
 آختارار گُلِستانی سربسر گُللر اوسته عالی صفا ایدر
 تاپسا گُلشن عشقیده گُلون اوندادور که سوز مقصده یتر
 فخر ایدر تاپوپ گُلِستانیده گُللرایچره بیر آشنا حسین
 عشقویله پرواز ایدن هما رسمیدور آقا کربلا سوور
 یاحسین دیوب چوللره دوشن دهریده یقین نینواسوور

هر ايلي محرمده آغلين بزم غمده دائم نوا سوور
 اگنه گيير دائماً قرا ساخليار ئولنجه عزا حسين
 سنده ايسته پروردگاريدن عشقوي اوركلردن آلماسين
 فاصله بو عشقين آراسينا حجت خدا بلکه سالماسين
 ايت دعا جهاندا بوشيعه لر غم گورنده آواره قالماسين
 مستأجريله قرضداره ايت بير صله عنایت عطا حسين
 عاجزم حسين وصفوي يازام دوت اليمدن ايله کمک منه
 بلکه ايليوم بوجهانیده خدمت برارنده من سنه
 عالی شعریله من ويروم نشان قلبیده اولان مهریمی گنه
 گورنجه سنون عشقویله بو عهدینه ایدوبدی وفاحسین
 عُمده واردی بیر آرزوم گلیم قبروه سنون میهمان آقا
 قبروون کنارینده من ایدم بیر دویونجاآه و فغان آقا
 یعنی آغلیام قتلگاهیده ذوقیدن سنه بیر زمان آقا
 تا اولاً منه افتخار اوگون موقع شفاعتده یا حسین

اول زمان که خالق صفائلن لطف ایدوب هامی چوللری بزر
 بلبل آختارار اوندا چوخ صفا سعی ایدوب گوزل باغیده گزر
 بولمورم اوچ آی فصل قیشدا بس ایلوب تحمل نجه دوزر
 حتماً ایلیر مخفیانه چوخ بلبل هر زمستان نوا حسین

کربلانی ایستور خلیل نژاد ای امام جن و بشر حسین
 سالما تأخیره لطف ایله آقا قوی گله بوگون یاسحر حسین
 بولموسن نجه کربلا دیوب برگ تک وجودی آسر حسین
 وردی ذکری دائم اولوب بونون ای شهید کربوبلا حسین

قدردانی از هیئت انصارالحسین (ع)

مردان خرد طالب اشعار حسین است
 عشاق جهان عاشق رفتار حسین است
 دنبال صفائید ای عزیزان بیائید
 درخانه ماهیئت انصار حسین است
 انصار حسین گریه کنان در صف عشاق
 هر صبح و مسا جمله عزادار حسین است

گفتند همیشه علما و شعراها
در کون و مکان عاقل و هوشیار حسین است
در عالم هستی همه مردان سلحشور
دنبال روی مکتب و ایثار حسین است
روزی برسد مهدی زهرا کند اعلان
امروز محبان همه زوآر حسین است

قدردانی از هیئت انصارالحسین (ع)

وار صلح و صفا هیئت انصارالحسینده
مقبولدی دعا هیئت انصارالحسینده
اعلان ایلون دردی اولانلار هامی گلسون
وار درده دوا هیئت انصارالحسینده
قوی گلسون علاجی قطع اولانلار هامی یردن
آلسونلا شفا هیئت انصارالحسینده
اولجه ولی قلبیلری پاک ایله سونلر
ایتسونله نوا هیئت انصارالحسینده

دعوت ایلون عشقی اولان مجلسه گلسون
 برپادی عزا هیئت انصارالحسینده
 کیم ایستوری معناده گوره کربوبلانی
 وار کربوبلا هیئت انصارالحسینده
 عشقیله هامی آغلوری بو پرچمین آتدا
 یوخ ذره ریا هیئت انصارالحسینده
 حرمت ایلیر بیر بیرینه هیئتین اهلی
 ازدم رفقا هیئت انصارالحسینده

قدردانی از هیئت حسینی (ع)

حسینی هیئتینون آیری بیر صفاسی اولور
 جمعه لر عصر زمانی حسین عزاسی اولور
 دیون گله اورگی دردیله دولان اشخاص
 بو هیئته گلنون دردینین دواسی اولور
 توکوله گوزیاشینی خالصاً لوجه الله
 حسینه اشک توکن گوزلرین ضیاسی اولور

حسینه عاشق اولانلار دییر گئجه گوندوز
 حسین کیمین بو جهاندا کیمون آقاسی اولور
 حسینه آغلاماقین لذتین بولور چوخلار
 او دور حسین آقیا دائماً وفاسی اولور
 نجه اولار که خدا لطف ایده بو حَضاره
 گورک بو جمعه نصیب دشت کربلاسی اولور
 بو جمعيله دایاناق قبرینین کنارینده
 او یرده آغلاماقین قلبه چوخ صفاسی اولور
 توکک عذاره سرشگ تری بو نیتیلن
 حسین یارالاینون گوزیاشی دواسی اولور

رباعی

بی ریا گلسه بیرى مجلسه لذت آپارار
 دوز یولی طی ایله سه عمریده رحمت آپارار
 ادب و معرفتيله بیرینی دیند یرسه
 قبره گئتمز الی بوش قبرینه عزّت آپارار

رباعی

درگهی احسانوه احسانه گل‌دیم یا علی
 دردمندم دردی‌مه درمانه گل‌دیم یا علی
 درد و محنت روحیمی خسته‌ایدوب‌ای شهریار
 غم‌لیم علت او دور افغانه گل‌دیم یا علی

رباعی

عشق عالمنده نور تجلّادی فاطمه
 محبوه خدای توانادی فاطمه
 وار دوقوز آدی بولمونه ایلون بیان
 مرضیه و محدثه زهرادی فاطمه

رباعی

مهدی زهرا اوزون گل مجلس عرفانیه
 راه عشقی ویر نشان بو دهریده پروانیه

حضرت زهرايه آغلا سنده بو حضّاريله
قوی هامی لعنت ایده بزم عزاده ثانیه

رباعی

محفل عرفانیمیزده چوخ صفا وار یا حسین
دوستان ایچره عجب مهر و وفا وار یا حسین
سنده گل بو مجلسه ای وارث خیرالبشر
سن اولان یرده هامی درده دوا وار یا حسین
سن کرم دریاسیسان ای سرور آزاده گان
ایتدوقون ایثاروه غبطه ایدور کون و مکان
لطف قیل دعوت ایله بو عاشقانی قبروه
بیزه ده اولسون سعادت ای امام انس و جان

رباعی

عشقون سالوبدی باشیمی غوغایه یا حسین
چوخ گیتشم محافل و مأوایه یا حسین

حیرتیم نیه منه بیر ایتمسن نظر
 بیر باخمسان بو عاشق شیدایه یاحسین
 عشق عالمنده روح و روانیم سنونکیدور
 زهرا عزیز ی جسمده جانیم سنونکیدور
 چوخلار ثولوب ولی گوزومون یاشی چیخمیوب
 روز ازلدن اشگ فشانیم سنونکیدور
 آقاما خاطر الهی بیزه بیر ایله نگاه
 ایتمشوخ عمریده بی حد بولوسن گونده گناه
 چوخ بوراخما باشینا شیعه لری یاالله
 بیر بیرینین باشینا قویمو یالار تاکه کلاه
 رحم ایله شیعه لره سن بو حسین خاطرینه
 لطف ایله ویر ایکی دنیاده بو حصاره پناه

رباعی

هر گئجه گوندوز قاپوندا اشکبارم یاحسین
 تحفه لایق یوخومدی شرمسارم یاحسین

لطف ایله سالما نظردن خاطر زهرا منی
لطفوه هر لحظه من امیدوارم یا حسین

برگشت زائر از کربلای معلّا

ای کربلادن تازه گلنلر
مظلوم حسینون قبرین گورنلر
شش گوشه قبرین گردین سیلنلر
گل تک اوقبری ایگلوب اوپنلر
گوزدن گلاب اشکی سپنلر

قدردانی از دوست عزیزم آقای سعادت

وار دور عجب ایونده سعادت صفابوگون
حتماً گلوبدی مجلسوه مرتضی بوگون
احسن سنون سعادتوه جشن دوتموسان
مسروریدور بو جشنیده خیرالنساء بوگون

با هم گلون شهامتیلن همّت ایللیک
 زهرای اطهری بو ایوه دعوت ایللیک
 دلده اولان ملال و غمی بیر قیلاخ بیان
 گوزیاشینی بو مجلسه بیز زینت ایللیک
 گورسونله بو حسینچیلرین اشک آلی وار
 زهرا گلن مجالسین عزّ و جلالی وار
 بو مجلس ایچره واردی یری افتخارایدک
 بو علته حسین آقامیز تک هلالی وار

رباعی

بیز نقدری شاه دینون قبرینه حسرت قالاخ
 درگهه باب الحوائجدن گلون مطلب آلاخ
 چوخ سوور زهرای اطهر بزم غمده گوزیاشین
 آغلیاق زهرا سوون بو مجلسه غوغا سالاخ
 ایللیک زهرانی دعوت مجلس عرفانیه
 قلبیدن بیزده یاناق اودا یانان پروانیه

دسته جمعی بیر ایدک لعنت او ملعون ثانیه
صونداباهم باشلیاق روضه توکک گوزیاشینی
فکر ایدک سالدی نجه غوغایه زهرا باشینی

اشعار نصیحت

بیزه حاکم غلت فرهنگ اولوبدی
اورکالر بارالها سنگ اولوبدی
امام عصریمیز ایتمور توجه
منیمده روزگاریم تنگ اولوبدی
اصل اشعاریمیز پنهان قالوبدی
ضعیف سوزلر بیزه آهنگ اولوبدی
یازور بیر عده لر عنوان ساده
بو یازماقلیق عزیزان دنگ اولوبدی
دیینده بوسوزی یازما عزیزیم
گوروبلر چوخلاری تئز جنگ اولوبدی

بیر عدّه چوخ غوروریلہ گزولر
 کانه هیئته سرهنگ اولوبدی
 بله فکر ایلوری زینندی دینه
 ولی بولموری حسینه ننگ اولوبدی

اشعار نصیحت

هرگئجه گوندوز حسینه آغلاماق یعنی ندی
 گوزیاشین رخساره دائم باغلاماق یعنی ندی
 عشق مولائیلہ یاران مجلس عرفانیده
 سینه مجروحی باهم داغلاماق یعنی ندی
 آغلاماقدان عُمده منظور حسینه عشقیدور
 ساخلاماقدان بزم ماتم شاه دینه عشقیدور
 بر بله مهر و ارادت اول امام لایقه
 یعنی سینه داغلاماق اول مه جبینه عشقیدور
 علتین گر ایسته سون یاخشی قولاق ویرمطلبه
 خوفیدن سعی ایله دوشسون پیکرون تاب وتبه

عالم امکانیده عشقین کتابین ویر ورق
 پی آپار اوندن صورا عشق حسین و زینبه
 زینب کبرادن عشقین طرزینی اورگشمشوخ
 عشقین عمقین هم عزیزان عرضینی اورگشمشوخ
 ایتمشوخ ازبسکه تحقیق بیزبو عشقین مکتبین
 راه رسمی هم حدود و مرزینی اورگشمشوخ

قدردانی از هیئت یا علی (ع)

یا علی هیئتون آتدی صفاسی بو گئجه
 عرش اعلایه یقین چاتدی صفاسی بو گئجه
 قلب پاکيله گلون عرض ایللیک دل سوزونی
 مجلسه دعوت ایدکی شیر خدانون اوزونی
 مجلسه گلمه سه ده عرض ارادت ایللیک
 پرچمین باهم ئوپک قصد زیارت ایللیک
 آغلیاق اوغلی ابا الفضله توکک گوزیاشینی
 اوخشویاق قولارینی همده حسین قارداشینی

قدردانی از هیئت حضرت زهرا(س)

هیئت زهراده وار دور ایتماقا سودا بوگون
 آغلاساق حتماً گلر بو مجلسه زهرا بوگون
 آذری اوخشاماسین زهرای اطهر چوخ سوور
 اوخشویون راضی اولا ذریئه طه بوگون
 حاجتوز وار دور اگر باهم گلون بیر آغلیاق
 گوزیاشین باران کیمین گوزدن عذاره باغلیاق
 دسته جمعی بیردیک ایوای حسینیم وای بوگون
 کربلا سلطانینون هجرینده سینه داغلیاق
 آغلاساق باهم یقین زهرانظر ایلر بیزه
 بی ریا اولسا عزامولا نظر ایلر بیزه
 قلب پاکيله دیسک یا کربلا یا کربلا
 مطمئناً خالق یکتا نظر ایلر بیزه
 انبیالردن بیری حتماً دعا ایلر بیزه
 بیر برات کربلا خالق اعطا ایلر بیزه

کاروان دو شسه یولا پرچم الینده شیعه لر
بدرقه بو هیئت خیرالنساء ایلر بیزه

قدردانی از هیئت منتظران مهدی (ع)

هیئت منتظران مکتب قرآنی آچوب
فاطمه خاطرینه سفره احسانی آچوب
متنعمدی هامی سفره کنارینده بوگون
دیه بولم که علی سرّ معمانی آچوب
فاطمه مجلسدی ایندی گلون داد ایللیک
قاپی دالیندا قالان ساعتینی یاد ایللیک
بالاسی مهدی کیمین بیزده توکک گوزیاشینی
آناسی خاطرینه ناله و فریاد ایللیک

احوالات در فوت پدر رباعی

رحم کن یارب زدستم گوهر تابان رفت
عاشق دیرینه و هم مظهر ایمان رفت

سایهٔ لطفش شده کوتاه زبالای سرم
گوئیا روح روان از پیکر این جان رفت

نوحه بعد از فوت پدر

روح روانم بابا آرام جانم بابا
جاری شده بعد تو اشک روانم بابا
جانم بابا جان بابا

ای مـه تابان بابا
تاریک شده خانه‌ام خانه و کاشانه‌ام
برای شمع عزا من بابا پروانه‌ام
جانم بابا جان بابا

ای مـه تابان بابا
ای گل زیبا بابا مونس دلها بابا
بود تو در باغ ما بلبل شیدا بابا
جانم بابا جان بابا
ای مـه تابان بابا

کان وفا بودی تو صدق و صفا بودی تو

خانه پر شور ما نور جلاء بودی تو

جانم بابا جان بابا

ای مه تابان بابا

رهبر ما بودی تو سرور ما بودی تو

موقع ایام سخت یاور ما بودی تو

جانم بابا جان بابا

ای مه تابان بابا

جای تو ماتم گرفت قلب مرا غم گرفت

نعمت حق بودی تو خالق عالم گرفت

جانم بابا جان بابا

ای مه تابان بابا

گوهر ای یم بابا مونس هر دم بابا

نعمت عظمای ما بودی در عالم بابا

جانم بابا جان بابا

ای مه تابان بابا

نوحه بعداز فوت پدر (ترکی)

تنگ اولدی عالم بیزه هر گوندی ماتم بیزه
غصّه لیدی قلبیمیز آرتوری هی غم بیزه
جانم بابا جان بابا

ای مه تابان بابا
ناله ایدور قیزلارون آغلور اوغولسوزلارون
حلقه ی ماتم قورور یکسره الدوزلارون
جانم بابا جان بابا

ای مه تابان بابا
گونلریمیز تار اولوب غصّه بیزه یار اولوب
چوخ گئجه لر وردیمیز نوحه و اشعار اولوب
جانم بابا جان بابا

ای مه تابان بابا
صبح و مسا آغلوروخ اشک یوزه باغلوروخ
ایوده یرون بوش قالبوب سینه میزی داغلوروخ

جانم بابا جان بابا
 ای مه تابان بابا
 سولدی گل گلستان دلریمیز اولدی قان
 رسمیدی گلر سولار ئولسه اگر باغبان
 جانم بابا جان بابا
 ای مه تابان بابا
 یاز غمی خلیل نژاد غمیدی دلر زیاد
 سنده بو حضاریلن ایله بیر آزآه و داد
 جانم بابا جان بابا
 ای مه تابان بابا

چهل روز بعد از فوت پدر

قرخ گوندی بابا تپراقین آلتندا یاتوبسان
 اوغلانلاروی قیزلاروی گوزدن آتوبسان
 هیچ بیر دیمین باشسیز عیالیم نجه اولدی
 بو باره ده گوزیاشیمیزی قانه قاتوبسان

گاه گاه گلوب گگلوب موزی آلمسان آخر
 یوخسا بیزی ترکی ایله موسن کامه چاتوبسان
 البته یرون راحت اولا بیزده خوش اولوخ
 با این همه که بیزلری سن گوزدن آتوبسان

زبانحال فرزند در فراق پدر

ای قویان صبرینده حیران کون و امکانی آقا
 محنتینده آغلادان یکسر بو دنیانی آقا
 گلمشوخ بیز قبرون اوسته دوریزه سس ویراوزون
 ای مجسم ایلین گوزلرده موسانی آقا
 موسی کاظم کیمی ای محنتی حدن آشان
 حالینه آغلار قویان ای دخت طاهانی آقا
 نچه ایل زندان بو جاقینده دوزن محنتلره
 ایلین راضی اوزوندن حی سبحانی آقا

معجر آوردن عزادار در وسط دسته

معجری گتدیله بو مجلسه سیز آغلیاسوز
 عشق مولائله بو سینه لری داغلیاسوز
 حاجت عنوانیله باهم قاپونی باغلیاسوز
 آغلیان شخصلری بوردا گورو ساخلیاسوز
 بلکه ارباب گلوب بیزلره احسان ایلله
 معجرین صاحبینون دردینه درمان ایلله
 ایندی آماده اولون مجلس عرفانی قوراخ
 آغلیاخ مظلوم حسینه ایاق اوستنده دوراخ

شام غریبان حسینچی

قبرونده حسین یارون اولی قوخما حسینچی
 مولا اوزی غمخوارون اولی قوخما حسینچی
 بیر عمر حسین عشقینه گوزیاشی توکوبسن
 مولادی مددکارون اولی قوخما حسینچی
 یات تپراقین آلتیندا ولی واهمه ایتمه
 زهرا بالاسی یارون اولی قوخما حسینچی

عرض ایله حسین قبروی من گورمدیم ئولدوم
 ارباب اوزی زوّارون اولی قوخما حسینچی
 یوسف کیمی محشرده سنی ساتسالا حتی
 آقادی خریدارون اولی قوخما حسینچی

احترام دسته عزادار به دسته دیگر

سیزبیزیم بو محفل عرفانیه خوش گلمسوز
 آرتروبسوزچوخ صفا بو خانیه خوش گلمسوز
 روشنی بخش اولموسوز بو مجلس شاهانیه
 ویرمسوز رسم وفا پروانیه خوش گلمسوز
 ای حسین نوکرلری بیزدن سلام اولسون سیزه
 خالق حقدن اوتور سیزده دعا ایلون بیزه
 دلروزده وار سیزون معلوم اولوربی حد صفا
 گورسنورروی جمالوزدن سیزون مهر و وفا
 سیز دعا ایتسوز یقین ایلر خدا درده دوا
 خالق عالم اوزی عاشقدی عالمده دوزه

گوزیاشوز یا خشی آخان وقته فرموش ایتیمون
 قلب پاکیه دعا ایلون کناره گیتیمون
 بو آخان گوزیاشیه اوزگه خیاله یتیمون
 ایلیر بی حد نظر آله بولون آغلار گوزه

قدردانی از هیئت دو طفلان مسلم ع

طفلان مسلم هیئتینون چوخ جلاسی وار
 معناده یا خشی باخسوز عزیزان صفاسی وار
 قربان اولوم قدملروزه غفلت ایتیمون
 سیزدن بیر عده نین بوگئجه التماسی وار

قدردانی از هیئت حضرت قاسم (ع)

هیئت قاسمه گلدوخ سیزیله آغلاماقا
 گوزیاشین عارضه باهم بوگئجه باغلاماقا
 چون ثولوب شامیده یامصریده زینب بی بی سی
 عمه سی زینبه خاطر سینه نی داغلاماقا

در دیمیز حدن آشوب یو خدی ایدن چاره بیزه
گاه گاهی ویروری دشمنی دون یاره بیزه
بیر نفر حامی اولان یوخ گله فریادیمیزه
قویمویا طعنه ویرا دشمنی صدباره بیزه

تولد حضرت معصومه (س) رباعی

حضرت معصومه قویدی دار دنیا یه قدم
بی نهایت اولدی شاد عالمده سلطان اُمم
فخر ایدور باب الحوائج بو گوزل گونده گلون
بیزده دامانین دوتاق مولا بیزه ایتسون کرم

زبانحال مؤلف

قرخ ایلدی بیر ایتم قاپوون پاسبانیم
حصّاریلن عزالروه منده بانیم
وار دور ایویمده بیر کنزون سکت ایلوب
بو سکت نون اقام جانی چوخ ناگرانیم

گل‌دیم بو‌گون ملالیمی اعلان ایدم آقا
 حضاریلن بیر آغلیوب افغان ایدم آقا
 سندن صورا کیمیم وار حسین دردی می دیم
 لطف ایتمه سون گرک غمی پنهان ایدم آقا
 قوش سن منی صفالی عزاداروه بو‌گون
 اوخشادگیلان حرمده کی زوآروه بو‌گون
 ال آچمشام بو درگهه والایه یا حسین
 ورم قسم او قولسوز علمداروه بو‌گون

حاجتمند درخانه رامیند بروی دستۀ عزادار

قاپونی باغلا دیلار دردی اولان واردی گنه
 ناله سی عرشه چیخوب آغلوری شاه زمنه
 هرکسین دردی اولا چاره سیزای حامی دین
 دردینی ماه محرمده دییر جمله سنه
 بودا بیر نیتیلن درگهوه اولدی دخیل
 ایسته درمانین اوزون تا ویره خلاق جلیل

چو خلاری گلدی قاپوندان آقا درمان آلدی
 گتدی هر بزمه دیوب مجلسه غوغا سالدی
 عالمه اعلان اولوب درگهه احسان سنسن
 تربتی خاک شفا دردینه درمان سنسن
 ای ایدن دردینه درمان هامی بیچاره لرین
 لطف ایله بیرده یتیش دادینه آواره لرین
 قاپوا گلمشوخ آخر الیمیز بوشدی آقا
 نظر مرحمت ایله بیزه چوخ خوشدی آقا
 دردیمیز چوخدی شهاطف ایله سن چاره لرین
 حیف اولاخسته سیسن دوت مین اولان یاره لین
 ویردی بی شرم جماعت سنه چوخ یاره حسین
 باخمادی سوگلو سن خالیق مختاره حسین

زبانحال خانم صفرا (س) درمدینه

علی قارداش گئدوسن قوی باشوا بیر دولانیم
 گل دوداقوندان اوپوم آتش هجرونده یانیم

دخت شاه زمـنم
 من غریب وطنم
 اولسا امکانون علی یثری ترک ایتمگیلن
 اوتی یثریده منیله عراقا گیتمگیلن
 آیر بیر فکر و خیاله گوزلیم یتمگیلن
 بوردا قال منله علی سایه وه من دالدا لانیم
 سن بولورسن که بو یثریده گونی تارم علی
 دردیمی دلدن آلان یوخدی گرفتارم علی
 کیمه من ایلیم اعلان بوله بیمارم علی
 نجه بو غصّه و غمده دوزوب آخر دایانیم
 نه عموم بوردا قالور گوگلو می آلسون علی جان
 غصّه لی وقته قولون بوینوما سالسون علی جان
 منیله بیر نولی آخر بیر قالسون علی جان
 منده عشقیله اونون سایه سینه دالدا لانیم
 من بو یثریده غریب لر کیمی تنها قالارام
 سن علی جان گیدوسن عطروی کیمدن آلارام

قالسان اما قولومی بوینوا گونده سالارام
 اوپریم گل یوزوی راحت اولار اوندا جانیم
 توکمه اشک تروی قربان آخان گوزیاشوا
 منده پروانه کیمین گونده دولانیم باشوا
 گل اوتور یثرب بطخاده باخوم گوزقاشوا
 شمع سوزان کیمی یاندوقجا علی منده یانیم
 کربلایه علی جان گیتمه بله سرعتیلن
 منی آغلار گوزولن قویماگیلان حسرتیلن
 راضی اولما قالوم آخر بو غم کثرتیلن
 رنگ محنت له بو یثربده عزیزیم بویانیم

دوبیت احوالات صغرا(س)

غم عیان اولدی خانم صغرایه عاشوراگونی
 آغلادی بو محنت عظمایه عاشوراگونی
 قلبینی غم چولقادی ظلمانی اولدی روزگار
 بیله بوّلّم آغلادی سقایه عاشوراگونی

ایله آخدی گوزیاشی بیر عده لر فکرایلدی
 متصلدی گوزیاشی دریایه عاشورا گونی
 گوردی بیرقانه باتان قوش اگلشوب دیواریده
 گوئیا باشی دوشوب غوغایه عاشورا گونی
 پرلریندن قان آخور دنیانی داغلور ظاهرأ
 غم اثر ایلور گل زهرايه عاشورا گونی
 گه باخور اکبر اطاقینه پریشان حالیه
 باخماقی تأثیر ایدور دنیایه عاشورا گونی
 عرض ایدوب گلمه بله افغانه ای قوش آغلاما
 واضح اولدی مسئله صغرایه عاشورا گونی
 قلبیمی یانديرما چوخ قارداشلاریم غربتده دی
 باشلاری یوخسا دوشوب غوغایه عاشورا گونی
 گلدی معناده او قوش گفتاره عرض ایتدی خانم
 قارداشون سرگرم دی دعوايه عاشورا گونی

کاروان امام حسین کوچ از مکه

مکّه دن کوچ ایلوری سلطان دین یا فاطمه
 حجینی ناقص قویوب اوغلون حسین یا فاطمه
 حفظ ایدوب پیمانینی

کسمه دی قربانینی

بولمورم آیا نندن اوغلون بله ایلور شتاب
 گوئیالوز جدّینی رؤیا ایدوب موقع خواب
 خواب رؤیاده ایدوب حتماً اونا جدّی خطاب
 ترک ایله الله ایوین ای نور عین یا فاطمه
 چیخدی اوغلون مکّه دن دنیانی حیران ایلدی
 مکّه دن چیخماقلیقین خلق ایچره پنهان ایلدی
 کسمدی قربانلارین اوز عشقین اعلان ایلدی
 مخفیانه کوچ ایدوب اول مه جبین یا فاطمه
 ایستیوب محفظ اول بیت خدانون حرمتی
 اولمویا بیته گلن حاجّین آخر وحشتی
 یتیمیه باده بیر عدّه مظلومون حیثیتی
 یتیمیه ظلم و ستم تا اهل کین یا فاطمه

لکه دار ایستور ایده دشمن بو دینون آدینی
 نطفه سی ناپاک اولان بولمز حقیقت دادینی
 کر اولار اصلاً ایشیدمز مظلومون فریادینی
 بولمز عالمده نه ایستور دل غمین یافاطمه
 گوردی اوغلون بو یزیدی بی حیا طغیان ایدور
 ظلمیله حاکم اولوب اسلام ایوین ویران ایدور
 پاکی ناپاکه قاتور چوخ دللری آلقان ایدور
 ناگرانندی بو ایشه اهل یقین یافاطمه
 ایتدی فرمایش یزیدی قویمارام کامه یته
 هر نه وار دور اول غلط فکرینده اسلامه ایده
 آلیان انسانلاری قویمام اونون راهین گیده
 عُمده منظوریم منیم بو دور همین یافاطمه
 اهل عیالین باشینه یغدی حسین ابن علی
 گلدی گفتاره و بیانه قیلدی باصوت جلی
 بیز گرک بو کعبه نی ترک ایلک فوراً ولی
 اولمیا قانیله الوان بو زمین یافاطمه

سگیز ذیحجه ده کوچ ایلدی اول شهریار
 دوتدی اولادین الیندن چیخدی با عزّ و وقار
 اولدولار باهم او ملک کربلایه رهسپار
 آغلاشوردی لیک اطفال حسین یا فاطمه
 گلدی سلطان شهیدان کربلا صحراسینه
 ویردی ارزش شاه دین پیمانیله امضاسینه
 ایلدی بی حد اطاعت خالق یکتاسینه
 راضی اولدی اوندا ربّ العالمین یا فاطمه
 غرق اولوب کربوبلاده گرچه قان دریاسینه
 عزّت آرتوردی همیشه شیعه نون دنیاسینه
 بو دور علت فخر ایدور شیعه مدام مولاسینه
 روز و شب سسلوله باهم یا حسین یا فاطمه
 ایستوری دائم خلیل نژاد یاذا اشعارینی
 گوزیاشی گوزدن آخور تئز ایسلادور رخسارینی
 دائماً ایلور دعا مولاسینون زوارینی
 بو دعا مقبول اولار چون مطمئن یا فاطمه

زبانحال مسلم ع نوحه آهنگ جدید

ای اولان وارث شاه مردان
 کوفه اولدی منه گلمه زندان
 ورد و ذکریم منیم اولدی مولا
 یا حسین یا حسین یا حسین جان
 یالقوزام یالقوزام من عم اوغلی
 گلمه بو کوفیه سن عم اوغلی
 کوفه نین یوخدی ذره صفاسی
 مسلمه اولدی بی حد جفاسی
 تئز قید یثره سن عم اوغلی
 اولماسین باشوون ماجراسی
 یالقوزام یالقوزام من عم اوغلی
 گلمه بو کوفیه سن عم اوغلی
 کوفه اهلینده یوخدور لیاقت
 مهیمانه ایده مهر و رعفت

بیر ایله نامیه باخما مولا
 داندیلار سوزلرین بو جماعت
 یالقوزام یالقوزام من عم اوغلی
 گلمه بو کوفیه سن عم اوغلی
 ای امام زمان حجت الله
 دائماً حافظون اولسون الله
 کوفه نین فکرینی آت باشوندان
 ازدم اولدی بولار گلمه گمراه
 یالقوزام یالقوزام من عم اوغلی
 گلمه بو کوفیه سن عم اوغلی
 ذره جه عشقوی آتمارام من
 مهروی عالمه ساتمارام من
 پارچه پارچه منی ایتسه دشمن
 پاکیله مرداری قاتمارام من
 یالقوزام یالقوزام من عم اوغلی
 گلمه بو کوفیه سن عم اوغلی

دین حق دن دونوبدور جماعت
 باشلیوبلار منیله عداوت
 یوخ منه بی نفر یار و غمخوار
 من غریبه ایده تا حمایت
 یالقوزام یالقوزام من عم اوغلی
 گلمه بو کوفیه سن عم اوغلی
 گلشن با صفا سولدی مولا
 قانیله گوزلریم دولدی مولا
 اصل مطلب بودور دینه قربان
 نایبون کوفه ده اولدی مولا
 یالقوزام یالقوزام من عم اوغلی
 گلمه بو کوفیه سن عم اوغلی
 مسلمی سالدی دشمن کمنده
 اولمادی عاطفه اهریمنده
 یوخ بولاردا حسین جان شرافت
 گیت حجازه بورا گلمه سنده

یالقوزام یالقوزام من عم اوغلی
 گلمه بو کوفیه سن عم اوغلی
 آتش عشقه یاندیم اماندی
 کاسه صبر و عشقیم جالاندی
 سندیروب بیعتی اهل کوفه
 وعده لر که ویروبلر یالاندی

یالقوزام یالقوزام من عم اوغلی
 گلمه کوفیه سن عم اوغلی
 اود دوشوبدی حسین جانہ یاندی
 آتش شمعہ پروانہ یاندی
 هارداسان سن ایشید بو پیامی
 حالیمہ حال بیگانه یاندی

یالقوزام یالقوزام من عم اوغلی
 گلمه بو کوفیه سن عم اوغلی
 ایلورم من اوزاقدان وصیت
 سنده ایله آقا بیر عنایت

آل خدیجه بالامی دیز اوسته
 باشینه چک الون ایله رعت
 یالقوزام یالقوزام من عم اوغلی
 گلمه بو کوفیه سن عم اوغلی
 امروه ایلدیم من اطاعت
 وار یری سنده ایتسون کرامت
 آخرین لحظه ده بیر ایدیم
 گل جمالون حسین جان زیارت
 یالقوزام یالقوزام من عم اوغلی
 گلمه بو کوفیه سن عم اوغلی
 سنده دل آچ خلیلا دعایه
 بلکه باهم گیدی کربلایه
 آغلیاق بیر دویونجا حسینه
 تسلّیت عرض ایدک مرتضایه
 یالقوزام یالقوزام من عم اوغلی
 گلمه بو کوفیه سن عم اوغلی

احوالات جناب مسلم نوحه

بو شهره گلمه زهرا بالاسی
 یوخدور بو شهرین اصلا وفاسی
 آرتور دمام خلقین جفاسی
 خلف اولدی وعده کذب ادعاسی
 جانم حسین جان

جانم حسین جان
 ای افتخار آل رسالت
 کوفه بلادی اولدی قیامت
 گلمه اماندی ای ماه طلعت
 گلسون اولار چوخ باشون بلاسی
 جانم حسین جان

جانم حسین جان
 ای یادگار شاه ولایت
 ای باغبان باغ رسالت

چیخدی سوزوندن مولا جماعت
 دوندی بو شهرین آب و هواسی
 جانم حسین جان

جانم حسین جان
 زهرا عزیزى باشلاندی ظلمت
 چیخدی یولوندان قوم ضلالت
 یوخدور بولاردا مهر و دیانت
 قالمور بو قومین شرم و حیاسی
 جانم حسین جان

جانم حسین جان
 ازدم یزیده بیعت ایدوبلر
 قبولی چوخ ذلت ایدوبلر
 بولمولر امّا غفلت ایدوبلر
 قرآن و دینون یوخ آشناسی
 جانم حسین جان

جانم حسین جان

پیغبرین ای جلوہ نماسی
 آل رسولین ای مه لقاسی
 قربانون اولام زهرا بالاسی
 گلمه قید گیت الله رضاسی
 جانم حسین جان

جانم حسین جان
 بو دین فروشلار ایمانی نیلور
 روباه صفتلر تقوانی نیلور
 مزدور اولانلار قرآنی نیلور
 بیر بيله خلقین اولسون عزاسی
 جانم حسین جان

جانم حسین جان
 بو شهر کوفه زنداندی گلمه
 اوضاع سی فعلاً بحراندی گلمه
 قائم مقامون گریانندی گلمه
 قالمور داخی بول هیچ آشناسی

جانم حسین جان

جانم حسین جان

خیر ایشده مولا همّت ایدن یوخ

راه و رویشده دقت ایدن یوخ

اسلام و دینه خدمت ایدن یوخ

یوخدور بو یرده آلله رضاسی

جانم حسین جان

جانم حسین جان

ای شهریار ملک مدینه

باشلاندى ظلم چون اهل کینه

گلسون بو شهره آغلار سکینه

اوج ایلر عرشه داد و نواسی

جانم حسین جان

جانم حسین جان

هر کسده دین یوخ ایمانی بولمز

دینسیز جماعت وجدانی بولمز

انسان نادان قرآنی بولمز
 قلبینده اولماز نور جلاسی
 جانم حسین جان
 جانم حسین جان
 مسلم بویاندی آلقانه مولا
 یتدی بهاری خزانه مولا
 دوشدی بو یرده زندانه مولا
 وار دور باشیندا اوزگه بلاسی
 جانم حسین جان
 جانم حسین جان
 عشقونده مولا آواریم من
 چارم کسildی بیچاریم من
 جسمیم داغلدی صد پاریم من
 اولماز بو دردین اصلا دواسی
 جانم حسین جان
 جانم حسین جان

سنده خلیلا گل دادہ آغلا
 گوزیاشینی توک رخسارہ باغلا
 مسلم غریب دی سن سینه داغلا
 غریب آقانون یوخ آشناسی
 جانم حسین جان
 جانم حسین جان

رباعی

آقا بجان زہرای اطہر
 برگرد بہ یثرب جان پیمبر
 میا بہ کوفہ ای ماہ انور
 اوضاع وخیم است ای شاہ محشر
 جانم حسین جان
 جانم حسین جان

اشعار روز عید قربان

گل عزیزیم مجلس عرفانه قربان بایرامی
عرض تبریک قیل بیان جانانه قربان بایرامی
گل اوتور مجلسده توک گوزیاشوی رخساروه
غصّه و غم قوی یتّه پایانه قربان بایرامی
دوت الیندن دردمندین ال دوتان حاجی کیمین
آرتا قوی عزّ و شرف انسانه قربان بایرامی
ایسته سون راه نجات دنیاده ای مرد شریف
اول دخیل یتمش ایکی قربانه قربان بایرامی
قلبوون گزلین سوزون عرض ایله ایتمه واهمه
سن اوزون شاهنشّه خوبانه قربان بایرامی
گر واروندی وسعتون کس سنده بیر قربان عشق
دعوت ایت بیر عده نی احسانه قربان بایرامی
بیله مرسومدی ازل گوندن بو اوصاف جمیل
خدمت ایلر شیعه لر مهمانه قربان بایرامی
گر قویون کسون یادوندان چیخماسون مستضعفان
باخماچوخ یوخسولارا خصمانه قربان بایرامی

اخلاقون یا خشی ایله قوی سندن اورگشسون هامی
 اولماقا مهمانلارا پروانه قربان بایرامی
 دوتماسین گوزله سنی غفلت عزیز گوندور بوگون
 سنده آج بیر مجلس شاهانه قربان بایرامی
 وار صله ارحامده آجر عظیم گل سنده گیت
 ویر صفا اول سینئه سوزانه قربان بایرامی
 خالق اکبر بونا خاطر ایدوبدی انتخاب
 بوگونی منت قویوب انسانه قربان بایرامی
 رسم قربانلق قالب آخِر خلیل اللهدن
 بولمسون ایله مرور قرآنه قربان بایرامی
 حضرت ابراهیم ایستوردی اوزاوغلون ذبح ایده
 امتحانون تئز ویره پایانه قربان بایرامی
 اولمادی راضی ولیکن خالق جنّ و بشر
 باخدی بیر ابراهیمه رحمانه قربان بایرامی
 کارد برّانی قویوب گل حلقینه اسماعیلین
 گوردی کسمور باخدی بیر خصمانه قربان بایرامی

تئز دونوب وردی داشالده اولان چاقوسینی
 داش بولوندی کاردباتموب قانه قربان بایرامی
 ایتدی فرمایش نیه بس کسموسن امر ایلورم
 گوردی بیله سس گلور سلطانه قربان بایرامی
 سن دییورسن کس ولی خالق اجازه ویرموری
 تابعم امر حق سبحانه قربان بایرامی
 بی نماز تک ایستوسن من خالق ترک ایلورم
 اگمیم تا باشیمی یزدانه قربان بایرامی
 گندروب باغ جناندان عالی بیر قوچ ذوالجلال
 گتدی جبریل امین میدانہ قربان بایرامی
 الغرض گوردی گلور بیر عالی قوچ قربان گه
 بنزیوراول قوچ قوچی رضوانہ قربان بایرامی
 محضر پیغمبره اول بله وردی سلام
 آل بوقربانی یتور قربانه قربان بایرامی
 اولمادی راضی خداوند کریم ذوالجلال
 بندہ پاکی باتا آلقانه قربان بایرامی

دوشدی بیر سوز یادیمه یاللعجب ایله نظر
 کربلایه ایستوری خامه اوزی ایتسون گذر
 عصر تاسوعاده گورسون اکبر شهزاده نی
 صبحه تک لیلا نجه اول عالی قربانی بزر
 بس ایله اشعاروی سنده خلیلا عیدی دور
 قویما جوش ایتسون داخی بو غمده دریای خزر

نوحه اول محرم آهنگ جدید

گلدی محرم ای اهل عالم
 عرشه ویریلدی بیر قاره پرچم
 قاره چکیلدی عرشه سراسر
 سسلور ملکلر گوگده دمام
 مظلوم حسین وای
 مظلوم حسین وای
 سلطان دینون باشلانندی یاسی
 هر یرده وار دور حسین عزاسی

شيعه گيیوبدی قاره لباسی
 توکور عذاره گوزیاشی کم کم
 مظلوم حسین وای
 مظلوم حسین وای
 گلون عزایه ای اهل عالم
 حسینه ماتم دوتون دمام
 دییون حسین وای بو آیدا باهم
 اولوب حسینون جلالی برهم
 مظلوم حسین وای
 مظلوم حسین وای
 مجلس قورانلار افغانه گلسون
 قات سون سرشکین آلقانه گلسون
 پروانه اولسون سلطانه گلسون
 گوزیاشی توکسون مولایه باهم
 مظلوم حسین وای
 مظلوم حسین وای

بو آی حسین وای دینلر آغلار
 اگینه قاره گینلر آغلار
 حسینه احسان ویرنلر آغلار
 نصب ایلیر هر یرده پرچم
 مظلوم حسین وای
 مظلوم حسین وای
 باجادی شیعه گلسون عزایه
 یانسون اورکدن آل عبایه
 ویرسون تسلی خیرالنسایه
 دوتسون همیشه حسینه ماتم
 مظلوم حسین وای
 مظلوم حسین وای
 بو آی او آیدی آغلار پیمبر
 اشگین عذاره باغلار پیمبر
 سینه یقیناً داغلار پیمبر
 گوزیاشلی سسلر رسول اکرم

مظلوم حسین وای

مظلوم حسین وای

صاحب عزادور معناده حیدر

آغلار حسینه دنیاده حیدر

اوخشار حسینی صحراده حیدر

بو دلریله اول شاه عالم

مظلوم حسین وای

مظلوم حسین وای

یاران همیشه خاتون محشر

واضح دیوم قوی دخت پیمبر

اوغلی حسینه زهرای اطهر

معناده ساخلار هر یرده ماتم

مظلوم حسین وای

مظلوم حسین وای

تپراقلار آتدا شاه مدینه

اوخشار اورکدن سلطان دینه

خای بقیعه آغلار حسینه
 سسلر او مولا ماه محرم
 مظلوم حسین وای
 مظلوم حسین وای
 ذین العبادین آرتار ملالی
 افزون اولار چوخ فکر و خیالی
 معناده آغلار هر ماه و سالی
 غملر اولاندا گوزده مجسم
 مظلوم حسین وای
 مظلوم حسین وای
 زینب ده هر گون آغلار حسینه
 رخساره اشگین باغلار حسینه
 سینه دمادم داغلار حسینه
 مجروح قلبین دائم دوتار غم
 مظلوم حسین وای
 مظلوم حسین وای

سلطان خوبان کربو بلاده
 تشنه ویرر جان ایسی هواده
 ایتمز ترحم قوم دغاده
 آسر قرا یل او گون مسلم
 مظلوم حسین وای
 مظلوم حسین وای
 حسینه دائم ملکلر آغلار
 عزا دو تاندا پیمبر آغلار
 گورنده قاره اورکلر آغلار
 جوشار بو غمده او آب زمزم
 مظلوم حسین وای
 مظلوم حسین وای
 آغلور مسلم زهرا آناسی
 اگننده وار دور قاره لباسی
 اوج ایدور عرشه داد و نواسی
 قدین اگوبدی چون بار الم

مظلوم حسین وای

مظلوم حسین وای

وار دور حسینون کربوبلاسی

گلزار دینون چوخ دور صفاسی

سیزده دوتون یاس الله رضاسی

اولسون الوزده بیر قاره علم

مظلوم حسین وای

مظلوم حسین وای

لطف ایله مولا خلیل نژاده

تاپسون سعادت بیر فوق العاده

بو شعر اوخوسون کربوبلاده

یانسون اورکالر اوردا دمام

مظلوم حسین وای

مظلوم حسین وای

زبانحال سکینه در وداع علی اکبر(ع)

ایاق ساخلا علی قارداش
 باشوا بیر دولانیم گیت
 اوپوم شهلا گوزوندن من
 یولون اوسته دایانیم گیت
 علی اکبر علی گل احمر علی
 باجون دائم سنی دعا ایلر علی
 دییولر باشه دولانماق
 بلانی رفع ایدر قارداش
 وان یکاد اوخونسا تا
 یقین اولماز خطر قارداش
 مسافر مقصده آخر
 گیدوب سالم یتر قارداش
 اجازه ویر گلوم بیرده
 باشوا من دولانیم گیت
 علی اکبر علی گل احمر علی
 باجون دائم سنی دعا ایلر علی

یولون گوزلور سنون اعدا
 علی اللهه تاپشوردوم
 دعا ایلور آنام لیلا
 علی اللهه تاپشوردوم
 دونوب آردونجا چوخ باخما
 علی اللهه تاپشوردوم
 یری من رنگ محنتده
 علی قارداش بویانیم گیت
 علی اکبر علی گل احمر علی
 باجون دائم سنی دعا ایلر علی
 علی بو آیرلق گرچه
 منه چوخ سختدور قارداش
 باجون معلوم اولور دائم
 قرا گون سختدور قارداش
 دولوب قلبی ملالیه
 همیشه سختدور قارداش

یـری وار مـثل پـروانـه
 او دوندـا مـندـه یـانـیم گـیت
 علی اکبر علی گُل احمر علی
 باجون دائم سنی دعا ایلر علی
 علی سندن صورا باجون
 توکر گـوزیاشـی رخساره
 گلنجه سن سـنه قربان
 باخار گـوزیاشـلی یـولـاره
 ایدر لعنت آنـام اوغـلی
 بو چـولـده قـوم کـفـاره
 اجـازـه ویر یولون اوسته
 گلنجه سن دایانیم گیت
 علی اکبر علی گُل احمر علی
 باجون دائم سنی دعا ایلر علی

نوحه علی اکبر (ع)

علی اکبر اوغول ای ملک منظر اوغول

یواش یواش گیت بالا

آناوی ترک ایت بالا

یری باخوم بویوا منتظرم طویوا

سن گلنجه من علی گوز تیکرم یولوا

گه آغلیوب گولرم

گوز یاشیمی سلم

علی علی جان بالا جان سنه قربان بالا

گوزل اولار بیرده سن اوخوسان قرآن بالا

گل دله دیندیر منی

بیرده سووندیر منی

ورد زبانیم علی روح و روانیم علی

باغ دلیمده صفا جسمده جانیم علی

امید گاهیم علی

پشت پناهیم علی

یوسف کنعان اوغول عشقوه قربان اوغول
 گوزلوری ایندی یولون فرقه عدوان اوغول
 قربان او گوزیاشوا
 کمان کیمین قاشوا
 گوزلریمین نورسن قلیمدکی شورسن
 هر سوز باشی لیلیه سن علی منظورسن
 فخر جهانیم علی
 ماه زمانیم علی
 ماه درخشان علی گوهر تابان علی
 سنسن اوغول لیلیه دهریده سامان علی
 مرشد پیریم اوغول
 رزمده شیریم اوغول
 شهبیه پیغمبریم شجاعتده حیدریم
 دینوه خدمت ایله ئولنجه سن اکبریم
 ایتمه اوغول واهمه
 قوی فخر ایده فاطمه

یوسف زهرا علی نوگل طه علی
 گورسه سنی بوشلاماز ایندی زلیخا علی
 ای گُل زیبا اوغول
 میوه لایلا اوغول
 خلیل نژاد آغلوری اشگین یوزه باغلوری
 علی علی هی دییور سینه سینی داغلوری
 وار دور غمی بر ملا
 ایستور آقا کربلا

احوالات حضرت علی اکبر (ع)

بیر قدم ساخلا نظر قیل چشم خونباره اوغول
 گوزیاشیم جاری اولور هر لحظه رخساره اوغول
 سن گتوردوقجا قدم روحیم بدندن آیرلور
 دائم حسرت قالماقیم حتمیدی دیداره اوغول
 یوسف مصری کیمین مشتری چوخدور سن ئو چون
 گلمشم مشتری تک منده بو بازاره اوغول

منیده مشتری ایله بوبیاباندا حساب
 قویما گوزیاشیم آخا دائمی رخساره اوغول
 چاره یوخدور دوزرم آیرلقای گوزلیم
 حسرتیله باخارام دائمی یولاره اوغول
 گیت سنی خالقه تاپشوردوم علی آغلاماچوخ
 توکمه گوزیاشوی دائم رخ گلناره اوغول
 من زبانا دییورم گیت ولی قلبیم دیموری
 ایت تصور سن اوزون منده کی افکاره اوغول
 بولورم سنسیز علی درد و ملالیم چوخالار
 سالارام غمزده لر تک باشیما قاره اوغول
 آنالار یاخشی بولر من که نه نوعی دییورم
 بو چتین مرحله مشکلدی من زاره اوغول
 سن شهید اولسون اگر ای گوزمون نوری بالا
 باخمارام حسرتیله بیرده چمن زاره اوغول
 قلبیمی چولقاسا محنت دوزرم صبح و مسا
 ایلرم دردیمی اظهار حق داداره اوغول

گیت بویان قانه علی عشقوی پایانه يتور
 باشوی اگمه گیلن فرقه کفاره اوغول
 استقامت ايله پیغمبرین ای آئینه سی
 عیبی یوخ دگسه سنه حقدن اوتور یاره اوغول
 عازم اول جنگه علی حیدر کرار کیمین
 باخمالیلایه قالار دهریده آواره اوغول
 جنگ ايله قوم تبهکاريله الله گوره
 شیر تک حمله ور اول رزمیده اغیاره اوغول
 امتحان ویرمگه آماده اولوبسان گوزلیم
 امتحان سخت دگل سن کیمی دینداره اوغول
 اوزوی ساتمامسان پول و طلا و درمه
 اعتنا ایتممن درهم و دیناره اوغول
 ایستورم بیر نچه وصیت ایدم ایندی سنه
 حدالامکان قیل عمل سنده بو گفتاره اوغول
 هر زمان گلسه سنون درگهوه دردی اولان
 نأمید قویما اولا دردینه قیل چاره اوغول

هر مريضون قطع اولاً چاره سی ای نور دوعین
 سن طبابت ایله مجّانی او بیمارہ اوغول
 ایسته آل خالق داوردن اونون چاره سینی
 قالماسین عالم امکائیده آواره اوغول
 مستأجر گلسه سنون درگهوه اولسا دخیل
 یتور عرضین سن اونون خالق ستاره اوغول
 گلسه اطفال فلج دردینی اظهار ایلسه
 معروفی ایله اونی قولسوز علمداره اوغول
 عالی منصب ویروب الله سنون عباس عمووا
 عظمت قائل اولوب بی حد او سرداره اوغول
 دین و اسلامه پناهنده اگر اولسا بیری
 تبعیت ایله اوندا شه ابراره اوغول
 او قدر وارد سنون دهریده مهر و ادبون
 الگو سان من بولورم مردم هوشیاره اوغول
 ایت فعالیت بی حد هامی قوی فخرایله سون
 سالها سالیده بو عترت اطهاره اوغول

ذوالفقاری الوه آل اسداله کیمین
 جنگیده اوخشاد اوزون حیدر کرّاره اوغول
 کیم گوره قّد رساوی دییر احمد گلوری
 هر ایشون بنزوری چون احمد مختاره اوغول
 دوت الیندن بو خلیلین ایشی گردابیده دی
 نظر ایت صبح و مسا یازدوقی اشعاره اوغول

زبانحال خانم لیلا نوحه آهنگ جدید

ای منیم یوسفه بنزر اوغلوم
 گُلر ایچره گُل بهتر اوغلوم
 جان زهرا منی ایتمه مایوس
 بیرده سس ویر منه اکبر اوغلوم
 بو جهاندا منه روح جانسان
 با ادب سن گوزل بیر جوانسان
 دویمادیم من علی جان سوزوندن
 ویر اجازه ئوپوم بیر یوزوندن

آرزوم قالدی قلییمده نیلوم
 ایلورم من سئوالین اوزوندن
 بو جهاندا منه روح جانسان
 با ادب سن گوزل بیر جوانسان
 چکدیم اون سگیز ایل زحمتون من
 گورمدیم حیف اولا لذتون من
 کاش اولیدی خراب بو جهانی
 گورمییدیم بله حالتون من
 بو جهاندا منه روح جانسان
 با ادب سن گوزل بیر جوانسان
 آزرو ایتمرم باغی اکبر
 چوخ چتیندی جوان داغی اکبر
 گیمرم اگنیمه من عزیزیم
 رخت الوانیله آغی اکبر
 بو جهاندا منه روح جانسان
 با ادب سن گوزل بیر جوانسان

ای ادبلی وفالی جوانیم
 سولدی افسوس اولاً گُلتانیم
 بو جهاندا گلوردی سنه چوخ
 قلبیمین پاره سی بیر گمانیم
 بو جهاندا منه روح جانسان
 با ادب سن گوزل بیر جوانسان
 آچ او قانلی گوزون بیرده اکبر
 گلدی قلبیم منیم درده اکبر
 چوخ چتیتدی منه قوی دیوم بول
 گل جنازون قالا یرده اکبر
 بو جهاندا منه روح جانسان
 با ادب سن گوزل بیر جوانسان
 اکبریم گوزلرون من فداسی
 جسموون واردی بی حد یاراسی
 بو یارالار داخی یاخشی اولماز
 ای منیم قلبیمین آی پاراسی

بو جهاندا منه روح جانسان
 با ادب سن گوزل بیر جوانسان
 بو خلیل نژادین چوخدی دردی
 یاندرور عالمی آه سردی
 سالما گوزدن آقا قیل کرامت
 قوی گله باری بو روی زردی
 بو جهاندا منه روح جانسان
 با ادب سن گوزل بیر جوانسان

رباعی

خیمه گاهه دورگیدک یول گوزلوری لیلا اوغول
 گوزلرین بوندان علاوه یولداچوخ قویما اوغول
 بیله بولم آغلوری خیمه سراده دم به دم
 ایلوری بو علتہ بزم عزابر پا اوغول

نوحه علی اکبر آهنگ جدید

ای شبه طه شهزاده اکبر
 دلبند زهرا شهزاده اکبر
 یواش یواش گیت باخسون دویونجا
 آردونجا لیلا شهزاده اکبر

علی علی جان

علی علی جان

جنتده شاد ایت زهرانی اکبر
 گل ئوپ الیمده قرآنی اکبر
 یادان چیخاتما لیلانی اکبر
 سن جانی مولا شهزاده اکبر

علی علی جان

علی علی جان

گیت دین یولوندا ایت استقامت
 احکام و دیندن ایله حمایت
 تاپسون سعادت بلکه جماعت
 ایت دینی احیا شهزاده اکبر

علی علی جان

علی علی جان

ای افتخار آل رسالت

سن تک بیرینده اولماز دیانت

گل ایله بیرده قرآن تلاوت

باصوت زیبا شهزاده اکبر

علی علی جان

علی علی جان

یوسف کیمین سن زیباسن اوغلوم

خلقاً و خلقاً طاهاسن اوغلوم

نور دو چشم زهراسن اوغلوم

ماه دل آرا شهزاده اکبر

علی علی جان

علی علی جان

لیلا گوزونده سن مه لقاسن

باشدان ایاقه اکبر صفاسن

واضحدی اوغلوم کان وفاسن
ای حُسنی زیبا شهزاده اکبر
علی علی جان
علی علی جان

نورانی ایلوب رزمی جمالون
حیرتده قویموش خلقی کمالون
جلوه گر اولموش اول خط خالون
ای خُلقى والا شهزاده اکبر
علی علی جان
علی علی جان

ای گوزلریمین نور ضیاسی
صبر ایت دایان بیر الله رضاسی
آغلور دالونجا زهرا بالاسی
زینب کبری شهزاده اکبر
علی علی جان
علی علی جان

سال یاده شاه مردانی اوغلوم
 ایله دگر کون اعدانی اوغلوم
 اعدایه تنگ ایت دنیانی اوغلوم
 جنگ ایله قوخما شهزاده اکبر
 علی علی جان
 علی علی جان

گوزیاشی توکمه رخساره اکبر
 آغلاتما کونی ای ماه انور
 گیت وردون اولسون الله اکبر
 خوف ایتمه اصلا شهزاده اکبر
 علی علی جان
 علی علی جان

خلیل نژاده عنایت ایله
 حالین همیشه رعایت ایله
 روز جزاده شفاعت ایله
 خاطر زهرا شهزاده اکبر

علی علی جان
علی علی جان

رباعی

عشقونده سنون لیلی دوشر چوللره اوغلوم
سندن صوراکیم ناز ایدجک مادره اوغلوم
امیدیمدون سن منیم عالمده عزیزیم
تبدیل ایلدون عزتیمی غملره اوغلوم

رباعی

ای گُلستان امامتده گُل زیبا علی
قامت شمشادوه قربان اولا لایلا علی
گیت سنی دعوت ایدوبلر محضر پیغمبره
گوزلوری ایندی یولون حتماً آنان زهرا علی

رباعی

ای منیم یوسفه بنزر اوغلوم
 آی مثالی مه انور اوغلوم
 خاطر فاطمه ایله احسان
 بیرده سس ویر منه اکبر اوغلوم
 گل کیمین اولموسان پرپر اوغلوم
 آغلارام دائماً اکبر اوغلوم
 آدوی ایلم ازبر اوغلوم
 آغلار احوالیمه ائللر اوغلوم

نوحه حضرت قاسم آهنگ جدید

دین یولوندا عمو قانه باتدیم
 حق دیوب عالمی گوزدن آتدیم
 ظالمه باشیمی اگمدیم من
 حامی حق اولوب حقّه چاتدیم
 گل عمو گل عمو گل عمو جان
 گل کیمین اولموشام منده خندان

جنگیدن اولمادی هیچ هراسیم
 قانیلن اولدی الوان لباسیم
 امتحان ویردیم عالی بو چولده
 قوی دیدیم فخر ایده هم کلاسیم
 گل عمو گل عمو گل عمو جان
 گل کیمین اولموشام منده خندان
 جنگ مردانه ایتدیم بو چولده
 سن سوون راهی گیتدیم بو چولده
 نهضته بانی اولدوم عمو جان
 منده مقصوده یتدیم بو چولده
 گل عمو گل عمو گل عمو جان
 گل کیمین اولموشام منده خندان
 ویردون ارزش عمو سن یتیمه
 ازرقی یولادیم من جهیمه
 قوی دیدیم فخر ایده بو جهاندا
 دائماً اوز انام اول فهیمه

گل عمو گل عمو گل عمو جان

گل کیمین اولموشام منده خندان

سن عموجان منیم یاوریمن

هم عموسان همی رهبریمن

قالدیم آتلا رایا قینده تئز گل

گورسون اغیاریلر سروریمن

گل عمو گل عمو گل عمو جان

گل کیمین اولموشام منده خندان

دوشدوم آتدان عمو گل هرایه

قویما رنگیم دونه کهربایه

گوزیاشیم قانه دوندی یوبانما

باشیمی سالدی دشمن بلایه

گل عمو گل عمو گل عمو جان

گل کیمین اولموشام منده خندان

گندر عباس عمو داده گلسون

الده شمشیری آماده گلسون

نعيمی آسون اغيار اليندن
 بو چتين لحظه فرياده گلسون
 گل عمو گل عمو گل عمو جان
 گل کيمين اولموشام منده خندان
 ای خلیلا دایان یاندی دلر
 کربلاده نجه سولدی گللر
 قاسمین نعی قالدی آراهه
 آغلوری حالینه دائم ائلر
 گل عمو گل عمو گل عمو جان
 گل کيمين اولموشام منده خندان

نوحه دیگر حضرت قاسم

عمو جان قربان سنه اذن جهاد ویر منه
 من گیدیم جنگ ایلیوم یالوارمارام دشمنه
 باخ عمو گوزیاشیمه
 سایه وی سال باشیمه

اُمیدی گاهیم عمو پشت و پناهیم عمو
 هم عمو سان هم آتا سن همی شاهیم عمو
 لطف ایت منی سال یولا
 جان سَنه قربان اولا
 آتام ایدوب وصیت من سنه ایدم خدمت
 تاپام ایکی دنیا دا بلکه راه سعادت
 عرضیمی رد ایلمه
 سن منه یوخ سویلمه
 ای پادشاه جهان سنسن امام زمان
 اولما رضا من ایدوم بو باره ده چوخ فغان
 قلبیمی قویما سینا
 غم لر اودوندا یانا
 عمو عمو جان عمو خسروی خوبان عمو
 لطف ایله منده اولوم دینیمه قربان عمو
 حاضرم من جان ویرم
 عالی امتحان ویرم

عمو او غلوم اکبر گیدوب اول ماه انور گیدوب
 کفن گییوب اگنینه شبه پیمبر گیدوب
 بوینوما سال گل کفن
 ای شه عالی زمن
 شمشیر آلوم من اله عازم اولوم مقتله
 رزمگه ایچره عمو واضح اولا مسئله
 منده بنی هاشم
 یانماقا عالی شمعم
 حسن جوانی منم خیر ایشه بانی منم
 امرایله تا جنگ ایدوم حیدر ثانی منم
 جنگیدن خوف ایتمرم
 سنی قویوب گیتمرم
 خلیل نژادم آقا ایستورم نطق رسا
 کرامت ایله اوزون سنی جان مرتضی
 قاپوندا بیر سائلم
 سیزه قربان عائلم

تولد حضرت علی اصغر (ع)

مژده ای باد صبا بلبل گلزار آمد
 نوۀ ی فاطمه و حیدر کرّار آمد
 مدال سینه رباب خوش آمد
 افتخار اهل صواب خوش آمد
 خوش آمد و خوش آمد و خوش آمد
 اصغر آمد بوجود گشته خرامان زهرا
 مرتضی شاه جهان گفت مبارک بادا
 عید یانه به همه میدهد حتماً مولا
 آل حیدر همگی با دل سرشار آمد
 مدال سینه رباب خوش آمد
 افتخار اهل صواب خوش آمد
 خوش آمد و خوش آمد و خوش آمد
 شیرۀ جان حسین میوۀ بستان آمد
 پاره قلب رباب و مه تابان آمد

به گُلستان نبی غنچه خندان آمد
تحفه لایق آن خسرو ابرار آمد
مدال سینۀ رباب خوش آمد
افتخار اهل صواب خوش آمد
خوش آمد و خوش آمد و خوش آمد

تولد حضرت علی اصغر (ع)

دنیا به قدم قویدی شهزاده علی اصغر
شاد ایلدی زهرانی معناده علی اصغر
غنچه دی گُل آچار باغ جناندا
بیلہ بیر گُل اولماز هیچ گُلستاندا
ربابه بو مولودی تا این که خدا ویردی
معناده علی اصغر دنیا به صفا ویردی
اول نور جمالیله اسلامه جلاء ویردی
روشن ایلدی کونی دنیاده علی اصغر
غنچه دی گُل آچار باغ جناندا

بیله بیر گُل اولماز هیچ گُلستاندا

به به نه گوزل گوندی دلر تاپوری صیقل

بو گونده عبادت لر چوخ گوندن اولی افضل

سعی ایلون عاشق لر عشقوز اولا تا اکمل

عشقین گتورر بیر گون ایجاده علی اصغر

غُنچه دی گُل آچار باغ جناندا

بیله بیر گُل اولماز هیچ گُلستاندا

عشقینده قویار حیران عاشق لری دنیا ده

سرباز اولی اسلامه اول لشگر مولاده

یعنی ایلیر شرکت دعواده علی اصغر

شداد آتان تیری فوراً گتورر یاده

غُنچه دی گُل آچار باغ جناندا

بیله بیر گُل اولماز هیچ گُلستاندا

اول دمکه حسین قالدی یالقوز او بیاباندا

ضعف حالی عیان اولدی اول خسرو خوباندا

سسلندی منه یو خدور بیر یار بو میداندا

اوندا گیدجک فوراً امداده علی اصغر
 غنچه دی گل آچار باغ جناندا
 بیله گل اولماز هیچ گلیستاندا
 گهواره نی ترک ایلر سسلر بابا من گلدیم
 یار ایستمه لشکردن هرگز بابا سن گلدیم
 یاور سنه اولمازلار بوزاغ و زغن گلدیم
 اولسون سنه قوی یاور دنیاده علی اصغر
 غنچه دی گل آچار باغ جناندا
 بیله گل اولماز هیچ گلیستاندا
 ایستور بو خلیل نژاد بایرامدی صله مولا
 بایراملقینی لطف ایت گردابده هیچ قویما
 پرونده سینی ایله خوش گوندی بوگون امضاء
 قوی شرکت ایده بلکه اعطاده علی اصغر
 غنچه دی گل آچار باغ جناندا
 بیله گل اولماز هیچ گلیستاندا

نوحه حضرت علی اصغر (ع)

گلون بیزده عزیزان دییک اصغره لای لای
 ایداق ناله و افغان دییک اصغره لای لای
 آتاسی الی اوسته باتوب ظلمیله قانه
 قویوب مظلوم آتاسین بو غمده یانایانه
 اوچوب روحی اگرچه گیدوب باغ جنانه
 آمیب زهرلی پیکان دییک اصغره لای لای
 علی اصغره هرکیم توسّل ایده یاران
 اونون قانلی قومادین سالایادینه هرآن
 توکه گوزیاشی گوزدن دیه سیزده عزیزان
 گلون حال پریشان دییک اصغره لای لای

نوحه علی اصغر زبانحال امام حسین (ع)

اصغریم قانه باتدی الهی
 عالمی گوزدن آتدی الهی

ایسته مور ذره جه سو عدودن
 اوخلانوب تشنه یاتدی الهی
 صبر ویر بارالها ربابه
 دوشمه سون روحی تا چوخ عذابه
 ایت قبول سن بو قربانی یارب
 ایلدی زنده قرآنی یارب
 گچدی اصغر بالاجا جانیندان
 منده آتدیم گوگه قانی یارب
 صبر ویر بارالها ربابه
 دوشمه سون روح تا چوخ عذابه
 شاهد اول دینمه اولدی قربان
 جان ویروب تشنه لب بو لب عطشان
 قویدی آز سینله بو جهاندا
 عشقیده حشره تک خلقی حیران
 صبر ویر بارالها ربابه
 دوشمه سون روحی تا چوخ عذابه

گُلستانِ نمده بیر بو قالوردی
 بلبلِ عطریں بو گُلدن آلوردی
 اولدی گُللر کیمین بودا پرپر
 گُل صفاسین بو قلبه سالوردی
 صبر ویر بارالها ربابه
 دوشمه سون روحی تا چوخ عذابه
 هیچ پوزلماز بله باغ و بستان
 اوخ دگوب گُل کیمین اولدی خندان
 پوزدی احوالیمی بو مصیبت
 محنتینده منی ایتدی گریان
 صبر ویر بارالها ربابه
 دوشمه سون روحی تا چوخ عذابه
 اوخلانوبدی بالام دین یولوندا
 وارد چوخ لخته قان صاغ قولوندا
 اولدی الوان بونون آغ قوماتی
 حشره تک قالدی قان صاغ قولوندا

صبر ویر بارالها ربابه
 دوشمه سون روحی تا چوخ عذابه
 پوزدی احوالیمی حال اصغر
 اولم امیشدی هله سال اصغر
 ظلمیله قانه باتدی الهی
 صورتینده اولان خال اصغر
 صبر ویر بارالها ربابه
 دوشمه سون روحی تا چوخ عذابه
 لاله تک قمرزی قانه باتدی
 لای لایین اوخ دیوب آنی یاتدی
 اولمادی منده چون راه چاره
 تشنه لق فکرینی باشندان آتدی
 صبر ویر بارالها ربابه
 دوشمه سون روحی تا چوخ عذابه
 ای خلیلا سوزون یاز سوز اوسته
 ئوپ بو اشعاروی قوی گوز اوسته

سعی ایله سوزلرون تأیید اولسون
 چوخ تلاش ایله دائم دوز اوسته
 صبر ویر بارالها ربابه
 دوشمه سون روحی تا چوخ عذابه

زبانحال زینب به امام حسین نوحه علی اصغر (ع)

اوخلانوب اصغرون یانما قارداش
 اود دوتوب بیله اودلانما قارداش
 ایندی آغلور رباب خیمه گهده
 بو غمی سهل سن سانما قارداش
 اصغرون قاننه باتدی سوز یوخ
 حرمله سو ویروب یاتدی سوز یوخ
 صبر ایله سن آنام جانی قارداش
 توکمه اشکون یوزه آنی قارداش
 اصغرون اوخلانوب ایت تحمل
 اوجووا دوت آخان قانی قارداش

اصغرون قاننه باتدی سوز یوخ
 حرمله سو ویروب یاتدی سوز یوخ
 آت گوگه ساخلا سونلار ملکلر
 دردوه چوخ دگر روز محشر
 اول قانا خاطر الله باغشلار
 سن سوون بندنی قوخما یکسر
 اصغرون قاننه باتدی سوز یوخ
 حرمله سو ویروب یاتدی سوز یوخ
 اصغری چوخ دولانديرما قارداش
 بیر کسه دردون آندیرما قارداش
 ویر منه نیشینی سن حسینیم
 آغلیوب کونی یانديرما قارداش
 اصغرون قاننه باتدی سوز یوخ
 حرمله سو ویروب یاتدی سوز یوخ
 خیمه لرده رباب ناگرانندی
 اصغری اوخلانوب باغری قانندی

هی توکور گوزیاشین گل عذاره
 قلبینین قانی گوزدن رواندی
 اصغرون قاننه باتدی سوز یوخ
 حرمله سو ویروب یاتدی سوز یوخ
 یاز خلیلا عجب سوزدی بو سوز
 آغلوری بو غمه گونده چوخ گوز
 مستمعه نه اثر ایلر آخر
 اولسا گر یازدیقون مطلبون دوز
 اصغرون قاننه باتدی سوز یوخ
 حرمله سو ویروب یاتدی سوز یوخ

نوحه حضرت علی اصغر جوشی

ای دینینه قربان اولان لای لای علی لای لای
 قونداقی قانیه دولان لای لای علی لای لای
 اوچ شعبه لی تیره اولوب حلقون نشان اصغر
 ایلوب او تیر جان گداز گل تک خزان اصغر

باجادی ایتسون اوز آنان دائم فغان اصغر
 اولسون غمونده باغری قان لای لای علی لای لای
 گُللر آچان وقته بالا حالیم اولار پوزقون
 چوخ آغلارام احوالوه اولام مدام یورقون
 غصّه گلوگیر ایلیر باغیریم اولار پر خون
 هی ایلرم آه و فغان لای لای علی لای لای
 گُللر سولاندا هر زمان اشکیم آخار گوزدن
 حلقه و رار آغ دُر تک بیر بیر دوشریوزدن
 عارف اولان انسان بالا آنلار غمی سوزدن
 ای غنچه وقتینده سولان لای لای علی لای لای
 خیمه سراده ابر تک دولدون سنه قربان
 سو اولمادی گُللر کیمین سولدون سنه قربان
 آخر گیدوب دینه فدا اولدون سنه قربان
 ویردون چوخ عالی امتحان لای لای علی لای لای
 قلییمده وار بيله خیال الله اوزی عالم
 سن تک اوغول سربازه من فخر ایلرم دائم

بیرگون گلر قانون آلا ر اول مهدی قائم
 سسلراو دم صاحب زمان لای لای علی لای لای
 آز سینله سنده اوغول سرباز دین اولدون
 قربان اولوم احساسوه ممتاز دین اولدون
 عنقا کیمین آخر علی شهباز دین اولدون
 حق اوسته اولدون قهرمان لای لای علی لای لای
 عالی حمایت ایلدون اسلام و قرآنه
 ویردون نشان راه درست بو چولده انسانه
 آتدون گوزوندن عالمی باتدون قزل قانه
 اولدون صفای گلستان لای لای علی لای لای
 آلتای سنه یولاردامن لای لای دیدیم اصغر
 بولای لای صبح و مسا آیلای دیدیم اصغر
 قالدی اورکده آرزوم ایوای دیدیم اصغر
 اولدی ایشیم آه و فغان لای لای علی لای لای
 دین مبین اوسته علی آلقانوه باتدون
 آخرده سنده قانونی ثارالله قاتدون

کربو بلاده سینۀ سلطانیده یاتدون
 دائم دیسون شاه جهان لای لای علی لای لای
 اصغر خلیل نژادی من قیّام رها اودان
 اشعاروه زحمت چکور صبح و مسا چو خدان
 شرم ایلوری یازسین اوغول سندن دگن او خدان
 وردی اولوب گویا هرآن لای لای علی لای لای

نوحه علی اصغر زبانحال رباب

ای غنچه خندان لای لای علی اصغر
 دین اوسته ویرن جان لای لای علی اصغر
 وار دور یری دائم دنیاده دیم من
 جانیم سنه قربان لای لای علی اصغر
 ای سوز عطشدن خواب ایتمین او غلوم
 ظلمه بو جهاندا تاب ایتمین او غلوم
 بیر ذره خیال آب ایتمین او غلوم
 قانه باتان عطشان لای لای علی اصغر

لطف ایلدی آله صاحب کرم اولدون
 آ ز سینله اوغلوم ثابت قدم اولدون
 آلقانه بو یاندون چوخ محترم اولدون
 زهرا دیدی جان جان لای لای علی اصغر
 هی عرض ایلدیم چوخ ایتمه بله افغان
 توکمه یوزه اشکون رحم ایلمز عدوان
 بی مرّه سو فکرین آت سن علی باشندان
 بی رحمدی دونان لای لای علی اصغر
 سن باخمادون اصلا غملی سوزه اوغلوم
 علت اودی گلدون فوراً گوزه اوغلوم
 بو غمده چتین بیر مادر دوزه اوغلوم
 دائم ایدر افغان لای لای علی اصغر
 دائم گئجه گوندوز لای لای دیدیم اصغر
 آغلار سسوه جان آلتای دیدیم اصغر
 ایمدی بله گوردوم ایوای دیدیم اصغر
 اولدی اورگیم قان لای لای علی اصغر

دگدی بوغازوندان اوچ شعبه‌لی پیکان
 آغ قونداقون اولدی رنگین سنه قربان
 توکدی یوزه اشکین اول حالیده سلطان
 اولدی هوا طوفان لای لای علی اصغر
 سعی ایله خلیلا سوز مطلبه چاتسون
 لای لای دی قوی اصغر سو فکرینی آتسون
 سلطان سینه سینده حشره کیمی یاتسون
 سلطان دیسون هر آن لای لای علی اصغر

زبانحال خانم رباب به علی اصغر (ع)

باشون دالیجا چوللری آواره دولانام
 سن هاردا دایانسان علی جان منده دایانام
 گوزیاشینی رخساریمه دائم آلرم من
 آهو کیمی چوللرده همیشه مَلرم من
 قونداقوی گاهی آچارام گه بَلرم من
 قونداقوی الده دوتارام آغلارام اصغر
 سن یادیمه دوشدوقجا سینه داغلارام اصغر

بیر آهونون اوخلانسا بالاسی مَلر آغلار
 سیلاب سرشکین یوزه دائم آلر آغلار
 غم غصّه اوخی قلبینی هر دم دَلر آغلار
 هجران اوخونا توش اولوب آغلار گئجه گوندوز
 نسکلرینی قلبیده ساخلار گئجه گوندوز
 من یثر به گیتسم علی نه حالته قلام
 دائم باشیما معجر قاره بالا سلام
 قانلی بلگون اللریمین اوستونه آلام
 باشه یغارام یثر بون عورتلرین اصغر
 مغلوب ایدرم محنته صحبتلرین اصغر
 ماتم دوتارام من سنه مهمانلاریم آغلار
 هجرونده یانان سینه سی سوزانلاریم آغلار
 دوریمده اولان حالی پریشانلاریم آغلار
 عرض ایلرم ای سویرینه قان ایچنیم وای
 حق اوسته گیدوب باشیله جانان گیچنیم وای
 بیرده علی من گورسم اوشاقلاردل آچوبدی

گندملریله جوی لاریمیز سنبل آچودی
 یعنی او بالا غنچه لر او غلوم گل آچوبدی
 اوند ا غمیلن کاسه قلییم داشار اصغر
 موج ایلوب اندوهیله باشدان آشار اصغر
 چارم کسیر حالیمه بیکس یانان اولماز
 قاره گونه قالام منه همدم اولان اولماز
 چوللرده دولانام منی یاده سالان اولماز
 گونلر قابقندا قالارام ایلرم افغان
 ذکریم بو اولار ای علی جانیم سنه قربان
 او غلوم سنون احوالوه دائم حسین آغلار
 گوزیاشلی یازار نوحه وی با شورشین آغلار
 یازدوقجا سوزون گوزلری آلقان یقین آغلار
 سنده اونا محشر گونی گل ایله شفاعت
 باشین اوجالاندیر سن اونون روز قیامت

زبانحال حضرت علی اصغر (ع)

دین یولوندا قاننه غلطان اولان اصغر منم
 رزمگاه عشقیده قربان اولان اصغر منم
 باخمیون سنیم منیم آزدی باخون اعجازیمه
 سر دبیر مجلس عرفان اولان اصغر منم
 مکتب قرآنی زنده ایلین آ ز سینله
 نهضت عظمایه پشتیبان اولان اصغر منم
 سسلینده اوز آتام میداندا هل من ناصرین
 اول زماندا یاور سلطان اولان اصغر منم
 خرداجا سربازی که آتدی اوزون گهواردن
 آ ز زماندا حامی قرآن اولان اصغر منم
 شه قوجاقینده گلن دشمن قباقینده دوران
 همّتیله زینت میدان اولان اصغر منم
 اوچ گئجه گوندوز سوسوزدان هی یانوب صبرایلین
 عاقبت حلقی نشان پیکان اولان اصغر منم
 گل گورنده سیز منی یادایلین ای شیعه لر
 شه الینده گل کیمین خندان اولان اصغر منم

گُلِستانِدا گُللری الوان گورنده آغلیون
 آغ لباسی قانیله الوان اولان اصغر منم
 باغ رضوان گُللرین ایتسوز اگر سیز آرزو
 غُنچه نیلوفر رضوان اولان اصغر منم
 حضرت زهرايه معناده بولون اهل یقین
 جنت فردوسیده مهمان اولان اصغر منم
 آلمشام باب الحوائج منصبین آللهدن
 افتخار مکتب قرآن اولان اصغر منم
 هر مریضیکه گله یاران منیم درگاهیمه
 اول مریضین دردینه درمان اولان اصغر منم
 ایسترم آلام اوزوم خلاق عالمدن شفا
 چاره بی چاره گان یاران اولان اصغر منم
 اول کسیکه قطره قانین قاتوب ثاراللها
 خدمتی اوز دینینه شایان اولان اصغر منم
 ای خلیلا سنده یاز اشعاروی اعلان ایله
 بو جهاندا صاحب احسان اولان اصغر منم

قدردانی از هیئت باب الحوائج

هیئت باب الحوائجده عجب وار دور صفا
گلمشوخ امیدیلن بیز آلماقا درده دوا
مستمندوخ دردمندوخ عاجزوخ ایامیده
ایلروک بو پرچمین آلتنداباهم بیز دعا
بلکه بیر ایتسون عنایت خالق عزّ وجل
ایله سون بو جمعه امضاء بیر برات کربلا
الده بو پرچم گیدک کربوبلا صحراسینه
باش اگوب تعظیمیله اوردا ایدک آه ونوا
عرض ایدک باب الحوائج قیل بیزه لطف وکرم
خاطر زهرا بیزی سالما قاپوندان بوش یولا

مقدمه

بسم اللهیله آیة قرآنی باشلورام
عباس آدیله محفل عرفانی باشلورام
وار دور اگر مریضون عزیزیم تلاش ایله
امیدیلن مصیبت سقانی باشلورام

سن گلمو سن اگر آلا سان دردوه دوا
ساکت اوتورما روضه مولانی باشلورام

توسل به حضرت ابوالفضل (ع)

ای مه تابان ابوالفضل
حامی قرآن ابوالفضل
گلمشوخ باب اُمیده
قیل بیزه احسان ابوالفضل
جان ابوالفضل
جان ابوالفضل
ای گل زیبا ابوالفضل
عالمه مولا ابوالفضل
درگهونده بیز دخیلوک
لطف ایله قوما ابوالفضل
جان ابوالفضل
جان ابوالفضل
مونس دلها ابوالفضل

مهريده دريا ابوالفضل
 بير برت كربلا قيل
 سن بيزه اعطا ابوالفضل
 جان ابوالفضل
 جان ابوالفضل
 اى آدى باب لحوائج
 سكه ي عشاقه رايج
 جان زهرا دخت احمد
 درديمه ايله معالج
 جان ابوالفضل
 جان ابوالفضل
 صاحب تقوا ابوالفضل
 شير بى پروا ابوالفضل
 عشقوه حيراندى دائم
 مردم دنيا ابوالفضل
 جان ابوالفضل
 جان ابوالفضل

ای کرم دریاسی عباس
 شیعه نون مولاسی عباس
 کربلانیین معلوم ایلور
 سنده دور امضاسی عباس
 جان ابا الفضل
 جان ابا الفضل

زبان حال حضرت ابا الفضل (ع)

من عباسم مطیع شاه دینم
 فدا کار امیر المؤمنینم
 برایم بس این فخر دو عالم
 عزیزان نوکر مولا حسینم
 من عباسم وفالی یولداشیم وار
 حسین عشقینده عالی گوزیاشیم وار
 نقدر فخر ایدم آزدی جهاندا
 حسین ابن علی تک قارداشیم وار
 من عباسم شهنشه قارداشیم وار

عزا بزمندہ دائم گوزیاشیم وار
 خیال ایتمون مجالسدہ تکم من
 یانمدا یاوریم وار یولداشیم وار
 آنام زهرا منیلہ دائم آغلار
 توکر گوزیاشینی رخسارہ باغلار
 حسینیم وای دیر بزم عزادہ
 یانار دلدن ہمیشہ سینہ داغلار

من عباسم علمدار حسینم
 ہمیشہ یار و غمخوار حسینم
 آنام زهرا حسینہ آغلیاندا
 بولون منده عزادار حسینم
 حسین عشقین باشمدان آتمارام من
 جہانہ مہرین ہرگز ساتمارام من
 منہ قارداشلق ایتدی کربلاہ
 اونون لطفون یادیمدان چاتمارام من
 من عباسم غلام شاہ دینم
 عزیز حیدرم یار حسینم

اوزوم باب الحوائج آدیم عباس
ولی بیر باره دن چوخ دل غمینم
که یعنی قارداشیمدان شرمسارم
سو یوم اولموب اودور من اشکبارم
رقیله سکینه تاپشیران سوز
قولا قیمده قالوبدی بیقرارم
سو مشکین چینیمه سالدی سکینه
سو قولی ویردیم اول ماه مبینه
هزار افسوس سو یوم گیتدی عزیزان
منی شرمنده ایتدی اهل کینه
خدایا اولماسین هیچ کس خجالت
منی ایتدی خجیل قوم ضلالت
باخا بولم رقیه صورتیه
یوزوم گلمز داخی تا به قیامت

احوالات حضرت ابا الفضل (ع)

افتخار مکتب آل عبا عباسیدور
گلشن مولا علیده با صفا عباسیدور

کیم گوروب قَد رساو گُل جمالین سویلو یوب
 آل هاشمیر ایچینه مه لقا عباسیدور
 ماه تاباندور کانه عالمی روشن ایدوب
 هرگورن عرض ایلوب بدرالدجی عباسیدور
 شمس رخشان دور دیسم ایراد ایدنمز بیر نفر
 عالم خلقتده چون شمس الضحی عباسیدور
 عصمت اله شمعینه دلدن یانان پروانه دی
 خَلَقاً وَ خُلُقاً عَلٰی الْمُرْتَضٰی عباسیدور
 قوی دیوم واضح بیر عده واقف اولسون مطلبه
 شیعه نی دائم ایدن دلدن دعا عباسیدور
 بیرایله لطف و عنایت ایلوب خلق الله
 بو دور علت صاحب جود و سخا عباسیدور
 هر کسین اولسا جهاندا مشکلی فوراً دیسون
 حیدر کرّار تک مشکل گشا عباسیدور
 یوز دوتوب هر کس امیدله گوزل درگاهنه
 درک ایدوب فوراً که خلقه آشنا عباسیدور

چوخ علی المرتضیٰ تک اُمته خدمت ایدوب
 مرحبا که وارث شیر خدا عباسیدور
 حاجتی اولسا کیمون گلسون بو باب رحمته
 چوخ ایدن حاجتلی آنی روا عباسیدور
 دردی اولان شخصه دیون امیدیلن اولسون دخیل
 چاره سیزلر دردینه حتماً دوا عباسیدور
 شهرتی دنیانی مملو ایلوب اول سرورین
 گوئیایا که سرور هر دو سرا عباسیدور
 تاریخه بیله یازوبلار که شفاعت ایلین
 بنده عاصیلره روز جزا عباسیدور
 بخشش و جودی جهانہ سربسر اعلان اولوب
 ارمینیلرده بولور دارالشفا عباسیدور
 ایلوب بی حد عنایت دهریده بیگانه
 جمله بیگانه دیور الحق آقا عباسیدور
 هر مریضون چاره سی قطع اولسا اظهار ایلہ سه
 ایلین غمدن اونی حتماً رها عباسیدور

قوی من اعلان ایلوم اول کسکه هر ایامیده
 دست خالی سائی سالماز یولا عباسیدور
 بو سوزی فرمایش ایلوب فاطمه دُر دانه سی
 هامی قارداشلار ایچینه باوفا عباسیدور
 کربلا دشتینده دینون پرچمین الده دوتان
 ساخلیان تا آخرین دم جابجا عباسیدور
 جنگ ایدنده کیم گوروب قَد رساسین سویلدی
 لشکر ایچره هامدان قَدی رسا عباسیدور
 ضرب شصتیه وران وقته قُلنجین دشمنه
 بولدی عالم صاحب صد مرحبا عباسیدور
 گوردولر عیناً علی المرتضی تک جنگ ایدور
 احسن احسن حیدره جلوه نما عباسیدور
 الغرض حق و حقایق اوسته بیر جوت قول ویروب
 کربلاده قولاری تندن جدا عباسیدور
 اول کسیکه فاطمه سسلوب اوغول گل سینمه
 جسموه قربان اولا خیرالنساء عباسیدور

اول کسیکه دینه ویردی دهریده بی حد صفا
 حضرت زهرا اوزی اولدی رضا عباسیدور
 گوردولر سسلور حسین جان گل آنام زهرا گلوب
 فیض عظمایه اولان نائل آخا عباسیدور
 آرزو ایلردیم عمرومده گورم باری یوزون
 آرزو سینه چاتان ایندی آقا عباسیدور
 باشیمی قارداش آلوب دیزاوستونه ایوای دیور
 لمس ایدن نزدیکیدن مهر و وفا عباسیدور
 امر زهرادی منی تشویق ایدوب قارداش دیم
 آخرین دمه ایدن قارداش صدا عباسیدور
 عمریده من بيله فکر ایلردیم ای کان کرم
 اوزگه تک درگاه عشقونده گدا عباسیدور
 ایندی فرمایش ایدور سسله اوغول قارداشوی
 بولسون عالم قارداشا اولموش فدا عباسیدور
 علت اصلی او دور من سسلورم قارداش حسین
 ایلین بوباره دن بی حد صفا عباسیدور

گل یوبانما سنده گور دریای عفت صاحبین
 قلبیدن ایندی ایدن حمد و ثنا عباسیدور
 خیمه نی ترک ایله قارداش گل منی ایله دعا
 طالب مرحمت ذکر دعا عباسیدور
 گل سنه قربان اولوم ای شهریار ملک دین
 گل جمالون گورماقا دلدن رضا عباسیدور
 پرچمون الدن دوشوب ای چاره سیزلر چاره سی
 یوخ الیم فکر ایلمه صاحب لوا عباسیدور
 ای حسین عاشقنری بو مطلبه واقف اولون
 هامی عاشقندن جهاندا بی ریا عباسیدور
 سعی ایدون دوز یول گیدون مولا کیمین بو دهریده
 چون بیزه عشق عالمینده رهنما عباسیدور
 ای خلیلا مشکلون حدن چیخوب دوت دامنین
 نا امید ایتمز سنی صاحب عطا عباسیدور

نوحه حضرت ابا الفضل (ع)

شمع شهدا کان وفا
 باب الحوائج ایله درده معالج
 بیزی بوش یولا سالما
 سنی حضرت زهرا
 گلدوق قاپوا قـربان آدوا
 ای مه تابان اوزون قولارا قربان
 بیزی بوش یولا سالما
 سنی حضرت زهرا
 سقای حرم باب کرم
 شیر شجاعت آقا ایله عنایت
 بیزی بوش یولا سالما
 سنی حضرت زهرا
 ای میر عرب کـان ادب
 مظهر ایمان بو جمعه ایله احسان
 بیزی بوش یولا سالما
 سنی حضرت زهرا

ای عاشق دین ماه مبین
 شمس امامت اوزون ایله کرامت
 بیزی بوش یولا سالما
 سنی حضرت زهرا
 ای ماه منیر شاهه وزیر
 طلعتی زیبا ایکی گوزلری شهلا
 بیزی بوش یولا سالما
 سنی حضرت زهرا

توسل به حضرت ابوالفضل (ع)

درگهوه گلدی گدا ابوالفضل ابوالفضل
 لطف ایله بوش سالما یولا ابوالفضل ابوالفضل
 سنسن علینون او گوزل بالاسی بالاسی
 سنده دی درماندلرون دواسی دواسی
 لطف ایله ای شیعه لرون آقاسی آقاسی
 واردی غمیم بی حد آقا ابوالفضل ابوالفضل

گلمشم ایمدی قاپوا آغلیام آغلیام
 گوزیاشینی عارضیمه باغلیام باغلیام
 نوحه دیم سینه لری داغلیام داغلیام
 چوخ ایلم شور و نوا ابوالفضل ابوالفضل
 دردی اولان درگهوه تئزگئر تئزگئر
 اشگ ترین عارضینه هی آئر هی آئر
 آهو مثالی غم الیندن مئر هی مئر
 اوز اوزونه باشلار عزا ابوالفضل ابوالفضل
 درگهوه گلدیم آقا دخیلم دخیلم
 بوشدور الیم علت اودور خجیلم خجیلم
 لطف ایله سون طالب سلسیلم سییلم
 ای قاپوسی درده دوا ابوالفضل ابوالفضل
 باب الحوائج آدوا فدایم فدایم
 ناامید ایتمه منی سن گدایم گدایم
 طالب مهر و کرم و صفایم صفایم
 قلیمه ویر مهر و صفا ابوالفضل ابوالفضل

بو سوزی الدہ دوتارام بهانه بهانه
 صبح و مسا من گلرم فغانه فغانه
 عشقیمی اثبات ایدرم جهانہ جهانہ
 بلکه آلام کربوبلا ابا الفضل ابا الفضل
 ایلہ عنایت بو خلیل نژاده نژاده
 نوحہ یازاندا تاپا چوخ اراده اراده
 توشہ اولا نوحہ لری جزاده جزاده
 فخر ایلہ روز جزا ابا الفضل ابا الفضل

توسل به حضرت ابا الفضل (ع)

ای دوشن مشکله دنیاده دینن یاعباس
 آغلا گل شوریلہ فریاده دینن یاعباس
 صدق اوزیلہ یاپوش عباس اتگیندن نچه گون
 گور کرم وارد او سقّاده دینن یاعباس
 ناامید اولمو یوب هیچ کس قاپوسیندان آقائین
 وار صفا درگه مولاده دینن یاعباس

گر مریضون اولاً سن سال اوزوی بو قاپویا
 دکتره گیتمه ای آزاده دینن یاعباس
 گورسون هر یرده مریض آتش تبده یانوری
 آغلا سن سیدی سجاده دینن یاعباس
 گر مسافر اولسان مشکله بر خورد ایله سون
 چکمه خجالت ره اسناده دینن یاعباس
 فکروون کشتی سی طوفانه گرفتار اولسا
 غرق اولان وقتیده دریاده دینن یاعباس
 یاکه دیررنده لره چرخ فلک توش ایلسه
 خوف ایدن موقع صحراده دینن یاعباس
 قهرمان اولماقا عالمده اگر وار هوسون
 سنده مثل او رضا زاده دینن یاعباس
 اجنه و یلر سنه بیر گونده اگر زور دیسه
 قوخمای جنگ ایله او دعواده دینن یاعباس
 روزگارین رویشی گر سنی مظلوم ایلسه
 اولمامش دهریده افتاده دینن یاعباس

اهل عیالون سوزوه باخماسا چوخ اولما ملول
 اعتنا ایلمه اولاده دینن یاعباس
 سالمندانلارا اولان منزله رجعت ایله سون
 باخگیلان اورداکی افراده دینن یاعباس
 کسیله چاره یولون آغلا حسین و حسنه
 وار کرم اول ایکی مولاده دینن یاعباس
 ویر قسم زینب کبری و علی مولایه
 چوخ سوور زینب کبراده دینن یاعباس
 مستأجر اولسان اگر اول دخیل ام البنینه
 سال اونون غملرینی یاده دینن یاعباس
 اوغلی عبداللهین حالینه یان آغلا بیرآز
 چوخ غمه دوزدی او آزاده دینن یاعباس
 گون باتان وقته توکردی یوزونه اشگ ترین
 غرق اولاردی غم دریاده دینن یاعباس
 وار روایت یتیمون آهی چیخان وقته گوگه
 تتریر عرش معلاده دینن یاعباس

خالق عزّ و جل بیلہ سفارش ایلوب
 سندہ یان بو غم عظماده دینن یاعباس
 شهر یثربده دیولربیر زمان یا اللعجب
 آغلیوب چوخ گونی صغراده دینن یاعباس
 هی باخوب اکبر اطاقینه او بانوی حجاز
 گونده مین نوع گلوب داده دینن یاعباس
 هیئت باب الحوائجده عجب واردی صفا
 سندہ گل شوره بو مأواده دینن یاعباس
 اوخی بو شعری خلیلا اورگی ایستینه
 گل سه لرناله و فریاده دینن یاعباس

نوحه حضرت ابا الفضل زبانهال امام (ع)

ای ماه طلعت قارداش ابا الفضل
 کان کرامت قارداش ابا الفضل
 خیمه سراده یول گوزلور ایندی
 آل رسالت قارداش ابا الفضل

جانم ابا الفضل جانم ابا الفضل

دور خیمه گاهه حمل ایلوم الآن

یاتما قوم اوسته حالی پریشان

مشگونه سو یوخ ای ماه تابان

اولما خجالت قارداش ابا الفضل

ایندی رقیه سو جامی الده

آهو مثالی سسلور بو چولده

یاندوق سوسوزدان یوخ تاب دله

ایلوله وحشت قارداش ابا الفضل

دین اوسته اولدون سن قانه غلطان

آلقانه باتدون ای ماه تابان

قالسون همیشه زنده بو قرآن

ای کان غیرت قارداش ابا الفضل

عالم بولور سن کان وفاسن

فرزند حیدر انگشت نماسن

چوخ با ادب سن شمس هداسن

نور ولایت قارداش ابوالفضل
 سن تک جهاندا بیر قارداش اولماز
 ابری بهاری بیر بیلہ دولماز
 هیچ گل بو نوعی گلشنده سولماز
 گل گورمز آفت قارداش ابوالفضل
 قارداش ثولنده قارداش چوخ آغلار
 رخساره دائم گوزیاشی باغلار
 قدین اگر غم هم سینه داغلار
 بار مصیبت قارداش ابوالفضل
 اوغلو ثولوبدی یوخ سوز برادر
 بو غمده آغلار چوخ گوز برادر
 سنده تحمل ایت دوز برادر
 قیل استقامت قارداش ابوالفضل
 سن دوشدون آتدان قدیم خم اولدی
 قوت دیزیمدن بی حد کم اولدی
 همدم منیله دائم غم اولدی

ساعت به ساعت قارداش ابوالفضل
 خلیل نژادی سالما نظردن
 ایله حمایت بو خون جگردن
 نوحونده ایشلور هر گون سحردن
 قیل سنده همّت قارداش ابوالفضل
 وار آرزوی کربوبلاسی
 هر ساعتینده بو دور دعاسی
 دعوت ایدیدی مهمان آقاسی
 بیر ایله دعوت قارداش ابوالفضل

نامه نوشتن یک مریض به حضرت ابوالفضل

ای ابوالفضل ای مه تابان سنه قربان اولوم
 ای وزیر شاه مظلومان سنه قربان اولوم
 قیل نظر احوالیمه ای مرتضانین وارث
 جان حیدر اول شه مردان سنه قربان اولوم

اشگیله یازدوم عریضه من سنه ای با وفا
 دردیمه سنده ایله درمان سنه قربان اولوم
 چوخ زماندان من مریضم تا پمورام چاره آقا
 لطف ایله قویما ایدم افغان سنه قربان اولوم
 من سنی ورم قسم مولا اوزون قولاروا
 قیل کرم افتادیم چوخدان سنه قربان اولوم
 نامه یازدوم که آلام بو دردیمین درمانینی
 جان زهرا قیل منه احسان سنه قربان اولوم
 ایت منی غمدن رها قوی گوزلریم روشن اولا
 قالموشام صبح و مساگریان سنه قربان اولوم
 زینب غم پروره ورم قسم مولا سنی
 نا امید قویما اولام بیر آن سنه قربان اولوم
 من اوزوم بولم که زینب باجوی چوخ ایسته سن
 زینبه خاطر ایله احسان سنه قربان اولوم
 من مریضم درد مندم عاجزم هم روسیاه
 ایسته بیرایتسون نظر رحمان سنه قربان اولوم

عالم فانیده سندن درده چاره ایستورم
 سینم اولدی غصّه دن سوزان سنه قربان اولوم
 ای غریبلر یاورى بول که علاجیم قطع اولوب
 محنت و غم چیخمورى یادان سنه قربان اولوم
 آغلارام یانام فشار غصّه دن صبح و مسا
 گوزیاشیم دائم اولار آلقان سنه قربان اولوم
 دردیمه ایله علاج ای چاره سیز چاره سی
 تئز منی قورتار یانان اودان سنه قربان اولوم
 یاخشی اولسام من اگر نذر ایتموشم سفره آچام
 سفره باشیندا ایدم افغان سنه قربان اولوم
 بیرده لطف ایله گوروم مولا صفالی قبروی
 یعنی ایله قبروه مهمان سنه قربان اولوم
 یازدی بو شعری خلیل نژاد توکوب اشگین یوزه
 بی نهایت ایلدی افغان سنه قربان اولوم

شب عاشورازبانحال حضرت ابا الفضل (ع)

حسین جان قویمارام یاتسون علم تا زندیم قارداش
 آنام زهرايه آند اولسون که دوز رزمندیم قارداش

مطیع رهبرم وفالی نوکرم

اگر قوسان منی قاپوندان گیتمرم

همیشه افتخاریم وار سنه من نوکرم قارداش

سنون من بیر توکون هرگز جهانہ ویرمرم قارداش

اگر سن اولماسان آخر جهانی نیلرم قارداش

بو در بار معلّاده ازلدن بندیم قارداش

مطیع رهبرم وفالی نوکرم

اگر قوسان منی قاپوندان گیتمرم

ایکی دنیا منیم اولسا سنی من آتمارام اصلا

باشیمدان سایه وی کسون گئجه لر یاتمارام اصلا

سنون بیر لحظه عشقون بول جهانہ ساتمارام اصلا

منی عفوایت امان نامه گلوب شرمندیم قارداش

مطیع رهبرم وفالی نوکرم

اگر قوسان منی قاپوندان گیتمرم

ازل گوندن آتام ویردی منی قربان سنه قارداش
 قرار دادین یازوب ویردی اوشاقلقدا منه قارداش
 بو یوردی گیت باشون اگمه ئولنجه دشمنه قارداش
 سنون عشقونده من دائم او دور که زندیم قارداش
 مطیع رهبرم وفالی نوکرم

اگر قوسان منی قاپوندان گیتمرم
 مگر من ئولموشم آخر سنه بیرکس ایده جرأت
 منه الله بو قولاری ویروب بوگون ایدم خدمت
 تپام بو درگهه حقدن ایکی دنیاده شخصیت
 بولم باب الحوائج من یقین آیندیم قارداش
 مطیع رهبرم وفالی نوکرم

اگر قوسان منی قاپوندان گیتمرم
 گیدنلر گیتدیلر باخما اولار بولمزله ایمانی
 ابوالفضلون ولی ساخلار گوز اوسته زنده قرآنی
 ئوپر بو اللرون راضی ایدر عالمده سبحانی
 خلایق لر بولر اوندا من عالی دیندیم قارداش

مطیع رهبرم و فالی نوکرم
 اگر قوسان منی قاپوندان گیتمرم
 ازل گوندن بو دنیاده سنه من یاورم قارداش
 بو یور امرون ندی ایندی مطیع رهبرم قارداش
 آنام ام البنین جانی غلام اکبرم قارداش
 ایله بولم گورن وقته سیزی گلشنیدیم قارداش
 مطیع رهبرم و فالی نوکرم
 اگر قوسان منی قاپوندان گیتمرم
 خلیل نژاده قیل احسان سوزی قوی مغزدار اولسون
 اوخونسون بلکه هر یرده جهاندا آشکار اولسون
 گناهی چو خدی یا مولا دعاایت رستگار اولسون
 دیور من ناگران چوخ بو گون آیندیم قارداش
 مطیع رهبرم و فالی نوکرم
 اگر قوسان منی قاپوندان گیتمرم

توسل به حضرت ابا الفضل (ع)

ای اولان عشاق ایچینده صحبتی عباس آقا
 دولدوران کونی سراسر شهرتی عباس آقا
 جز آتان حیدر سنون تک دهریده یوخ بیرنفر
 هامدان مافوق اولاتا قدرتی عباس آقا
 گر سنه ایتسک خطاب دریای غیرت واریری
 هیچ کسون چاتماز سنه چون غیرتی عباس آقا
 سن ایدن همّت جهاندا شهرتی بی حد تا پوب
 هیچ کیمون یوخدور بله بیر همّتی عباس آقا
 بیر کسیکه غیرتی یوخدور جهانی فانیده
 بیله انسان قانمیوب حیثیتی عباس آقا
 کیم گلوب درگاهوه فوراً چاتوب مقصودینه
 یعنی تئز مقبول اولوبدی حاجتی عباس آقا
 ارمینیلر ده گلوب سندن آلوبدی مطلبین
 ایتمسن سنده بو ایشده دقتی عباس آقا
 یاخشی کالا ساتموسان عشق عالمینده خالقه
 جنسوون عالی اولوب کیفیتی عباس آقا

أَلْمُوسَانُ بِأَبِ الْحَوَائِجِ مَنْصِبِينَ أَلَلْهَيْدِنَ
 خَلَقَهُ رُوشَنْدِي جِهَانْدَا عَلْتِي عَبَّاسُ أَقَا
 وَيَرْمُوسَن بِيرِ جُوتِ أَوْزُونِ قَوْلِ دِينِ وَأَسْلَامِهِ فِدَا
 چَكْمُو سَنِ أَلَلْهِ يُولُونْدَا زَحْمَتِي عَبَّاسُ أَقَا
 سَنِ بُو فَيْضِهِ أَوْلَمُوسَانِ نَائِلِ جِهَانِي فَانِيدِهِ
 بِيرِ كَسِينِ يُوخِ بُو سَعَادَتِ قَسْمَتِي عَبَّاسُ أَقَا
 اِي خَلِيلَا سَنْدِه يَازْدُونِ دَائِمًا حَقِ سَوْزَلَرِينِ
 گُوزْ گُوتُورْمَزِ سَنْدَنِ هِيچِ بِيرِ سَاعَتِي عَبَّاسُ أَقَا
 وَارْثِ حَيْدَرِ بُو يُورْدِي كَرْبَلَا دِه اِي قُوشُونِ
 لَا أَقْلِ حَفْظِ اِيْلِيُونِ حَرِيَّتِي عَبَّاسُ أَقَا
 أَوْلَمَاسَا دِيْنُوزِ اِگَرِ تَغْيِرِ وَيَرْوَنِ اِفْكَارُوزَا
 خَوَابِ غَفْلَتْدَنِ دُورُونِ بِيرِ سَاعَتِي عَبَّاسُ أَقَا

احوالات حضرت ابا الفضل (ع)

قارداش حسین اجازه ویر من گئدیم فراته
 سو ایلوم تدارک تشنه قالان بناته

سو جامی الده قیزلار اشکین توکور عذاره
 تأثیر ایدور بو حالت قارداش بو دلفکاره
 بو ماجرا چتیندی بیر شخص نامداره
 هر حالیده بولور سن دارادی بیّناته
 بو حالتی بناتین ایتدی منی پریشان
 ویرسون منه اجازه ای عالمینه سلطان
 سو خیمیه گتورم قالماز سوسوزلار عطشان
 قویمام بولشگر ایتسون هیچ نوعيله احاطه
 ای شیر داور اوغلی من قوخمارام جدلدن
 ویر اذن جنگ قارداش فارغ اولوم عملدن
 چون ارث دور شهاقت شاها بیزه ازلدن
 باک ایتمروخ ئولومدن باش اگمروخ عداته
 بیز ئولسوخ عیبی یوخدور قالسون ولی بو قرآن
 اولسون همیشه آزاد اسلامیان و یاران
 بولسونله تا اولوبدی عبّاس دینه قربان
 جان بذل ایدوبدی دینه تا دین یتوب ثباته

قوی من گیدیم اقلأ جان بذل ایدوم بو دینه
 دگسون یارا حسینیم حق اوسته بو جبینه
 آخسون منیمده قانیم قارداش بو سر زمینه
 بولسونله نوکرم من سفینه نجاته
 من قوی گیدیم بو قومین نسلین کسیم برادر
 سو یولارین خیامه تا دوندریم سراسر
 قویموم بیزه تا پا ال آخر بو بی خیالر
 ایلوم دچار آخا من بو قومی مشکلاته
 گهوارده حسین جان گوردوم سولوبدی اصغر
 یوخدی سودی رباین بو دللریله سویلر
 ای طفل ناتوانیم سو اولموری میسر
 سو یوخدی نسگل اولسون عالمده مؤمناته
 سنده خلیل نژادیم توک اشگوی عذاره
 عرض ایله یا ابا الفضل ایله منه نظاره
 قویما بو حسرتیله آقا گیدیم مزاره
 سیز درگهه کرمسوز من گلیمیشم براته

احوالات حضرت ابا الفضل (شجاعت)

مرتضیٰ علینون دُر دانه سیم من
 عترت رسولین پروانه سیم من
 عباس هزینم من
 نوکر حسینم من
 آپارام گرک سو آپارام گرک سو
 من شأن و شجائین داراسیم ای قوم
 طفلان حسینون سقا سیم ای قوم
 چون مهر و وفائین دریاسیم ای قوم
 دامنیم دوتوب قیزلار
 آغلوری اوغولسوزلار
 آپارام گرک سو آپارام گرک سو
 شمع شهادیم دریای شجاعت
 عباس دل آور نوکر امامت
 گلدیم آپارام سو خیمه جماعت

چون قالوب سوسوز عترت
 ای گروه پس فطرت
 آپارام گرک سو آپارام گرک سو
 من حامی دینم گچشم اوزومدن
 وار نفس نقدری دونرم سوزومدن
 اوچ شعبه‌لی پیکان درسه ده گوزومدن
 ئولسمده سعادتدی
 دینیمه حمایتدی
 آپارام گرک سو آپارام گرک سو
 سو وعده سی ویردیم خیمه دن گلنده
 سولموش سوسوزوندان گُلره چمنده
 پژمرده دل افکار قیزلاری گورنده
 اصغر آغلوری بیرده
 اورگیم گلوب درده
 آپارام گرک سو آپارام گرک سو
 سو اولماسا هرگز حاضریم ویرم جان

سو اذن ویروبدی چون شاه لب عطشان
 بو باشی بو جانی ورم اونا قربان
 من وزیر مولایم
 عباس دل آرایم
 آپارام گرک سو آپارام گرک سو
 گلدیم آپارام سو من ای اهل کینه
 چون ویروب عطش یوز عترت حسینه
 بو مشکی سالوبدی چینیمه سکینه
 عارضه توکور اشکین
 چینیمه سالوب مشکین
 آپارام گرک سو آپارام گرک سو
 گل تک سارالوبدی گهواره اصغر
 او حالینه آغلور عرشیده ملکلر
 بر پادی خیمده بیر محشر دیگر
 آغلا شور حرم یکسر
 نالیه گلوب گوگلر

آپارام گرک سو آپارام گرک سو
 ای خلیل نژاد دوت دامنن ٹولنجه
 ایت سرشگی جاری دادوه گلنجه
 عرض ایله بو نوعی سن اونون دلینجه
 من شافع عصیانم
 چون وزیر سلطانم
 آپارام گرک سو آپارام گرک سو

شہامت حضرت ابا الفضل (نوحہ)

عباس نام آور منم
 سلطانہ سرلشکر منم
 اسلام و دینہ حامیم
 پور علی حیدر منم
 سالار دینہ نوکرم
 قوسا قاپوندان گیتمرم
 بیعت یزیدہ ایتمرم

عباس نام آور منم
 لشکر علی دلبندیم
 دین مبین پابندیم
 عشق حسینہ بندیم

عباس نام آور منم
 لشکر بنات مصطفیٰ
 عطشان قالب ایلور نوا
 شیون ایدور ارض و سما

عباس نام آور منم
 ای لشکر بی آبرو
 کیملہ اولوبسوز رو برو
 لاقل ویرون بی شربہ سو

عباس نام آور منم
 لشکر حیا ایلون بیر آز
 سو یولارین ایتمون دراز
 وار سوز اگر اهل نماز

عباس نام آور منم
 دنیایہ دینی ساتمیون
 نا پاکی پاکہ قاتمیون
 دینی باشوزدان آتمیون

عباس نام آور منم
 لشکر یزید نابکار
 ایلور سیزی بی اعتبار
 ایستور اولاسوز خوار و زار

عباس نام آور منم
 درس وفا مندن آلون
 دربار حقہ سیز قالون
 دین حقہ لنگر سالون

عباس نام آور منم
 من شیر یزدان اوغلویم
 معنای قرآن اوغلویم
 سلطان مردان اوغلویم

عباس نام آور منم
 دوند رمرم یوز جنگیدن
 باک ایتمرم من مرگیدن
 وار امتیازیم هنگیدن

عباس نام آور منم
 گر ایلہ سم جنگ و جدل
 گفتاریمہ قیلام عمل
 باک ایتمرم گلہ اجل

عباس نام آور منم
 یازدی خلیل نژاد سوزی
 آغلار بو محنتده گوزی
 پابندی دور دینہ اوزی

عباس نام آور منم

زبان حال حضرت ابا الفضل (ع)

حسین جان قولاریم اولدی قلم فریاده گل قارداش
 آلوب اطرافمی دشمن اوزون امداده گل قارداش
 سنوب بال و پریم دوشوبدی اللریم
 یولون گوزلور سنون بو قانلی گوزلریم
 اخا جدیت ایلیدیم بو مشکه دگمسین تاوخ
 هزارافسوس ولی دگدی خجیل ایتدی منی چوخ چوخ
 بو قدری بول آتام اوغلی سو مشکیمده داخی سو یوخ
 سویوم گیتدی قولوم دوشدی اقلاً داده گل قارداش
 سنوب بال و پریم دوشوبدی اللریم
 یولون گوزلور سنون بو قانلی گوزلریم
 تاپوپلار الیلر قارداش بو قولسوز پیکره ال گل
 سالوبلار شیروی ایندی کمنده لطف ایدوب گل گل
 اولور گوزده منیم زندان بو پهناور اخا چول گل
 دوشور جنگ جمل بدر و حنین هی یاده گل قارداش
 سنوب بال و پریم دوشوبدی اللریم
 یولون گوزلور سنون بو قانلی گوزلریم

علینون وارثی قارداش قلم اولدی قولوم تئز گل
 باشیم اللرده دی مولا سَنوب صاغ و صولوم تئز گل
 هجوم آورا لوب دشمن فراره یوخ یولوم تئز گل
 دیمه بو پُراسف حالی داخی افراده گل قارداش
 سَنوب بال و پریم دوشوبدی اللریم
 یولون گوزلور سنون بو قانلی گوزلریم
 امام رهبریم تئز گل باشیم اللرده دی ایندی
 یوبانما گوزلره قربان گوزوم گوزلرده دی ایندی
 منی آتدان یخوب دشمن سوزوم دللرده دی ایندی
 حسینیم قدرتون گستر اوزون جلاده گل قارداش
 سَنوب بال و پریم دوشوبدی اللریم
 یولون گوزلور سنون بو قانلی گوزلریم
 دوشنده تپراقا آتدان آنام زهرا قولون آچدی
 محبتله دانشدیردی منی حتی قولون آچدی
 دیدی گل سینه مه اوغلوم بله یاتما قولون آچدی
 یتیشدی موقع حساس حسین جان داده گل قارداش

سنوب بال و پریم دوشوبدی اللریم
 یولون گوزلور سنون بو قانلی گوزلریم
 یارالی باشیمی آلدی آنام زهرا دیزی اوسته
 نوازش ایلوری قارداش منی آهسته آهسته
 دیور زهرا سنه قربان اولوبسان چوخ بالا خسته
 آنام زهرانیده گوردوم اوزوم دنیاده گل قارداش
 سنوب بال و پریم دوشوبدی اللریم

یولون گوزلور سنون بو قانلی گوزلریم
 خلیل نژاده قیل احسان قلمی قوی روان اولسون
 یازاندا سوز سیزه باری حقیقت تا عیان اولسون
 حمایت ایلون مولا کلامی جاودان اولسون
 دیسون سقا دلینجه بیراوزونده داده گل قارداش
 سنوب بال و پریم دوشوبدی اللریم
 یولون گوزلور سنون بو قانلی گوزلریم

وداع امام حسین (ع) جوشی

ای افتخار مسلمین گیتمه حسین گیتمه
 ایتمه بیزی چوخ دل غمین گیتمه حسین گیتمه

آغلور دالونجا قیزلارون ساخلا ایاق قارداش
 آل الله بو چولده چون سنسن دایاق قارداش
 مشکلدی باشسیز قیزلارا نار فراق قارداش
 آگاهسن قارداش حسین گیتمه حسین گیتمه
 هرکس گیدوب میدانه چون آلقان گلوب قارداش
 دین خداوند اولوب قربان گلوب قارداش
 جسمین ایدوب تیر عدوشان شان گلوب قارداش
 آخر اولوب قربان دین گیتمه حسین گیتمه
 اوغلون علی اکبری آلقان ایدوب لشکر
 گلر کیمین گل جسمنی خندان ایدوب لشکر
 قارداش بو چولده ظلمیده طغیان لشکر
 حدن چیخوبدی ظلم کین گیتمه حسین گیتمه
 گیتسون بویالا قانوه بو مردم نادان
 پامال اولار قرآن و دین ای حافظ قرآن
 باشسیز قالار خرد و کبار زینب سنه قربان
 سنسن امیر المومنین گیتمه حسین گیتمه
 ازبسکه من شرمندیم سیر اولموشام جانندان

کربوبلاده از قالور دریا اولا قاندان
 چیخدی غم محنتلریم قارداش منیم ساندان
 قالمور داخی یار و معین گیتمه حسین گیتمه
 ای وارث شیر خدا قویما بیزی تنها
 گیتسون عزیزیم نیله سون بو زینب کبری
 نه اوغلون اکبر زنده دی نه قارداشیم سقا
 ای رهبر دین مبین گیتمه حسین گیتمه
 اولدی شهید اوغلون علی هی آغلوری لیلا
 گوز یاشینی رخسارینه هی باغلوری لیلا
 اکبر غمینده سینه سی هی داغلوری لیلا
 ناله ایدور حزین حزین گیتمه حسین گیتمه
 قارداشلارون اولدی شهید یوخ یار و انصاریم
 سنده حسین گیتسون داخی قالماز هواداریم
 بیر سمتیده قارداش یاتوپ قولسوز علمداریم
 سس ویرموری اول مه جبین گیتمه حسین گیتمه
 زینب باجون اشکین توکور رخسارینه قارداش
 لطمه یتور هر لحظه ده افکارینه قارداش

آغلور اباالفضلین دوشن قولارینه قارداش
 قان ایلوب غملر دلین گیتمه حسین گیتمه
 آندوه غملر ایلوب بو قلبیمی آلقان
 احوالوه من آغلورام قارداش سنون هر آن
 بو چولده مظلوم جانوه جانیم اولا قربان
 قالدون عجب یالقوز حسین گیتمه حسین گیتمه
 سن تک یانان شمعہ حسین پروانیم منده
 عشقونده چوللرده گزن دیوانیم منده
 قول اوسته قارداش سن کیمین مردانیم منده
 اولما آخی مندن غمین گیتمه حسین گیتمه
 یاز بو خلیل نژادی سن نوکر آنام اوغلی
 بیزدن اُتور دائم تلاش ایلر آنام اوغلی
 هر گون اورکدن یا حسین سسلر آنام اوغلی
 یاز آدینی سن مخلصین گیتمه حسین گیتمه

وداع امام حسین نوحه آهنگ جدید

یا حسین گیتمه بو کارزاره
 رحم ایلہ بو نچه اشکباره

آهو تک هی ملرو بو رقیه
 چوخ توکور گوزیاشین گلعذاره
 یا حسین یا حسین یا حسین جان
 جان زینب دایان باری بیر آن
 آل قوجاقه حسین اُوپ یوزوندن
 گوزیاشین پاک ایله سن گوزوندن
 قلبینی غصّه دوندردی قانه
 سن سوروش بو سوزی گل اوزوندن
 یا حسین یا حسین یا حسین جان
 جان زینب دایان باری بیر آن
 لطف ایله بیر قدم ساخلا قارداش
 آز یول اوسته بله آغلا قارداش
 قوی اوپوم گل بوغازون حسینیم
 صوندا بو سینمی داغلا قارداش
 یا حسین یا حسین یا حسین جان
 جان زینب دایان باری بیر آن

بو گیدیش قلبیمی درده سالدی
 طاقت و صبریمی الدن آلدی
 قوی الون سینمه آرام اولسون
 بیرده دیداریمیز حشره قالدی

یا حسین یا حسین یا حسین جان

جان زینب دایان باری بیر آن

آل بو پیراهنی گی حسین جان
 سویماسین نعشوی بلکه دونان
 غارته ال آچاندا جماعت
 قالماسین گون قباقینده عریان

یا حسین یا حسین یا حسین جان

جان زینب دایان باری بیر آن

جسموی بو جماعت سویالار
 پیکر پاکوی عور قویالار
 گلموری فکریمه بیرده قارداش
 ظلمیدن بو جماعت دویالار

يا حسين يا حسين يا حسين جان

جان زينب دايان باري بير آن

قول سالوم بوينوا بيرده قارداش

گلدی قلبيم منيم درده قارداش

قورخورام من حسين جان بوچولده

گل جنازون قالا يرده قارداش

يا حسين يا حسين يا حسين جان

جان زينب دايان باري بير آن

اشک چشميم دونور قانه قارداش

بيرده دون باخ بو نالانه قارداش

جسمیدن روحيم آزقالدی چيخسون

رحم قيل بو قوري جانه قارداش

يا حسين يا حسين يا حسين جان

جان زينب دايان باري بير آن

الموسان قانيله دستمازون

قيلموسان يا حسين سن نمازون

ایندیکه بیزلری ترکی ایدورسن
 قوی اوپوم بیرده من گل بوغازون
 یا حسین یا حسین یا حسین جان
 جان زینب دایان باری بیر آن
 سن یانان شمعہ پروانیم من
 عشقیده سانما بیگانیم من
 عاشقم من ازلدن حسینم
 قول عشقیمده مردانیم من
 یا حسین یا حسین یا حسین جان
 جان زینب دایان باری بیر آن
 من خلیلی نژادم حسین جان
 وار سلامم سنے بو اوزاقدان
 ایستورم بیر گورم کربلانی
 سنده قیل بیر منه لطف و احسان
 یا حسین یا حسین یا حسین جان
 جان زینب دایان باری بیر آن

نوحه روز عاشورا (فارسی)

یا مهدی یا مهدی
 عاشورای حسین است در عالم شورشین است
 یا حجت الله یا حجت الله
 یا مولا یا مولا
 در کربلا گذر کن بر کشته هانظر کن
 یا حجت الله یا حجت الله
 مهدی جان مهدی جان
 گلزار دین خزان شد ماتمرا جهان شد
 یا حجت الله یا حجت الله

نوحه روز عاشورا (ترکی)

عاشورا عاشورا
 دنیایه اثر ایلر اعلان خطر ایلر
 مظلوم حسین وای مظلوم حسین وای

آغا جدان داغ داشدان

گلور الآن بو صدا	موجودات ایلور نوا
مظلوم حسین وای	مظلوم حسین وای
سمادن	هوادن

معناده سس گلوری	دلری غم دلوری
مظلوم حسین وای	مظلوم حسین وای
شیعه لر	شیعه لر

اگنه قاره گیر	ایوای حسین وای دییر
مظلوم حسین وای	مظلوم حسین وای
زهرانون	زهرانون

اوغلی باتوب آلقانه	تأثیر ایدور انسانه
مظلوم حسین وای	مظلوم حسین وای
اسلامین	اسلامین

گلزاری سولان گوندور	دلر قان اولان گوندور
مظلوم حسین وای	مظلوم حسین وای
یا زهرا	یا زهرا

گل سنده آغلا خانم	سینوی داغلا خانم
مظلوم حسین وای	مظلوم حسین وای
اوغلوون	اوغلوون
روز عاشورا سیدور	محشر کبراسیدور
مظلوم حسین وای	مظلوم حسین وای
گل خانم	گل خانم
طوفاندی کربلاده	اوغلون قالب آراده
مظلوم حسین وای	مظلوم حسین وای
کربلا	کربلا
ای کاش داغ اولیدی	دوره سی باغ اولیدی
مظلوم حسین وای	مظلوم حسین وای
آهولر	آهولر
چوللرده ایندی مکر	غم اوخی قلبین دکر
مظلوم حسین وای	مظلوم حسین وای
ای صبا	ای صبا
ویر خبر انبیایه	گلسون هامی عزایه

مظلوم حسین وای	مظلوم حسین وای
عزایه	عزایه
سینه لری داغلیاق	گلون بیزده آغلیاق
مظلوم حسین وای	مظلوم حسین وای
حسینون	حسینون
ثولوب عباسی بو گون	باشلانندی یاسی بو گون
مظلوم حسین وای	مظلوم حسین وای
اکبری	اکبری
دوغرانبوب جنگ ایدنده	گیوب کفن گیدنده
مظلوم حسین وای	مظلوم حسین وای
قاسمین	قاسمین
رنگین و الوان اولوب	طوی لباسی قان اولوب
مظلوم حسین وای	مظلوم حسین وای
اصغری	اصغری
اولوب دینینه قربان	بیچوب حلقینی پیکان
مظلوم حسین وای	مظلوم حسین وای

عباسین	عباسین
دوشوب تپراقه علم	اولوب قولاری قلم
مظلوم حسین وای	مظلوم حسین وای
کربلا	کربلا
غم گلور هر گورنه	بنزور سولان گلشنه
مظلوم حسین وای	مظلوم حسین وای
زینین	زینین
کاسه صبری داشوب	غمیری حدن آشوب
مظلوم حسین وای	مظلوم حسین وای
گلشنین	گلشنین
سولسادا خزان اولماز	گللری بله سولماز
مظلوم حسین وای	مظلوم حسین وای
زهرا جان	زهرا جان
قیل نظر فوق العاده	لطف ایت خلیل نژاده
مظلوم حسین وای	مظلوم حسین وای

نوحه روز عاشورا

کربلا دشتینده اولدی محشر عاشورا گونی
غصّه دن آلقانه دوندی دلر عاشورا گونی
گلستان اولدی خزان

آغلادی صاحب زمان

اولین قانه باتان اول اکبر شهزاده دی
عالمی گوزدن آتان اول اکبر شهزاده دی
عالی مقصوده چاتان اول اکبر شهزاده دی
دین یولوندا دوغرانبودی اکبر عاشورا گونی
گلستان اولدی خزان

آغلادی صاحب زمان

قاسم شهزادنون جسمی اولوب شانشان بوگون
دین و اسلامه اولوبودی اول جوان قربان بوگون
پیکر پاکی اولوب گللر کیمی خندان بوگون
قرمزی گل تک اولوبودی پرپر عاشورا گونی

حيدر کرار عزيزی اذن آلوب گيتسين سووا
 زينب کبری او دم عباسینی ایلوب دعا
 اشتياقیله ابا الفضل دوشدی یاران تئز یولا
 حمله ور اولجاق سنوبدی صفر عاشورا گونی
 سسلدی لشگر منم فتاح خیبر وارثی
 قدرت الله او غلویام معناده حيدر وارثی
 هم اوزوم شیرم همی شیر دل آور وارثی
 گلمشم جنگ ایلیم من یکسر عاشورا گونی
 نعره الله اکبر چکدی سقای حسین
 ایتدی حمله وارث مولا امیرالمومنین
 گوردی هر یردن گلور سقا سنه صد آفرین
 فخر ایدور بو جنگه بی حد ائلر عاشورا گونی
 آه او ساعتدن عزیزان دوشدی عباسین قولی
 گوزلرین قان آخدی دوتدی تاپادی اصلا یولی
 ساغ قولی اولدی قلم شمشیری آلدی تئز سولی
 آغلادی احوالینه پیغمبر عاشورا گونی

گوردی زهراده قولون آچدی دیدی گل سینمه
 سن اوغول کربوبلاده قویموسان منت منه
 اولموسان قربان حسینه فاطمه قربان سنه
 آغلوری بو حالوه چوخ گوزلر عاشورا گونی
 دوتدی ظلمت عالمی غم داشدی دریالر کیمین
 کربلاده اولدی طوفان آیری صحرالر کیمین
 شرمسار اولدی اباالفضل مثل سقالر کیمین
 آغلادی آندوه و غمدن چوللر عاشورا گونی
 اصغر شش ماهه نینده حلقینی پیکان بیچوب
 دین یولوندا آلتی آیلقدن بالا جانندان گیچوب
 گل چین بو روزگار بیریرگوزل گللر سیچوب
 سویرینه قان ایچوبدی اصغر عاشورا گونی
 اصغرین احوالینه میداندا لشکر آغلادی
 آتدیلار شمشیریره بیر عده کافر آغلادی
 اوخ بیچنده حلقینی قوم ستمکر آغلادی
 منقلب اولدی قلوب لشکر عاشورا گونی

سربسر اولاد هاشملىر قانا غلطان اولوب
 بير قرانلوق يل آسوب دشت بلا طوفان اولوب
 سر زمين كربلا قانلاريلن الوان اولوب
 پخش ايدوبدور هريره قان يللر عاشورا گونى
 يار و انصار حسين بير بير گيدوب قانه باتوب
 امر مولايه اطاعت ايليوب راحت ياتوب
 حقه پشتيبان اولوب بو عالمى گوزدن آتوب
 آغليوب گرچه بو غمده گوزلر عاشورا گونى
 شاه دين برنامه توكدى مكتب قرآينه
 مرتضى اوغلانلارى بير بير بو ياندى قانينه
 راضى اولدى هر قدر اوخ نيزه دگسه جانينه
 عاقبت آلقانه باتدى رهبر عاشورا گونى
 شاه دين آتدان دوشن وقته ملكلر آغلادى
 آلدى عمامه اله معناده حيدر آغلادى
 من بله بولم يقين زهراى اطهر آغلادى
 گوزياشين توكدى عذاره كيملر عاشورا گونى

ختم ايله بسدور خلیلا یاندی دلر بو غمه
فکر ویرسون قوی بو لارا اول بیت اولده دمه
باش یارانلار تئز ویرار بوسوز اوخونسا بیر قمه
چون اولوب آلقانه غلطان اکبر عاشورا گونی

احوالات قتلگاه امام حسین (ع)

قوملارین اوسته یاتوبسان بله راحت یارالی
واردی جسمونده سنون چوخلی جراحت یارالی
آخوری قان یارالاردان گورورم چشمه کیمین
چوخدی بو جسم شریفونده علامت یارالی
باشاباش زخمی بو پیکر عریانون حسین
نقدر دشمن ایدوب سنله عداوت یارالی
بنزیرور پیکروون یاره لری گُلستانا
گلشن و باغیده اولماز بو طراوت یارالی
اوخشویور بویارالار خلدبرین گُللرینه
بسکه وار دور بو گُلستاندا لطافت یارالی

نیزه و اوخ قلینج آلتیندا قالب گل بدنون
 یوخوموش فرقه اعداده شرافت یارالی
 یوخسا بیر جسمه بو قدری یارا ورمازلا حسین
 قالمیوب ذره جه هیچ جای سلامت یارالی
 نقدر قلیلرینده واریمش بغض و عناد
 ایلیوبلر سینه بو نوع جسارت یارالی
 یوزلری گلمسین هیچ عالم فانیده گوروم
 گورمه سونلر داخی خوش گون بو جماعت یارالی
 باشوی شمر کسوب جسموی ناقص ایلیوب
 معاویه اوغلونا ایلیوبدی اطاعت یارالی
 یاندیروب قلب بتولی گیده تا خلعت آلا
 زهرمار اولسون اونون آلدیقی خلعت یارالی
 بولورم مقصدینه شمر دنی چاتمیا جاق
 عمریده گورمیجک ذره جه عزت یارالی
 ولی یاندیردی بیزیم قلبیمیزی صد افسوس
 نار دوزخده یانیدی او کثافت یارالی

اللرون کسدی کیم ای شاه لب عطشان دی گوروم
 کیم بو نوعی ایلدی ظلم و جنایت یارالی
 بارماقون بجدل آپاردی بله معلوم اولوری
 یوخوموش اوندادا هیچ ذره شرافت یارالی
 رسمدور جسمی تانولار اوچ علامتدن حسین
 جسم پاکونده سنون قالمور علامت یارالی
 نه باشون وار نه الون نه یارالی پیرهنون
 اهرمنلر ایلوب جسموی غارت یارالی
 جسموی ایله سویوبلار بله معلوم ائلوری
 ایلوب قوم شرور غارته عادت یارالی
 اوپریم بو کسیک حلقون نگران اولما حسین
 پرچمون الده دوتوب ایلرم همّت یارالی
 سن گیدن یولاری من طی ایلوب کام آلام
 دینه منده ایدرم سن تک حمایت یارالی
 استقامت ایلوب حقوی اثبات ایدرم
 قویمارام ظلم ایلینلر اولا راحت یارالی

ہریرہ گیتسم حسین دشمنی رسوا ایدرم
 ایلرم مجلس دشمنده شہامت یارالی
 آل پیغمبرین حیثیتینی ساخلیارام
 قویمارام جرأت ایدہ قوم ضلالت یارالی
 تختیدن من اونی سالام نگران اولماگیلان
 گر آیلسا یو خودان لحظہ بو اُمت یارالی
 کوفہ دہ شامیدہ قارداش او خورام خطبہ اوزوم
 ایلرم خطبہ ئلہ ملتی ساکت یارالی
 سندہ قرآن اوخی قوی خوابہ گیدنلراویانا
 ایدہ لر نفسلرین بلکہ ملامت یارالی
 کوفہ دہ شامیدہ من محشری برپا ایدرم
 خلقہ روشن اولاتا روز قیامت یارالی
 بو قرا پرچموی شامیدہ نصب ایلیرم
 من او گوندن اولارام بانی ہیئت یارالی
 آغلارم آغلادارام ہیئتین اعضالرینی
 دشمنین اوندادوتار قلبینی وحشت یارالی

آغلان شخصلره جنتی تضمین ایدرم
 هامسین ایلیرم جنته دعوت یارالی
 اولین زائر ووم قوی اوپوم اوخ یرلرینی
 ایلیم گل بدنون ایندی زیارت یارالی
 گر منه ویرسون اجازه آناما آند اولسون
 کربلا ده ایدرم منده اقامت یارالی
 آند اولافاطمیه سندن حسین دویمامشام
 سوزکه من عرض ایدورم وار دور حقیقت یارالی
 نعشوی عور قویوب بوردان حسین گیتلمیم
 جسموی قبره قویام اولمادی قسمت یارالی
 یوخدور امکائیم حسین یارلری باغلاماقا
 گوزیاشیلا ایدرم ایندی طبابت یارالی
 آغلان شیعه لره من یولی هموار ایلیم
 بودا بیر قسمتیمش اولدی سعادت یارالی
 گله جکله قاپوا دسته به دسته بولورم
 ایده جکله حرمون جمله زیارت یارالی

ایلورم خواهش حسینیم منی عفو ایلین
 اولموشام محضر قدسونده خجالت یارالی
 استقامت ایلوری شعریده بو خلیل نژاد
 حشریده سنده ایله باری شفاعت یارالی
 ای خلیلا گوزوون یاشینی توک سنده یوزه
 بلکه گوزیاشویله تئز تاپا صحت یارالی

نوحه قتلگاه زبانهال حضرت زینب (س)

حسین قارداش عازم شامه
 دور منی یولا سال سنه قربان
 دونوب باغیریم غصه دن قانه
 گگلومی بیرده آل سنه قربان
 آنام اوغلی ای آنام اوغلی
 ای آنام اوغلی مهربان قارداش
 گلور قیزلار هم اوغولسوزلار
 بو یول اوستنده قارداش افغانه

چکوبلر سس آغلاشور باهم
 آل پیغمبر چون یانا یانه
 یانور هجرونده گئجه گوندوز
 ای آنام اوغلی غملی پروانه
 بیزه چیخدی قرعدن گویا
 قوی دییوم بيله فال سنه قربان
 آنام اوغلی ای آنام اوغلی
 ای آنام اوغلی مهربان قارداش
 گوزوندن قارداش ایراق اولا
 قول قولاً بیزی باغلیوب دشمن
 چکوبدی داغی داغ اوستندن
 دللری یکسر داغلیوب دشمن
 گهی ظلمون ایلیوب آشد
 گاه سس چکوب آغلیوب دشمن
 داریخدیم دور سال بیزی یولا
 سن اوزون بوردا قال سنه قربان

آنام اوغلی ای آنام اوغلی
 ای آنام اوغلی مهربان قارداش
 بو صحرايه من گلن زمان
 ساغیدی حسین قارداشیم عباس
 ویروردی دائم گئجه گوندوز
 اول وفا کانی اهلّیته پاس
 ولی حق اوسته شهید اولدی
 من دوتانمادیم هیچ اونا بیر یاس
 گوزل جنگ ایتدی چوورمه دی
 دشمنه اصلا دال سنه قربان
 آنام اوغلی ای آنام اوغلی
 ای آنام اوغلی مهربان قارداش
 ابوالفضلین مشگی اوخلاندی
 قلیبیر یاندی ای شه عالم
 قلم اولدی قولاری قارداش
 آغلادی یقین جدیمیز خاتم

سوسوز قیزلار شیونه گلدی
 خیمه لر یاندا حسین باهم
 آنام زهراده توکوب اشکین
 اولدی پریشان حال سنه قربان
 آنام اوغلی ای آنام اوغلی
 ای آنام اوغلی مهربان قارداش
 ابوالفضلین قانلی پرچمین
 چینیمه آلوب من دولانديرام
 عدودن هیچ ایتمرم پروا
 ایولرینده قارداش اوتانديرام
 قیزون دوشسه قالسا چوللرده
 کاروانی حتماً دایانديرام
 تاپاماسام بوینوما سلام
 بیرده بیر قرا شال سنه قربان
 آنام اوغلی ای آنام اوغلی
 ای آنام اوغلی مهربان قارداش

حسین اولما ناگران قارداش
 انتقام آلام اشقیالردن
 همیشه من ایلرم دفاع
 سن کیمین جهاندا فدالردن
 مجالسده باشلارام خطبه
 ایسترم امداد آشنالردن
 داخلی قویمام دشمنه ویرسون
 بهره ملک و هم مال سنه قربان
 آنام اوغلی ای آنام اوغلی
 ای آنام اوغلی مهربان قارداش
 طناب عشقه ازل گوندن
 نیلیوم داخلی بستیم قارداش
 آذان باشلا تئز یولا دوشسون
 غافلیم منیم خستیم قارداش
 یوبانما ای گوزلریم نوری
 ایندی من بو یول اوستیم قارداش

و یا این که شیشهٔ عمروم
 آل اله داشه چال سنه قربان
 آنام اوغلی ای آنام اوغلی
 ای آنام اوغلی مهربان قارداش
 گوروب کیم تا هانسی باجینی
 قارداشی ئوله قمچی ویرالار
 ایدوب غارت خیمه لرینی
 خرداجا قیزلارینی سویالار
 ئولنلرین نـعـشینی عریان
 گـونـلرین قـباـقینـده قویالار
 تـوـکه گـوزیـاشین عـذارینـه
 شدّیله اطفال سنه قربان
 آنام اوغلی ای آنام اوغلی
 ای آنام اوغلی مهربان قارداش
 خلیل نژاد یاز بو اشعاری
 دائماً آغلات سن عزاداری

اوْخی مولادن گئجه گوندوز
 فیض یاب ایله غملی حضّاری
 ایله دعوت مجلسه گلسون
 قولاری دوشن اول علمداری
 برات کربوبلا ایسته
 سن بو حضّاره آل سنه قربان
 آنام اوغلی ای آنام اوغلی
 ای آنام اوغلی مهربان قارداش

نوحه قتلگاه جوشی

ای قانه غلطان اولان ایوای حسینیم وای
 گلر کیمین خندان اولان ایوای حسینیم وای
 قارداش حسین من عازم شامه سنه قربان
 اگنیمده وار دور بیر سیه جامه سنه قربان
 ایله دعا بلکه چاتوم کامه سنه قربان
 ای جسمی یکسر قان اولان ایوای حسینیم وای

زینب باجون شامه گیدوردورسال یولا قارداش
 دشمن عیالون باغلیوبدی قول قولا قارداش
 باشلا اذان قوی سرفراز باجون اولا قارداش
 ای دینینه قربان اولان ایوای حسینیم وای
 ساخلا علی اکبری یانوندا سن قارداش
 قوی منده هجرونده توکوم رخساریمه قانیاش
 قارداش بله گونلرگورونجه من ئولیدیم کاش
 ای پیکری عریان اولان ایوای حسینیم وای
 زینب توکور رخسارینه گوزیاشینی قارداش
 آلقان ایچینده گوردی چون قارداشینی قارداش
 غصّه آغادی تئز زماندا باشینی قارداش
 ای عترتی گریان اولان ایوای حسینیم وای
 روز ازلدن عاشقم رفتاروه قارداش
 قربان اولومبو ایتدوقون کیرداروه قارداش
 گل نطقه بیرده لطف قیل غمخواروه قارداش
 ای زینت میدان اولان ایوای حسینیم وای

سولدی گُلستانون حسین زینب سنه آغلار
 دائم توکر گوزیاشینی رخسارینه باغلار
 هرگون حسینیم وای دیوب سینه سینی داغلار
 ای مظهر ایمان اولان ایوای حسینیم وای
 زینب سنون احوالوی دائم سالار یاده
 اندوه و محنتدن حسین گونده گلر داده
 بیربیله غم قارداش سنه چوخ کلمه سین ساده
 ای عاشق جانان اولان ایوای حسینیم وای
 قارداش گلنده من بورا گلدیم جلالیه
 ایندی ولی کوچ ایلورم پڑمردہ حالیه
 شاماته کاروان گیدور اوزگه ملالیه
 ای قیزلاری گریان اولان ایوای حسینیم وای
 بو غملی احوالی یازوب قارداش خلیل نژاد
 یازدوقجا هی گوزدن توکوب قانیاش خلیل نژاد
 بو غملی صحراده اولا ایکاش خلیل نژاد
 ای حامی قرآن اولان ایوای حسینیم وای

نوحه قتلگاه

زینبون پریشان گوزیاشی اولوب قان
 دور بیزی یولا سال ای یارالی سلطان
 زینبی حسین دیندیر ناقیه اوزون میندیر
 ای یارالی قارداش ای یارالی قارداش
 آغلارام حسین جان غملی بو چمنده
 اولمادیم یانوندا ساربان گلنده
 باری قویمویدیم اللرون کسند
 من بو دردیلن ئولم داد و شیونه گلم
 ای یارالی قارداش ای یارالی قارداش
 ای منیم امیدیم یاتما دور ایاقه
 قویما چوخ یانوم من نار ایشتیاقه
 وار منیم بولورسن چوخ سنه علاقه
 من بو غمده آغلارام سنه سینه داغلارام
 ای یارالی قارداش ای یارالی قارداش

قیزلارون گیدور دور سال یولا حسینیم
 باغلانوب عیالون قول قولا حسینیم
 قویما قلیلر چوخ قان اولا حسینیم
 دوندی باغریمیزقانه دویموشوخ حسین جانه
 ای یارالی قارداش ای یارالی قارداش
 قانوه بو چولده باتمسان یارالی
 عالمی گوزوندن آتمسان یارالی
 مقصد و مرامه چاتمسان یارالی
 دینی ایتمسن احیا شرمسار اولوب اعدا
 ای یارالی قارداش ای یارالی قارداش
 باخما قویمو یوبلار آغلیام دویونجا
 بزم ماتمون من ساخلیام دویونجا
 اشگیمی عذاره باغلیام دویونجا
 شیعه لر سنه آغلار مجلسی عزا ساخلار
 ای یارالی قارداش ای یارالی قارداش
 کربلاده قویدون بیر بیوک علامت

شيعه لـر گلـلر ايتماقا زيارت
 پيکرون ياراسی اوندا اولار سلامت
 صبر ايله سنه قربان ای شهنشـه خوبان
 ای یارالی قارداش ای یارالی قارداش
 بو خلیل نژادین وارد بیر مرامی
 قربتاً الا لله یازدی بو کلامی
 تا صبا گتورسون قبروه پیامی
 بیر بیان گویا ویر سوز یازاندا دریاویر
 ای یارالی قارداش ای یارالی قارداش

توصیف امام حسین (ع)

چراغ نور هدایتدی فاطمه بالاسی
 سرور عشق و عبادتدی فاطمه بالاسی
 ایکی جهانـه اونی حق اوزی آقا یارادوب
 سرا پامهر و دیانتدی فاطمه بالاسی

نوحه دیگر احوالات کوفه

یا حسین یا حسین

یا حسین یا حسین

شاه خوبان حسین ماه تابان حسین

شیعه لر جانوه اولا قربان حسین

یا حسین یا حسین

یا حسین یا حسین

قانه غلطان حسین لب عطشان حسین

کربلا ده قالوب جسمون عریان حسین

یا حسین یا حسین

یا حسین یا حسین

نور و ایمان حسین جسمی شان شان حسین

شیعه لر عشقوه قالوب حیران حسین

یا حسین یا حسین

یا حسین یا حسین

دوغرانوب اکبرون . اوخلانوب اصغرون
 کربلاده سنون کیم کسوب اللرون
 یا حسین یا حسین
 یا حسین یا حسین
 گلستانون سولوب قلبیلر قان اولوب
 دللرین کاسه سی محنتیله دولوب
 یا حسین یا حسین
 یا حسین یا حسین
 ای شه کربلا عشقوه مرحبا
 حق یولوندا آخان قانوه جان فدا
 یا حسین یا حسین
 یا حسین یا حسین
 یا امام زمان قالوب آغلار جهان
 هر زمان جدوه آغلوری شیعیان
 یا حسین یا حسین
 یا حسین یا حسین

آغلور خلیل نژاد دائماً صبح و شام
ایستوری بیر صله سندن ای ذوالکرام
یا حسین یا حسین
یا حسین یا حسین

احوالات کوفه

کوفه ویرانه ده زینب قیامت ایلدی
دشمن خونخوار ایوینده چوخ شهامت ایلدی
مجلس ابن زیاده غم قطارین چکدیلر
قهرمان کربلا فوراً رشادت ایلدی
دشمنه دوتدی یوزون بو طرز یله ایتدی خطاب
کیم قوناقه اوزایوینده بيله جرأت ایلدی
احترام واجبدی مهمانه ایا شوم دنی
جان ویرنده جدیمیز بيله وصیت ایلدی
عالی بیر خطبه بیان ایتدی او یاتدی ملتی
حیدر کزار تک بی حد شجاعت ایلدی

چو خلاری بيله خیال ایتدی او خور خطبه علی
 کیم قولاق ویرجک دونوب نفسین ملامت ایلدی
 خطبه غرّار زینب گتدی هوشه مردمی
 خواب غفلتدن دوران عدوانه لعنت ایلدی
 مجلس ابن زیادى ايله وردى بیر بیره
 نطق آتشاريله ایجاد وحشت ایلدی

احوالات راه شام نوحه

ساخلا قطاری ساربان بیر دایان گیتمه
 یولدا قالبوب بیر باغر قان بیر دایان گیتمه
 ور لنگه قطاری
 آختاروم من باری
 قالدی منیم چولده بالام گیتمرم گیتمه
 دوشوب گرک منده قالام گیتمرم گیتمه
 تاپسام سینمده ساخلارام گیتمرم گیتمه
 چوخ ایلرم آه و فغان بیر دایان گیتمه
 ور لنگه قطاری
 آختاروم من باری

قارداشیمین دُر دانه سی قالدی بس ہاردا
 آل علی ریحانہ سی قالدی بس ہاردا
 شمع عزا پروانہ سی قالدی بس ہاردا
 ایندی یاتانمور قورخودان بیر دایان گیتمه

ور لنگہ قطاری

آختاروم من باری

زہرایہ بنزردی گوزی اول گُل یاسین
 نیلیدی زہرا تک یوزی اول گُل یاسین
 دائم بو اولموشدی سوزی اول گُل یاسین
 نالہ ایدردی ہر زمان بیر دایان گیتمه

ور لنگہ قطاری

آختاروم من باری

ایندی دیور آلہ بی یم ہاردا بس قالدی
 یوخسا کوسوب مندن منی تپراقا سالدی
 یاندیردی بو غم قلبیمی صبریمی آلدی
 اولدوم اورکدن ناگران بیر دایان گیتمه

ور لنگہ قطاری

آختاروم من باری

ای ساربان گیتمه دایان قالدی رقیم
الدن قرار و صبریمی آلدی رقیم
آتش منیم افکاریمه سالدی رقیم
ایندی آخور اشگی روان بیر دایان گیتمه

ور لنگه قطاری

آختاروم من باری

انصاف ایله دوندی منیم گوزیاشیم قانه
قوی بیر دولانیم چوللری من یانا یانه
دویدی یقین ایندی بالام واقفم جانه
آغلور او طفل ناتوان بیر دایان گیتمه

ور لنگه قطاری

آختاروم من باری

ایمان واروندی آلهها بیر قدم ساخلا
انسان کاملسن اگر سنده بیر آغلا
یان حالیمه گوزیاشوی عارضه باغلا
سندده ایله داد و فغان بیر دایان گیتمه

ور لنگه قطاری
 آختاروم من باری
 اولماز یقین انسان پاک پیروی شیطان
 انساندا اولسا عاطفه تئز تاپار سامان
 تقوا و ایمان صاحبی ایلمز طغیان
 سنده اقللاً بیر اوتان بیر دایان گیتمه
 ور لنگه قطاری
 آختاروم من باری

سلام بر رقیه فارسی

سلام ما به رقیه گل امام حسین
 به دخت احمد و محمود بود نور دوعین
 سلام ما به رقیه به آن مه تابان
 که مثل دُر گران در خرابه شد پنهان

سلام بر رقیه ترکی

ای رقیہ مظهر تقوا سلام اولسون سنه
 میوه باغ خانم زهرا سلام اولسون سنه
 ای صغیر سنیلن چوللرده آواره گزن
 گوشه ویرانه ده بی حد مصیباته دوزن
 عاقبت ویرانسرانی ایلین بیت الحزن
 محشر کبری ایدن بر پا سلام اولسون سنه

رباعی

گلمشوخ درگهوه ای گل زیبا بو گئجه
 بوش یولا سالما بیزی خاطر زهرا بو گئجه
 قیل نظر حالیمیزه غملریمیز حدن آشوب
 بو یانان قلبیلره ایله مداوا بو گئجه

قدر دانی از هیئت رقیه (س)

رقیه هیئتینون افتخاری وار بو گئجه
 مجالسند عجب اشکباری وار بو گئجه

دییون گلہ او مریضکہ جواب ایدوب دکتور
 هامی طبییپلرون تاجداری وار بو گئجه
 گلوبدی مجلسه حتماً اوزی خانم زهرا
 او دور که مجلسینون سوگواری وار بو گئجه

احوالات حضرت رقیہ دوبیت

ویرانه ده من گوهر پُر قیمتم عمه
 بو شهر دمشقین یرینه زینتم عمه
 بیر قیز منه عالمده نجابتده چاتانماز
 مه پاره کیمین صورتی مه طلعتم عمه
 اعلان ایله بو شامین اصیل قیزلاری بولسون
 باشندان ایاقا عصمت و هم عفتم عمه
 مندن گرک آلسونلا بولار درس حجابی
 دریای حیا و ادب و عصمت عمه
 من دختر شاهم زرو زیور ادبیمدی
 من که بولوسن دائمی خوش طینتم عمه
 قیزلار یغشاندا باشیما فخر ایلرم من
 ریحانه زهرائله هم صحبتیم عمه

سلطان حجازین دُر یک دانه سیم من
 گوهرلر ایچینده اودی پُر قیمتم عمه
 من شه قیزیام نو گل گلزارامامت
 دارای صفا و کرم و رحمت عمه
 اسلامه گوره شهر بلادی گزورم من
 علت اودی که اکبریمه حسرتم عمه
 من بیر گل نازم ولی ارزش ویرنیم یوخ
 بولموله قیامتده گل جنتم عمه
 من هاشیمیم سن کیمین هم راز واریمدی
 شام ایچره سنون غملروه شرکتم عمه
 زهرا کیمی گرچه یوزومه سیلی دگوبدی
 باش اگمشم دشمنه پُر قدرتم عمه
 آج قالماقیمی باخما سنه ایلورم اظهار
 بیگانه لره سوز دیمگه نفرتم عمه
 آج قالسام اگر وقریمی سندیمارام هرگز
 ویرانه ده آج قالماقا پُر طاقتم عمه

حسرت چکورم بلکہ گورم بیرده بابامی
 ایکاش یتہ باشہ بلہ رغبتہ عمہ
 زہرا آنامون خاطرینہ گل منی عفو ایت
 دائم بولورم من سن اوچون زحمتہ عمہ
 چوخ آغلیوب اینجیدمشم ہرآن سنی سوزیوخ
 من باشندان ایاقہ سن اوچون محنتہ عمہ
 چوخ زحمتیمی چکمو سن آخرا یون آباد
 مدیون فدا کاری و ہم رفعتہ عمہ
 ایستوردی یزیدین قیزی ویرسون منہ طعنہ
 بولموردی ولی صاحب شخصیتہ عمہ
 دوردوم قباقدادیدیم ای دختر ظالم
 یاخشی تانی من حافظ حیثیتہ عمہ
 سالدی اشاقا باشینی خجلت تری آخدی
 گوز آلتی ولی دقتیلن بیر منہ باخدی
 عرض ایتدی رقیہ ہانی بس ایندی جلالون
 گل تک سارالور لحظہ بہ لحظہ بو جمالون

اکبر کہ دیورسن ہارابس گیتدی رقیہ
 ویرانہ بوجاقین نیہ ترک ایتدی رقیہ
 ساخلا الوی سنده خلیلا ایله نالہ
 آغلا گوزوون یاشی آخا بلکہ جمالہ

نوحہ حضرت رقیہ آہنگ جدید

گلمہ نوایہ نازلی رقیہ
 ایتمہ گلایہ نازلی رقیہ
 قویما توکولسون اشگون عذارہ
 صبر ایت بلایہ نازلی رقیہ
 لای لای رقیہ
 لای لای رقیہ

ای گوزلریمون نور ضیاسی
 سنسن حسینون نازلی بالاسی
 زہرا آنامون جلوہ نماسی
 دل آچ دعایہ نازلی رقیہ

لای لای رقیہ

لای لای رقیہ

درد و ملالون یتدی هزاره

سعی ایله توکمه اشگون عذاره

دائِم دی دردون پروردگارہ

باتما عزایہ نازلی رقیہ

لای لای رقیہ

لای لای رقیہ

ویرانسـراده دارالشفا سن

عالم بولور که درده دواسن

قیزلار ایچینده سن مه لقاسن

بنزورسن آیه نازلی رقیہ

لای لای رقیہ

لای لای رقیہ

آلقانه اشگون قاتما رقیہ

گرد ترابه باتما رقیہ

چو خدور ملالون یاتما رقیہ
 دور چیخ صفایہ نازلی رقیہ
 لای لای رقیہ
 لای لای رقیہ

گلر ایچینده سن با صفاسن
 اُمیدگاه شاه و گداسن
 باشندان ایاقه مهر و وفاسن
 لطف ایت گدایہ نازلی رقیہ
 لای لای رقیہ
 لای لای رقیہ

دین گلشنیده زیبا رقیہ
 پاره قلب طہ رقیہ
 عیناً شبہی زہرا رقیہ
 اوخشار ہمایہ نازلی رقیہ
 لای لای رقیہ
 لای لای رقیہ

خلیل نژادین وار دور ملالی
 حدن چیخوبدی فکر و خیالی
 آغلور قاپوندا هر ماه و سالی
 گلور نوایه نازلی رقیه
 لای لای رقیه
 لای لای رقیه

زبانحال حضرت رقیه به سر بریده امام (ع)

گوشه ویرانه ده قلییم اولوب یاره بابا
 گوزیاشیم گوزدن آخور هر لحظه رخساره بابا
 شکر لله سن ولی گلدون منی یاد ایلدون
 چکدون آخر باش بو یرده غملی قیزلاره بابا
 یاخشی گلدون قوی دوروم باری دولانیم باشوه
 محضرونده شکر ایدوم خلّاق ستاره بابا
 من گرک قربان کسیدیم شهریار عالمه
 حیف یوخ امکان کسم قوچ ایندی سالاره بابا

من سنی گوردوم یادیمدان چیخدی فوراً غملریم
 اشگ آلیم آخمادی بیر لحظه رخساره بابا
 خیره لندی گوزلریم باخدیم گوزل رخساره
 آخدی اشگیم باخجاقین اول روی گُلناره بابا
 هارداقالمشدون بابا پوزموشدی غملر حالیمی
 آز قالوردی دشمنون چکسین بیزی داره بابا
 قال بیزیله دائماً گیتمه داخی آیری یره
 من سنی ویزم قسم قولسوز علمداره بابا
 من نقدری آغلورام یتمور الیم قارداشیمه
 بولمورم هاردادی بس اکبر مه پاره بابا
 کربلادن آیرلاندان باغیریمی غم قان ایدوب
 حسرتم صبح و مسا من باغ و گُلزاره بابا
 گل دله ویرانسراده بو پریشان حالیه
 سنده بیر ایله دعا هامی گرفتاره بابا
 گل دوداقونندان سنون اوپدوم بابا بو علتہ
 یول آچلسین قوی دیدیم دائم عزاداره بابا

یالواریدیم دائماً من خالق عالمِ لہ
 شکرِ اولاً اللہ تاپدیم دردی مہ چارہ بابا
 گوزلریم قالمشدی یولدا باغری می دوتموشدی غم
 ہی باخوردوم روزو شب گوزیاشلی یولارہ بابا
 چوخ فراقوندا توکوردوم عارضہ گوزیاشیمی
 حسرتیدیم دائماً من بیلہ دیدارہ بابا
 گل جمالون ایلین وقته زیارت من سنون
 عزّت آرتوردوم یقین عالمده زوآرہ بابا
 ایل یوردوم عمہ می دلدن دعا تاریک شب
 غملی حالیلہ گلوردوم بیلہ گفتارہ بابا
 عرض ایدیردوم بارالہا عمہ مہ سن یاور اول
 احتیاجی وار بونون ایندی مددکارہ بابا
 عمہ مہ قمچی ویروبلا رھر قدر یالوار میوب
 شامیدہ ویرانہ دہ بو قوم کفارہ بابا
 استقامت ایل یوب ہر یردہ دخت بو تراب
 جای فرصت قویمو یوب دنیادہ اشرارہ بابا

آل سفیان بولموسن آخر نجه رفتار ایدوب
 دوزموشوخ حق اوسته بیزده بیلہ رفتاره بابا
 عترت پیغمبره دشمن شماتت ایلوب
 گه ویروبلا ر قمچی یولدا باغلی قولاره بابا
 کوفه و شام ایچره باخدی گلدی اغیار بیزه
 لعنت حق جاری اولسون بیلہ اغیاره بابا
 محضرونده ویراجازه بیر سوزوم وار عرض ایدوم
 عممینده قولارین قمچی ایدوب یاره بابا
 محضروندن ایستورم من بیرجه خواهش ایلیم
 بیر برات کربلا لطف ایله حضاره بابا
 بو خلیل نژاده ده سن غیبیدن ایله کمک
 یعنی بیر دوز سالگیلان یازدوقجا اشعاره بابا

نوحه اربعین امام حسین (ع)

زینبون گلدی دور پیشواز ایت
 بیر دانشدیر حسین سرفراز ایت

جان زهرا آنام خستیم من
 یورقونام آز منه سنده ناز ایت
 باغیریم اولموش منیم قان حسین جان
 عن قریباً چیخار جان حسین جان
 چوللری گزمشم خسته یورقون
 گلمشم یانوا حالی پوزقون
 شامیده قالدی نازلی رقیم
 ایلدی دردیمی بی حد افزون
 باغیریم اولموش منیم قان حسین جان
 عن قریباً چیخار جان حسین جان
 زینین باغری قاندی حسینیم
 بیر دانشدیر اماندی حسینیم
 دشمنی جانی ایلوب شمات
 عالم آیری زماندی حسینیم
 باغیریم اولموش منیم قان حسین جان
 عن قریباً چیخار جان حسین جان

روزگاریم منیم تار اولوبدی
 غصّه و غم منه یار اولوبدی
 هاردا قلییم دوشوب خوفه قارداش
 تئز بالون یار و غمخوار اولوبدی

باغیریم اولموش منیم قان حسین جان
 عن قریباً چیخار جان حسین جان

کوفه ده ایلدیم استقامت
 دشمنیم اولدی قارداش خجالت
 بیر گوزل خطبه ایتدیم قرائت
 ایلدون سنده قرآن تلاوت

باغیریم اولموش منیم قان حسین جان
 عن قریباً چیخار جان حسین جان

شامیده گوزیاشیم دوندی قانه
 آغلادیم من حسین یانه یانه
 گوردوم آخشام اولاندا رقیون
 هیچ زاد اوسته دوتور هی بهانه

باغریم اولموش منیم قان حسین جان
 عن قریباً چیخار جان حسین جان
 بیر گئجه گوردوم آغلور رقیه
 عارضه اشگ باغلور رقیه
 گوزیاشی هی آخور گل عذاره
 گوئیا سینه داغلور رقیه

باغریم اولموش منیم قان حسین جان
 عن قریباً چیخار جان حسین جان
 عرض قیلدیم نیه یاتموسان بس
 گلدی قولاقیمه اوندا بو سس
 عمه جان من آجام طاقтім یوخ
 بولمسین بو سوزی گوزله بیر کس

باغریم اولموش منیم قان حسین جان
 عن قریباً چیخار جان حسین جان
 دوندی قلبیم منیم قانه قارداش
 آخدی رخساریمه فوری قانیاش

بو کلامه دوام ایلینجه
 تئز ئولیدی باجون اوندا ایکاش
 باغیریم اولموش منیم قان حسین جان
 عن قریباً چیخار جان حسین جان
 قلبیمی دلدی اول تیر محنت
 قدیمی آگدی بار مصیبت
 کاش ازلدن حسین من ئولیدیم
 اولمویدیم قیزوندان خجالت
 باغیریم اولموش منیم قان حسین جان
 عن قریباً چیخار جان حسین جان
 دردیمی من سایام باشه گلمز
 بیر نفر من چکن دردی بولمز
 بو قدر وار یوزوم بو جهاندا
 عمروم اولسا نقدر بیرده گلمز
 باغیریم اولموش منیم قان حسین جان
 عن قریباً چیخار جان حسین جان

بو خلیل نژادین یاندی قلبی
 یاندی بلکه الولاندی قلبی
 لطف ایله بیر گوره کربلانی
 کربلادن اوتور قاندی قلبی

باغیریم اولموش منیم قان حسین جان
 عن قریباً چیخار جان حسین جان

تولد حضرت زینب (س)

خانم زینب قدم قویدی جهان
 جهان معناده دوندی گلستانه
 بو گون باهم گلون بیزده عزیزان
 آلاق صاحب زماندان عید یانه
 سپون سو گلله اولسون صفالی
 که بلکه باشلاسون بلبل ترانه
 ازل گوندن بله مرسومدی یاران
 ایدلر احترام هر مهیمانه

گلوبدی مهیمان دخت رسوله
 دونوب زهرا ایوی باغ جناحه
 بجادی عرض ایدک زهرایه تبریک
 دوتاق جشن مجلل بیز شبانه
 ایدک دعوت بو جشنه مرتضانی
 اولا باغ جنان بو آستانه
 تاپام بلکه سعادت منده یاران
 گله بو طوطی نطقیم بیانه
 آلام زهرای اطهردن بو ساعت
 صله منده عزیزان مخفیانه
 گوزل گوندور بو گون میلاد زینب
 صله الماقلیقا وار دور بهانه
 گلن وقته وجوده بنت زهرا
 سفریدی پیمبر اول یگانه
 نچه گوندن صورا گلدی محمد
 گوروب گل تک آچوب اول نازدانه

گوتوردی اللرین سمت سمایه
 خدایه شکر ایدوبدی عاشقانه
 دیدی یارب تشکر ایلورم چوخ
 عنایت ایتموسن بو دودمانه
 گوزل گوهردی بو اعطا ایدوبسن
 چتین گورسون بله بیر قیز زمانه
 گلستان امامتده آچان گل
 قیام حشره تک گیتمز خزانه
 ایوون آباد اولای قادرالله
 بیوک احسان ایدوبسن شیعه یانه
 اوپوب اگلوب ویروب شیر خدایه
 دیدی مولایه بیر سوز محرمانه
 عم اوغلی یاخشی ساخلا بو بالانی
 بتولیمدن قالار بیر گل نشانه
 بونون باشیندا وار دور ماجرالار
 او سوزلر ایندیدن گلمز بیانه

خلیل نژاد سنده ایسته مطلب
عزیز گوندور ویرلر عیدیانه

توسل به حضرت زینب (س)

گل گوزل منطق و گفتاره دینن یا زینب
ایت توکل حق داداره دینن یا زینب
قلبوی دوتسا قرا نقطه ایترمه اوزوی
سال اوزون قوخما بو درباره دینن یا زینب
اولسا غالب سنه شیطان اورگون آغلاماسا
ویر قسم احمد مختاره دینن یا زینب
قیل نمازون گئجه گوندوز ایلمه غفلت آقا
عاشق اول خالق ستاره دینن یا زینب
گرایشون مشکله دوشسه سنون ای شیعه پاک
اول دخیل حیدر گَراره دینن یا زینب
اولسا عالمده مریضون گئجه گوندوزیمه غم
گیت نگاه ایله چمن زاره دینن یا زینب

نسخه الدہ دولانوب داروخانہ صفلرینی
 گزमे چوخ دهریده آواره دینن یا زینب
 هر زمان دردون اولا مهدی زهرا بویوروب
 سن دیمه دردوی اغیاره دینن یا زینب
 اول دخیل عمه مه عمم سنی مأیوس ایلمز
 دردوه حتماً ایدر چاره دینن یا زینب
 مستأجرا ولسون اگر روحوه چوخ ویرمه عذاب
 قیل توسل شه ابراره دینن یا زینب
 یو خدور اولادون اگر صالح عیال ایستیورسن
 باغلا بل قادر قهاره دینن یا زینب
 قرض دار اولسون اگر دهریده سندیر ما اوزون
 اگمه باش قوم تبهکاره دینن یا زینب
 یا که بی کارسان اگر نان حلال آختاروسان
 نامه یاز سید و سالاره دینن یا زینب
 هر زمان گیتسون عیادت ایده سن هر مریضی
 اوخی بیر حمد او بیمار دینن یا زینب

روزگارون اولاً تنگ بیرکسه دردون دیمه چوخ
 ایت دعا هامی گرفتاره دینن یا زینب
 کاروان گورسون حسین قبرینه زوار اولوری
 قاریش اول دستۀ زواره دینن یا زینب
 اهل عیالون سوزوه باخماسا ای مرد شریف
 یالوار اول حضرت داداره دینن یا زینب
 ایستین دوز یولا عالمده هدایت تاپاسان
 پیرو اول عترت اطهاره دینن یا زینب
 اورگوننده نه ملالون اولاً صدق دلیله
 آغلا دی قولسوز علمداره دینن یا زینب
 سال اوزون قولارینی یادوه توک گوزیاشوی
 یان اورکدن غمی سرداره دینن یا زینب
 گورسون هریرده حسین عشقینه پرچم وریلوب
 قات اوزون سنده عزاداره دینن یا زینب
 قلبوی پاک ایله اگلش او گلنلر کیمی سن
 توک گوزون یاشینی رخساره دینن یا زینب

کربلا گلشنین سولماقینی سال یادوا
 آغلا اول گلشن و گلزاره دینن یا زینب
 قیل نظر گلشن زیباده کفنسیز بدنه
 توک یوزه اشگوی صدماره دینن یا زینب
 گورنجه ایسی قوم اوستونده قالبوب نعشی حسین
 عور دور پیکر صد پاره دینن یا زینب
 اورگون یانسا حسین محنتینه آغلا بیرآز
 لعنت ایت فرقه‌ی اشراره دینن یا زینب
 خیمه لر اودا یانان وقته یانوب دلدن هامی
 آغلیوب عابد بیماره دینن یا زینب
 داغیلوب چوللره اطفال حسین وحشتیلن
 عترت الله قالبوب آواره دینن یا زینب
 ایت مجسم نظرونده او چتین مرحله نی
 آغلا اول غمزده قیزلاره دینن یا زینب
 کاروان دوشدی یولا آلا شوری اهل حرم
 کیم گوروب باشه سالور قاره دینن یا زینب

ویروری اهل جفا کاروان آتدوقجا قدم
 اُسرا قلبینه هی یاره دینن یا زینب
 سن خلیلا یازیسان شور و شغفله سوزوی
 دقت ایت یازدوقون اشعاره دینن یا زینب
 ایسته بیر کربوبلا بلکه عطا ایللیلر
 بوردا که آغلیان حَضّاره دینن یا زینب

شہامت حضرت زینب (س)

کان کرامت زینبدی زینب
 باب سخاوت زینبدی زینب
 ای اهل هیئت فخر ایلون سیز
 بانی هیئت زینبدی زینب
 زینب نه زینب کان وفادی
 باشندان ایاقه شرم و حیادی
 قدرتده عیناً شیر خدادی
 دارای قدرت زینبدی زینب

شرم و حیادہ زہرای اطہر
 مہر و وفادہ دخت پیمبر
 نطق و بیاندا سلطان خیر
 شیری شجاعت زینبدی زینب
 جرأتدہ یاران شیر دل آور
 مستضعفانہ ہر یردہ یاور
 سلطان عشقہ دنیاہ خواہر
 اُمید اُمّت زینبدی زینب
 زینب ادیلا باشلانندی ماتم
 آغلور بو غمدہ حوّا و آدم
 سسلور ملکلر گوگلردہ باہم
 دریای ہمت زینبدی زینب

رباعی

این فخر بس عمّہ سادات زینب است
 درماندگان شیعہ قبلہ حاجات زینب است

در مکتب علی آنکسکہ روز و شب
دائم کند بہ خلق مباحات زینب است

نوحہ وفات حضرت زینب با آہنگ جدید

زینبون جان ویروور گل حسینیم
غمترین سان ویروور گل حسینیم
گوزلری قالدی یولدا یوبانما
دردین اعلان ویروور گل حسینیم
ای امیدیم پناہیم حسین جان
سنسن عالمده شاہیم حسین جان
سنلہ من واریدیم یولداش آخر
باجینی چوخ سوور قارداش آخر
رسمیدور باجی ٹولسہ حسین جان
قارداشی ہی توکر قان یاش آخر
ای امیدیم پناہیم حسین جان
سنسن عالمده شاہیم حسین جان

اللریم قالدی سینمده قارداش
 گل منی یاد ایله سنده قارداش
 گُل جمالون گوروم صون نفسده
 اولمیوم ناگران منده قارداش

ای امیدیم پناهیم حسین جان

سنسن عالمده شاهیم حسین جان

اللی ایل من سنه یولداش اولدوم

هامی یولداشدان آخر باش اولدوم

گرچه معناده قارداش باجیدیم

لیک هر شهریده قارداش اولدوم

ای امیدیم پناهیم حسین جان

سنسن عالمده شاهیم حسین جان

باجیلار چوخ سوور قارداش اوغلون

دوست لایق سوور یولداش اوغلون

رسمیدور دائماً اوغلی اولانلار

جان کیمین ایستیر اوز باش اوغلون

ای امیدیم پناهیم حسین جان
 سنسن عالمده شاهیم حسین جان
 یوخدی اوغلوم منیم قارداش ایندی
 باشیم اوسته توکه قانیاش ایندی
 سن اوزون گل یتیش داده باری
 توکمه سون گوزلریم گوزیاش ایندی

ای امیدیم پناهیم حسین جان
 سنسن عالمده شاهیم حسین جان
 اولموشام من حسین دل شکسته
 کوینگون سالمشام سینم اوسته
 گل اقلأ گوروم بیر جمالون
 گیتیم قبره من روحی خسته

ای امیدیم پناهیم حسین جان
 سنسن عالمده شاهیم حسین جان
 طاقتیم یوخ گلم من عراقه
 قوش کیمین هی قونام گل بوداقه

غصّه و غم منی سالدی دلدن
 قوتیم یوخ دورام بیر ایاقه
 ای امیدیم پناهیم حسین جان
 سنسن عالمده شاهیم حسین جان
 شمع تک زینبین عمری سوندی
 ای خلیلا اورک قانه دوندی
 زینب ئولدی جهان تاریک اولدی
 گوئیّا عالمین وضعی چوندی
 ای امیدیم پناهیم حسین جان
 سنسن عالمده شاهیم حسین جان

تولد حضرت امام باقر(ع) رباعی

فخر ایدور حتماً بو گون زهرا امام باقره
 بیزده جشن ایلک بر پا امام باقره
 وار یری باهم دییک زهرا ایون آباد اولا
 نقشه زیبا چکوب یکتا امام باقره

رهبر جنّ و بشر یاران امام باقر است
 وارث خیرالبشر یاران امام باقر است
 صاحب علم و کمال نور دو عین نبوی
 آن سراپا پُر گوهر یاران امام باقر است

احوال حضرت امام صادق (ع) رباعی ونوحه

گلون بقیعه گیدک بیر دیونجا آغلاماقا
 عذاره گوز یاشینی دسته جمعی باغلاماقا
 امام صادق ثولوب عالمین سونوب شمعی
 بو علتیه سینه نی قبری اوسته داغلاماقا

نوحه

بو گون او گوندور آغلار ملکلر
 قالدی آتاسیز موسی ابن جعفر
 گیتدی جهاندان امام صادق عزیزان
 بیزده گلون باهم دوتاق شام غریبان

موسیٰ ابن جعفر آغلور بو گئجه
 گوزیاشین یوزه باغلور بو گئجه
 بو غمده سینه داغلور بو گئجه
 ایلور مدام آه و نوا آه و واویلا
 تاریک اولوب ارض و سما آه و واویلا
 زهرای اطهر گلوبدی یاسه
 آخوب گوزیاشی دولوبدی کاسه
 یتوب بو خبر یقین عباسه
 گلور مدینه شهرینه آغلاسون عباس
 گوزدن عذاره گوزیاشین باغلاسون عباس

نوحه حضرت امام جعفر صادق (ع)

باشلانوب بزم عزا یاران امام صادق
 آغلوری ارض و سما آلقان امام صادق
 غم دوتوب کونی تمام
 آغلوری مظلوم امام

بوگونون مثلینده یاران پارچالاندی لبلری
 زهر دشمن گوئیا آغلار قویوب عالمری
 شیعه نین قلبین ایدوب قان اول امامین غملری
 ایلوری کون و مکان افغان امام صادقه

غم دوتوب کونی تمام

آغلوری مظلوم امام

دین حقّ اوستنده چوخ زحمت چکوب اول دل غمین
 نچه مین شاگرد ایدوب تعلیم بی حد مطمئن
 آرتروب دین رونقین دنیاده چون اول مه جبین
 آغلوری بو علتیه هریان امام صادقه

حجّت پروردگارین زهریدن رنگی سولوب
 پارچا پارچا دور جگرلر قانیلن آغزی دولوب
 چولقویوب ظلمت جهانی شاهدین مسموم اولوب
 ایلوب ظلمون اشد دونان امام صادقه
 چون ائمه هریری بیر نوعیله مظلوم اولوب
 بعضیسی مقتول اولوبدی بعضیسی مغموم اولوب

جعفر صادق ولی بیر طرزیه مسموم اولوب
 آغلیوب بو ظلمیده قرآن امام صادق
 آغلوری معناده چون زهرای اطهر اوغلونا
 ناله و فریاد ایدور جّدی پیمبر اوغلونا
 بزم ماتم ساخلیوب جنتده حیدر اوغلونا
 آغلوری جناتیده سگان امام صادق
 بوگون آغلور گوئیا افلاکیان گروبیان
 شیون و افغانه گلمش قدسیان لاهوتیان
 گوزیاشین آلقان ایدوبدی بو غمه سبوحیان
 بس هامی ساخلوب عزا آلان امام صادق
 حضرت زهرا سوور چوخ قاره پرچم ورماقی
 غمزده اشخاص اوچون چون سرسلامت ویرماقی
 بالخصوص آل رسوله بزم ماتم قورماقی
 بیله بولم آغلوری هرآن امام صادق
 قاره پرچم ورماقین شیعه بوسوز معناسیدور
 هانسی یرده قاره پرچم اولسا غم دریاسیدور

بیر علامتدور قدیمدن بزم غم شوراسیدور
 بو سوزه پرچم وروب هریان امام صادق
 عاشق جانباز دینون رحلت عقباسیدور
 صادق آل رسولین ای عزیزان یاسیدور
 جعفری مذهبترین معناده عاشوراسیدور
 آغلیون باهم بو گون یکسان امام صادق
 ای خلیل نژاد یاز نوحه بو مظلوم رهبره
 قوی اوخونسون سوزلرون تا ضبط اولونسون دلره
 بلکه خوش گلسون کلامون کردگار داوره
 تا سنی عفو ایلسون رحمان امام صادق

تولد امام کاظم (ع) آهنگ جدید ترکی

گلدی میلاد موسی ابن جعفر
 آیدین اولسون بوگون هامی گوزلر
 هفتمین روز ماه صفردی
 شاد اولوب بيله بوئم پیمبر

رخت فاخر گسیون ای عزیزان
سیزده تبریک دیون ای عزیزان

فارسی

هفتمین حجت حق عیان شد
شیعیان در جهان شادمان شد
عرض تبریک بگوئید یکا یک
چون جهان سربسر گلستان شد
ای صبا مژده ده بر عزیزان
بلبل خوش بیان شد خرامان

ترکی

لطف ایدوب بی کران حی داور
گلستان اولدی عالم سراسر
سیزده شادلق ایدون بو گوزل گون
بلکه تاپسون صفا غملی دللر

رخت فاخر گیون ای عزیزان
سیزده تبریک دیون ای عزیزان

فارسی

موسی کاظم آمد به عالم
مفتخر شد چنین روز خاتم
جشن در آسمان گشته بر پا
نور باران شده عرش اعظم
ای صبا مژده ده بر عزیزان
بلبل خوش بیان شد خرامان

ترکی

جعفر ابن محمد اولوب شاد
خلقه بو جشن بی حد ویروب داد
بیزده با جادی باهم دیک بیر
خانه فاطمه اولسون آباد

رخت فاخر گیون ای عزیزان
سیزده تبریک دیون ای عزیزان

فارسی

خانه فاطمه شد گلستان
بهتر از گلستان باغ و رضوان
شمع و پروانه گل جمعاً اما
جای خالی شما بود یاران
ای صبا مژده ده بر عزیزان
بلبل خوش بیان شد خرامان

ترکی

بو خلیل نژادین حق پیامی
دلری تتره دور هر کلامی
بیله معلوم اولور شیعه لردن
شاد ایدور سوز یازاندا امامی

رخت فاخر گسیون ای عزیزان
سیزده تبریک دییون ای عزیزان

نوحه موسی ابن جعفر آهنگ جدید

دویموشام من بو زنداندا جانه
رحم ایله سنده بو ناتوانه
گوزلریم یولدادی گلسین اوغلوم
منتظر قالمشام اول جوانه
گُندر اوغلوم گله سن الهی
قالمیوم انتظار من الهی
ای آدامسیزلارین یاری الله
مظلومون یار و غمخواری الله
دویموشام جانیمه بسی قورتار
گورمیوم سندی خونخواری الله
گُندر اوغلوم گله سن الهی
قالمیوم انتظار من الهی

گوزیاشیم دوندی قانه اماندی
 لطف ایله حالتیم چوخ یاماندی
 وردی دشمن منه سیلی یارب
 طاقتیم گیتدی صبریم تالاندی
 گُندر اوغلوم گله سن الهی
 قالمیوم انتظار من الهی
 چکشم من زبس انتظاری
 غملریم آغلا دور رهگذاری
 بو سیاه چالیدن قورتار الله
 منده بیر خوش گوروم روزگاری
 گُندر اوغلوم گله سن الهی
 قالمیوم انتظار من الهی
 خوش اولار گورسم اوغلوم رضانی
 ایتمرم من داخی چوخ فغانی
 گلسه آرتار گوزوم نوری یارب
 تئز منه گُندر اول مه لقانی

گُندر اوغلوم گله سن الهی
 قالمیوم انتظار من الهی
 کاش معصومه نی بیر گوریدیم
 اشگ چشمی یوزوندن سیلیدیم
 بیر دیدیم اونا آغلاما چوخ
 گل یوزوندن اونون من اوپیدیم
 گُندر اوغلوم گله سن الهی
 قالمیوم انتظار من الهی
 من غریب منه آغلیان یوخ
 گوزیاشین عارضه باغلیان یوخ
 من غریب ئولسم آله بو یرده
 بیر گلوب سینه سین داغلیان یوخ
 گُندر اوغلوم گله سن الهی
 قالمیوم انتظار من الهی
 بو قرانلقد ا من آغلارام چوخ
 بیر نفر دادیمه هیچ یتن یوخ

گه ورار طعنه دشمن بو یرده
 سوز دگر قلبیمه مثلی بیر اوخ
 گُندر اوغُلوم گله سن الهی
 قالمیوم انتظار من الهی
 وار خلیل نژادین اشتیاقی
 ایستیور بیر گوره بو عراقی
 صورتین سورتیه قبر حسینه
 اشگیله بیر یووا اول رواقی
 گُندر اوغُلوم گله سن الهی
 قالمیوم انتظار من الهی

زبانحال امام رضا (ع) به پسرش امام جواد (ع)

هاردا سان گل بو خراسانه جوادیم ئولورم
 سنده بیر آغلا غریبانه جوادیم ئولورم
 گوزلریم یولدا قالوبای گوزومون نوری بالا
 آغلورام منده یانا یانه جوادیم ئولورم

صون نفسده باخورام لحظه به لحظه قاپویا
 یانورام آتش هجرانه جوادیم ئولورم
 تئز یتیش دادیمه گل تک سارالوب رنگ رُخوم
 باد ظلم اسدی گُلستانه جوادیم ئولورم
 خبر ایله گله معصومه باجیمدا یانیم
 چوخ سوزوم واردی اونالانه جوادیم ئولورم
 ئولسه عالمده غریب آغلیانی اولماز اونون
 اولی هر زادی غریبانه جوادیم ئولورم
 گل خراساندا منی دفن ایله دوت مجلس ختم
 شرکت ایت شام غریبانه جوادیم ئولورم
 ممکنون اولسا یتور ئولماقیمی شیعه لره
 پخش ایله کشور ایرانه جوادیم ئولورم
 زهر کین سالدی ایاقدان منی تأخیر ایلمه
 سوگتور من کیمی قربانه جوادیم ئولورم
 فرشلری جمع ایلوب تپراقاقویدوم یوزومی
 اوخشورام شاه لب عطشانه جوادیم ئولورم

ایستورم جَدیم حسین تک قوری یرلرده ئولم
 تاپشورام جانیمی جانانه جوادیم ئولورم
 باشیم اوسته گلنیم یوخدی اوغول غصّه لیم
 آخور اشگیم اودی دامانه جوادیم ئولورم
 خویش وائل یوخدی یانیمدابوچتین مرحله ده
 باخا بو دیدۀ گریانه جوادیم ئولورم
 گل اوخی باشیمین اوستونده اوزون الرحمن
 مایلم آیۀ قرآنه جوادیم ئولورم
 منی مسموم ایلوب پارچالانوبدی جگریم
 گیدورم محضر جانانه جوادیم ئولورم
 گل شتابان یانیمانچّه وصیت ایلوم
 یتوب عمروم داخی پایانه جوادیم ئولورم
 سوزوم عُمده بودی یوخسولاری مایوس ایلمه
 باخما یوخسولارا خصمانه جوادیم ئولورم
 دوماً اولگیلان دنیاده یتیم لر آتاسی
 رحم ایله جمله یتیمانه جوادیم ئولورم

فقرانی باشوا جمع ایله ای عاقل اوغول
 لطف قیل سنده رحیمانه جوادیم ئولورم
 ذرّه جه ایتمدی سازش بیزیله دار فنا
 اوف اولابیر بله دورانه جوادیم ئولورم
 ناامید ایتمه بیرین گلسه امیدیه اوغول
 بله بیر درگهه احسانه جوادیم ئولورم
 دین یولوندا باشوا گلسه نقدر درد و بلا
 اگمه باش فرقه عدوانه جوادیم ئولورم
 روزگارون نقدر سخت اولا صبر ایله دایان
 ایت توکل حق سبحانه جوادیم ئولورم
 سنی ده بیرگون اوغول مظلوم ایدر قوم دنی
 دونددر گوزیاشون آلقانه جوادیم ئولورم
 یازدوقون شعر خلیلا اوخوناندا بولونر
 بیته بیر گلدی گلیستانه جوادیم ئولورم

نوحه امام رضا (ع) آهنگ جدید

هارداسان گل اوغول باشیم اوسته
 غصّه و غم منی ایتدی خسته
 گوزلریم یولدادی گل یوبانما
 قویما قلییم اولا چوخ شکسته
 گل اوغول گل اوغول گل یوبانما
 یالقوزام بو غمی سهل سانما
 گل ایاقدان منی زهر سالدی
 طاقت و صبریمی الدن آلدی
 گلماقوندا اوغول ایله تعجیل
 بو ایکی گوزلریم یولدا قالدی
 گل اوغول گل اوغول گل یوبانما
 یالقوزام بو غمی سهل سانما
 آغلیان گوزلرونده گوزوم وار
 ایلمه فکر منده دوزوم وار
 گل دییوم من سنه ایندی اوغولوم
 قلبیده بی نهایت سوزوم وار

گل اوغول گل اوغول گل یوبانما
 یالقوزام بو غمی سهل سانما
 آغلاما دهریده یانه یانه
 گلمه مندن صورا چوخ فغانه
 توکمه گوزیاشوی گوزلروندن
 قویما دونسون گوزون یاشی قانه
 گل اوغول گل اوغول گل یوبانما
 یالقوزام بو غمی سهل سانما
 صبر ایله تنگ اولاندا زمانه
 قویما دوستون عدو چوخ بهانه
 دائماً دوت خدانی نظرده
 خدمت ایله یتیم کودکانه
 گل اوغول گل اوغول گل یوبانما
 یالقوزام بو غمی سهل سانما
 سن اوغول گوهر پُر بهاسن
 راه رسمی بولن آشناسن

رهبریت ايله جن و انسه
 جمله خلق الله رهمناسن
 گل اوغول گل اوغول گل یوبانما
 یالقوزام بو غمی سهل سانما
 بعض موقع ايله سن تقيّه
 دوشمه سین دام ظلمه بقيّه
 چوخ ایدوب ظلم جدّون زمانی
 خلقه عالمده آل امیّه
 گل اوغول گل اوغول گل یوبانما
 یالقوزام بو غمی سهل سانما
 واجباتی ايله خلقه اعلان
 قویما خلق اولسون عالمده ویلان
 دائماً سعی ايله بو جهاندا
 حکم ایده مردمه دین و قرآن
 گل اوغول گل اوغول گل یوبانما
 یالقوزام بو غمی سهل سانما

گل اوغول نعشیمین قیل نمازین
 رفع ایله مردمون سن نیازین
 هاردا گورسون یتیمه اوشاق وار
 چک اونون آغلیان وقته نازین
 گل اوغول گل اوغول گل یوبانما
 یالقوزام بو غمی سهل سانما
 فکر و ذکرون سنون دینده اولسون
 خدمتون خلقه هر گونه اولسون
 بو خلیل نژادین دوت الیندن
 دائماً قوی سوزی زنده اولسون
 گل اوغول گل اوغول گل یوبانما
 یالقوزام بو غمی سهل سانما

دینن یامهدی

ای اولان شمعینه پروانه دینن یامهدی
 عشقیله آغلا یانا یانه دینن یامهدی

قلبون آختار سا صفا گزمه بیابانلاری چوخ
 سال نظر گُلشن و بستانه دینن یامهدی
 قلبوی غصّه داریخدیر سا ایتیرمه اوزوی
 قیل توسل شه خوبانه دینن یامهدی
 ای که دائم گئجه گوندوز سحر آخشامه کیمین
 یانوسان آتش هجرانه دینن یامهدی
 ای گزن کوچه و بازاری امامین دالیجا
 گلوسن ناله و افغانه دینن یامهدی
 باغ و گُلزاره گیدنده آقانی سال یادوا
 گوردون هر وقتیده گلخانه دینن یامهدی
 منتظر سن فرجه صبر ایله ای شیعه پاک
 هر سوزه سن دیمه افسانه دینن یامهدی
 عشق اوزیله گئجه گوندوز غموی ایله بیان
 دی سوزون دائمی سلطانه دینن یامهدی
 ادب و معرفتیه گوزوون یاشینی توک
 چوخ اوزون ایلمه دیوانه دینن یامهدی

گوزی یاشلی دولانان هیئتی ای دائم اولان
 منتظر نیمه شعبانه دینن یامهدی
 ای اولان دردی فراوانی چکن روحی عذاب
 گلو سن دردوه درمانه دینن یامهدی
 آقامیز مشکل آچاندی اوزوی سیخماگیلان
 اورگون قویما دونه قانه دینن یامهدی
 اوزی ناظردی بیزیم حالیمیزه صبح و مسا
 لطفی وار بنده رحمانه دینن یامهدی
 دوشنوبدی آقامین سفرسی هر هیئته
 سال اوزون سنده بو احسانه دینن یامهدی
 هر زمان تاپدی مریضون بو جهان ایچره شفا
 شکر ایله قادر منانه دینن یامهدی
 مشکلون حدن آشاندا گونوی ایتمه قرا
 گوزیاشین توککوله دامانه دینن یامهدی
 اولسون عالمده گرفتار قضا و قدره
 دوشمه میش گوشه زندانه دینن یامهدی

گورسون هر وقته بیرى ظلم ایدوری بنده لره
 اعتنائیله مور انسانه دینن یامهدی
 چشم بینائله باخ گور نجه اشرار زمان
 بو یوروب فاطمه نی قانه دینن یامهدی
 پشت درده خانمون قالماقینی سال یادوا
 لعنت ایت فرقه عدوانه دینن یامهدی
 یانماسیدی خانمون درگهی ظلم آتشینه
 ظلم اولونمازدی مسلمانان دینن یامهدی
 اولماسیدی خانمون سینه سی مسماره هدف
 قتلگاه اولمازیدی خانه دینن یامهدی
 دخت پیغمبرین امنیتی اولسیدی اگر
 قانه باتمازدی او ریحانه دینن یامهدی
 ورماسیدی خانمون صورتینه سیلی عدو
 مرتضی دویمازیدی جانه دینن یامهدی
 بس ایله سنده خلیلا بو سوزون مطلبینی
 آغلا توک اشگوی دامانه دینن یامهدی

توسل به امام زمان (ع)

عاشقوخ دیداروه رخساروه یابن الحسن
طالبوخ گفتاروه رفتاروه یابن الحسن

ور کـناره پردنی

قوی گوراخ مولا سنی

ای امام انس و جان اذن آل حق داداریدن

لطف ایله قورتار آقا انسانی گیر و داریدن

من اوزوم عذر ایستورم عرض ایتدیم گفتاریدن

عف ایله مولا منی ایثاروه یابن الحسن

منتظر قالماقدان آقا قلبیلر دوندی قانا

سختدور دور زمانه گلموری غملر سانا

کثرتی اندوه و غمدن دویموشوخ مولا جانا

حسرتوخ صبح و مسا گفتاروه یابن الحسن

یوسف زهرا عنایت ایت ایاقوندان اُوپک

بوینوا بیر قول سالوب مولا دوداقوندان اُوپک

قوش کیمین بیز پر آچوب شاخه بوداقوندان اُوپک
 هامیمیز ملحق اولاخ انصاروه یابن الحسن
 حجت الله هارداسان دللر داریخدی گل آقا
 یولارا از بس باخوب ائلر داریخدی گل آقا
 یول دراز اولدی هامی گوزلر داریخدی گل آقا
 منتظر دور مرد و زن دیداروه یابن الحسن
 ذوالفقارون آل آله آماده گل یابن الحسن
 یت ضعیفلر دادینه دنیاده گل یابن الحسن
 عدلی دنیاده گتور ایجاده گل یابن الحسن
 جانیمیز اولسون فدا افکاروه یابن الحسن
 ای گلیستان امامتده گل ممتاز آقا
 بیر بله قالماز جهاندا منتظر سرباز آقا
 گوزلرون قربانیوخ گل ایلمه چوخ ناز آقا
 قوشگیلان گل سن بیزی زواروه یابن الحسن
 گل اوزون جدون حسینون قانینی آل سیدی
 ظلم ایدن اشخاصی تختن تپراقا سال سیدی

باش باشا ظالمری انظاریده چال سیدی
 تکیه ایله قادر قهاروه یابن الحسن
 ایلوری چوخلار خیانت بی نهایت مذهب
 ناسزال سویلوری اسلام و دین و مکتبه
 بیز سنی و رّوخ قسم عمون رشیده زینبه
 گل تصاحب ایله بو گُزاروه یابن الحسن
 غصّه و غم چیخدی مولا دهریده اندازدن
 دوندی آلقانه اورکلر هارداسان گل تازدن
 آز قالور قرآن داغولسون سیدی شیرازدن
 منتظر دور هامّی دوز اخباروه یابن الحسن
 ای خلیلا یاز سوزون آغلا توکولسون گوزیاشون
 گیچدی عمرون غصّه دن چوخ تئز آغاردی بوباشون
 بی وفا اولدی ندن عالمد یار و یولداشون
 قوخما ایلر چوخ کمک افکاروه یابن الحسن

بدرقه زوار امام حسین (ع) آهنگ جدید

ای گـیـدن شـوقـیلن کـربـلایه
 بـیزلری ایت شـریک سن دـعایه
 آغـلیان و قـتـه اوردـا حـسینـه
 بـیلـه عـرض ایلـه اول مـقـتـدایـه
 یاز بیزه کارت دعوت حسین جان
 قـبروه بیر اولاق بیزده مهمان

یول اولوب شیعیه ایندی هموار
 دسته دسته گلور یار و انصار
 گوگـلوموز ایستوری دسته جمعی
 کـرـبـلایـه اولاق بـیزـده زوآر
 یاز بیزه کارت دعوت حسین جان
 قـبروه بیر اولاق بیزده مهمان

روز و شب وردیمیز یا حسین دور
 سوز باشی ذکریمیز یا حسین دور
 سنده مولا بیزه ایت کرامت
 دائماً فکـریمیز یا حسین دور
 یاز بیزه کارت دعوت حسین جان

قبروه بیر اولاق بیزده مهمان
ای حسین عالمین شهریار
عترت حیدرین افتخاری
جان زینب آقا قویما اولسون
شیعیه تنگ بو روزگاری

یاز بیزه کارت دعوت حسین جان
قبروه بیر اولاق بیزده مهمان
ای اولان دین و قرآنه قربان
قلیمیز غصّه دن اولدی آلقان
ایستیروخ بیر گورک کربلانی
جان عباس آقا ایله احسان

یاز بیزه کارت دعوت حسین جان
قبروه بیر اولاق بیزده مهمان
قویما بو حسرتی دله قالسون
طاقت صبری چوخ الدن آلسون
لطف قیل بو اورک داغلیانلار
کربلایه یولون باری سالسون

یاز بیزه کارت دعوت حسین جان
 قبروه بیر اولاق بیزده مهمان
 قبروون تپراقی کیمیا دور
 هامی درده او تربت دوا دور
 عمریده آرزومیز بیزیمده
 کربلا کربلا کربلا دور

یاز بیزه کارت دعوت حسین جان
 قبروه بیر اولاق بیزده مهمان
 گلشن دین حسین با صفا دور
 یا حسین ذکری نه دلربا دور
 اهل عشقین دلینده یازیلمش
 شیعه نی آغلادان کربلا دور

یاز بیزه کارت دعوت حسین جان
 قبروه بیر اولاق بیزده مهمان
 کربلا مگه و هم سنا دور
 مشعرول زمزم و هم حرا دور
 کعبه اهل دل دور یقیناً

سربسر سبزیدور با صفا دور
 یاز بیزه کارت دعوت حسین جان
 قبروه بیر اولاق بیزده مهمان
 ای اولان سایه مهر و رحمت
 بو خلیل نژادی ایله دعوت
 ایله سون قبر پاکون زیارت
 توکمه سون دائماً اشگ حسرت

یاز بیزه کارت دعوت حسین جان
 قبروه بیر اولاق بیزده مهمان

تعریف کردن زائر امام حسین (ع) از کربلا

گلشن دینون عزیزان من صفاسین گورموشم
 افتخاریم وار حسینون کربلا سین گورموشم
 ایتمشم قبرین زیارت چاتمشم مقصودیمه
 شکر لاله من حریم کبریاسین گورموشم
 من حسینون بارگاهینده عزیزان نچه گون
 کربلا زوارینین ذکر و دعاسین گورموشم

مرقد شش گوشیه عالم دیور دارالشفای
 فخر ایدم باجادی چون دارالشفاسین گورموشم
 هر قدر اولسا حیاتیم آغلارام صبح و مسا
 شهریارین عمریده باب السخاسین گورموشم
 من نقدری شکر ایدم آزدی جهاندا اللهها
 اللی ایلدور چون حسینون بزم یاسین گورموشم
 آغلیوب آغلایتموشام بو اللی ایلده چوخلارین
 چوخ بلادی گزمشم بزم عزاسین گورموشم
 کربلانی گورمین بولمز یقین اوردا نه وار
 من او یرده زائرین آه و نواسین گورموشم
 گزمشم کربوبلانین کوچه و بازارینی
 هی دولاندوقجان عزیزان غم لواسین گورموشم
 چیخمشام تل اوستونه هی توکموشم گوزیاشینی
 زینبین گویا که قارداش وای صداسین گورموشم
 کربلایه گیتسه کیم آغلار حسینون حالینه
 من او جور که اول یرون دشت بلاسین گورموشم

قوی دیوم بو مطلبی یانسون اورکلر لا اقل
 کربلانین قتلگاه غمفزاسین گورموشم
 قتلگاه کربلا بیر کلمه سوزدی من دیدیم
 پاره قلب رسولین نینواسین گورموشم
 حیف اولاسیز اولمادوز منله دویونجا آغلیاق
 نچه یول گونده گزوب محنت سراسین گورموشم
 اکبرین قبری اولوب پائین پاده برقرار
 اول مزاری شش پرین تکمیل بناسین گورموشم
 قارداشی عباسینون قبرین زیارت ایتمشم
 مرقد با ارزش صاحب لواسین گورموشم
 خرداجا قبرین گورنده حالیم اولدی منقلب
 اول پریشان حاليله صحن و سراسین گورموشم
 گوزیاشیم جاری اولاندابيله احساس ایلدیم
 چوخ زماندان لطف ایدور مولا عطاسین گورموشم
 اصغره لای لای دیدیم آخدی یوزه اشگ تریم
 هم رباین آغلیان خیمه سراسین گورموشم

چون حسین یتیمیش ایکی قربان و یروب دین حقه
 قوی دیوم واضح اونون قانلی مناسین گورموشم
 ایتتمشم گوزده مجسم من حسینون پیکرین
 دل گوزیله گوئیابی حد یاراسین گورموشم
 ای خلیلا سنده یاز بو جمله نی اشعاروه
 من حسینون بی کران مهر و وفاسین گورموشم

اشعار زائر کعبه بعد از برگشت

مدینه مکه و کوه منانی گوردوم من
 امام عصر اُوپن آستانی گوردوم من
 صفا و مروه و زمزم مشعرول عرفات
 کشریر زائر و بیت خدانی گوردوم من
 سیزونده خالی یروز ای ویرن قولاق سوزومه
 امام عصر گزن گلیستانی گوردوم من
 اُوپنده من حجرول اسودی گوزی یاشلی
 اورک آچلدی سووندوم صفانی گوردوم من
 دیدیم خدا بو گوزل آستانه آند اولسون
 اورک گوزیله کانه خدانی گوردوم من

گئجه گونوز بو یرین حسرتین چکوردوم چوخ
 نصیبیم اولدی بو عالی مکانی گوردوم من
 تشکر ایلورم الله سنون بو لطفوندن
 بو زادگاه علی مرتضانی گوردوم من
 نصیب ایله اولاریکه چکوله حسرتینی
 گلوب اولاردا گوره بو بنانی گوردوم من
 دولانمشام من عجب با صفا مکانلاردا
 صفالی یرلرو کوه حرانی گوردوم من
 مدینه ده دولانان وقته عشق حالیه
 بیر اوزگه عالمیدی شیعیانی گوردوم من
 گیدنده مسجد پیغمبره دیدیم یارب
 جلالوه اولا شکر بو مکانی گوردوم من
 بی اختیار توکولدی گوزومدن اشگ تریم
 او لحظه که حرم مصطفانی گوردوم من
 گزنده خاک بقیعه او عاشقانیله من
 مزاری پوزقون اولان مجتبانای گوردوم من

تو کولدی اشگ روانیم پوزلدی احوالیم
 او ساعتیکه او پوزقون مکانی گوردوم من
 امام زین العبادین مزارینه باخدیم
 کانه او پریشان زمانی گوردوم من
 دیدیم آقا اورگونه قالان غمه قربان
 سن ایتدیقون او زمان زندگانی گوردوم من
 بله که گون قباقیندا قالب بو پوزقون قبر
 او ظلملرکه گوروبسن عیانی گوردوم من
 همیشه آغلارام آقا سنون ملالونده
 بونوعیلن که بو قبری آقانی گوردوم من
 سوروشسا گر بیری مندن مزار زهرانی
 دیمرم او مزار نهانی گوردوم من
 امام عصر اوزون گل منه عنایت ایله
 دییوم اقلأ امام زمانی گوردوم من
 خلیل نژاد سنه حق اوزی ایده قسمت
 سن اوندا یاخشی بولرسن هارانی گوردوم من

فهرست کتاب

موضوع	از صفحه	تا صفحه
راز و نیاز نصیحت توسل به امام زمان (ع) بانی هیئت	۵	۴۳
احوالات حضرت محمد (ص) و حضرت علی (ع)	۴۴	۹۰
احوالات حضرت زهرا (س) و حضرت امام حسن (ع)	۹۱	۱۳۴
احوالات امام حسین (ع) و قدردانی هیئتها و فوت پدر	۱۳۵	۱۷۸
معجز آورده‌نی به وسط دسته و شام غریبان حسینی	۱۷۹	۱۸۱
احترام دسته به دسته دیگر و در را می‌بندن بروی دسته	۱۸۲	۲۸۴
زبان حال خانم صغری کاروان امام حسین کوچ از مکه	۱۸۵	۱۹۱
احوالات جناب مسلم و عیدی قربان و اول محرم	۱۹۲	۲۱۴
احوالات علی اکبر و قاسم و علی اصغر (ع)	۲۱۵	۲۵۷
احوالات حضرت ابوالفضل و وداع امام حسین (ع)	۲۵۸	۳۰۳
نوحه روز عاشورا احوالات قتلگاه و کوفه و راه شام	۳۰۴	۳۳۵
احوالات رقیه و اربعین و حضرت زینب (س) و امام باقر (ع)	۳۳۶	۳۶۴
احوالات امام صادق و امام موسی کاظم و امام رضا (ع)	۳۶۵	۳۵۲
توسل به امام زمان (عج) رفت و برگشت زائر کربلا و کعبه	۳۵۳	۳۹۸

آدرس ناشر: تهران، خیابان ناصر خسرو، کوچه حاج نایب،

برای خان جعفری، انتشارات پیری تفسیر ۳۹۲۴۷۵۳

قیمت ۱۲۰۰ تومان